





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.5.41





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.5.41



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.5.41




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald. 1.5.41


Atto. 1/5





Ex Libris Joannis Nencini
1874















VICTORIS
FAVSTI VENE
TIORATIONES
QVINQVE

*Eius amicorum cura quàm fieri potuit
diligenter impressæ.*



Ne quis librarius has orationes impune suis ty
pis imprimat, alibi ue impressas uendat,
amplissimi Senatus Veneti decre-
to cautum est.


VICTORIA

FAVSTI VERNI

TIORATIOMES

GAINOVE

Etiam amorem cupit quod perit
dilectus imperit



AL DYE

In quo hinc est has orationes impetrare
per imperatorem, a quo de imperatibus
statutum est, ut in hoc decore
to eam sit.

PETRO FRANCISCO
CONTARENO
THADAEI F.

Non temere, aut casu aliquo contigisse, sed facto, aut potius diuino consilio factum arbitror Petre Fráncisce Contarene, ut Victoris Fausti scripta, in lucem, tua potissimum opera, & auctoritate prodirent. quum. n. tu uiuentis ingenium, siue ille ex bene tum dicendi tum scribendi ratione atq; exercitatiōe, siue ex architecturæ ratiocinatione atque operibus laudē quæreretur, unus omnium maximē foueris & erexeris; dignum tua ista grauitate ac constantia fuit, ut uita perfunctum pari item officio & pietate tuereris. uiuentem. n. diligere, eius est, qui aliqua modo familiaritate teneatur; mortuum uero fouere, non nisi summæ pietatis est. atq; ideo si quis eorum quæ hic fiūt, mortuis sensus est, nulla re magis quàm hac ista ipsa pietate, ac officio tuo illū lætari crediderim. ea. n. quæ antehac præstitisti ad breue quoddā uitæ solatiū pertinebant: hæc, ad perpetuam gloriam & immortalitatem spectant. et illorum quidem, sola eius qui acceper-

rat testimonium potuit exhibere cōscientia: huius praeclari facti tui, quod hominem fati iniquitate nobis ademptum, in uitā reuocare, & mortui memoriam immortalitati studeas cōmendare, testes erunt quicūq; hāc legent. legent autem eruditi omnes, & tibi gratias agent, simulque etiam studiose praedicabunt, Andreā Franciscium reip. uestrae magnum Cancellarium, non minus hoc praeclare quā cetera omnia praestitisse: quod tanti uiri sublime & ad omnia natum ingenium admiratus, has quasi funeris eius reliquias tecum colligere, & eius memoriam, qui diuturna erat uita dignissimus, haudquaquam tam exiguo uitae huius spatio terminari uoluerit. Fuit omnino Faustus, is qui, ut probè nosti, tum genere ipso, tum rei familiaris tenuitate, facile potuerit esse semper obscurus, nisi uno tantum atque eo magno ingenio repente clarus extitisset. iam inde à prima pueritia latinarum litterarum, atque adeo graecarum supra etiā quā credi possit, cupidus ac studiosus. nullum certe paulo clariore aut rhetorem, aut mathematicum, aut philosophum ea aetas tulit, quem ille, quantum res domestica patiebatur, non affectari & audire contenderit. Hieronymo tamen Maserio excellentis doctri-

næ uiro , qui publice hac in urbe tum profiteba-
tur tam assiduus comes hæsit , ut ab illius late-
re nunquam discederet : atque eum sibi docto-
rem à fortuna eo datum arbitraretur , à quo ita
ipse græce disceret , ut deinde alios docere faci-
le posset . uerum ut adoleuit , non contentus hac
domesticæ disciplinæ laude , orbem terrarum
peragrarè in animum induxit , ut nō solum græ-
cas litteras quasi toto orbe fugientes persequere-
tur , sed & prudentiam illam ac rerum usum cō-
pararet , qui non aliunde facilius quàm ex lon-
ga peregrinatione proficiscitur . itaq; sūma sem-
per & ubiq; discendi cupiditate , non omnē mo-
do Italiam , atque omnes maris nostri insulas
diligenter inspexit , sed Hispaniam quoque ac
Gallias , & Germaniam , maiori ex parte pera-
grauit : atque illarum gentium mores , & urbes ,
& in iis eruditissimum quenq; cognouit ; maxi-
mūq; ex consuetudine conuictuq; hominum ,
ut optabat , rerum usum , & multiplicis doctrinæ
augmentum adeptus est . quod facile apparet ,
uel ex una illa oratione quā in funere Francisci
Rubrii oratoris regii publice habuit : qua tā ac-
curate Galliæ mores & instituta , regis cultum ac
potentiam , & totius regni administrationem ex-
plicat , ut facili ostendat , prudentiam à litteris ha-

*

iii

bere parum adiumenti, nisi ad eam rerum usus,
& uariarum gentium accesserit cognitio. quod
scilicet hinc fieri soleat, ut, quæ alii legerint ip-
si uideamus; quæ in libris sunt, in his uersetur;
ne q; scriptis quæ falsa plerunq; deprehendun-
tur, sed rebus ipsis quæ nulla ratione inuerti pos-
sunt, erudiamur. iam uero, quasi Vlysses Home-
ricus, aut Aeneas ille, quum aduersa multa per-
tulisset, in Balthassaris Scipionis, uiri omni do-
ctrinarum genere & disciplinæ militaris cogni-
tione clarissimi, contubernium honorificis con-
ditionibus accitus est. cui non solum in litte-
ris iucundus fuit, uerum etiam & in scribendis
epistolis, & in re militari tractâda, ita fidelem &
fortem operam nauauit, ut ex multiplici sciëntia,
iure omnium horarum amicus & comes habe-
retur. et, ut erat idoneo ad omnia ingenio, rei
militaris disciplinam, quam ex ueterum præce-
ptis, & uariarum gentium historiis legendo pri-
dem attigerat, agendo penitus percepit; sibi que
apud Liuianum imperatorem, qui his maxime
studiis tenebatur, summam laudem compara-
uit. iamq; usu, & rerum scientia clarus, nemi-
ni æqualium suorum secundus, adeo suaui ora-
tione, quocunq; libuerat, hominum mētem ani-
mumq; flectebat, ut principes uiri, dulci ac iucū-

do sermone de rebus maximis differentem, nō
hilari tantum animo, sed etiam discendi cupido
libenter audirent. quum interim ii amici, qui-
bus neq; hortantibus, neq; rogantibus deesse po-
terat, à Martio illum opere ad Musarum otia, &
à castris in urbē reuocarunt; quod eū haud pau-
lo plus patriæ rationibus utilem fore iudicabāt.
tunc. n. forte Marcus Musurus repudiato græce
in hac urbe profitendi honore, Roman, præter
omnium expectationem, ad Leonem pontificē
maximum inani cupiditate, atque ambitioē du-
ctus, accurrerat. at ciuitas sollicita quærebat quē
idoneum illi successorem daret. ibi Faustus ab
amicis impulsus, sui periculum in græcis litte-
ris ita fecit, ut acceptam de illius uirtute omniū
animis opinionem, non confirmaret solum, ue-
rum etiam augeret. honorem græce profitendi
cunctis patrū suffragiis adeptus, fauente iuuetu-
te, multos ea in gloria annos ita floruit, ut nemo
id munus honestius obire posse uideretur. neq;
tamen uersatile illud & inquires ingenium hic
potuit subsistere, sed quum à prima ætate ma-
thematicas rationes imbibisset, & architectura
mirum in modū esset delectatus, animum ad ea-
dem studia longo interuallo penitus reuocauit:
quum in hac quoque disciplina, quæ liberalis

est, & ingenuo digna, primum locum ambitio se
appeteret. neq; sua illum cupiditas, aut spes fe-
fellit. hic. n. se mirabilem planè præstitit. et quo-
niam in celebri illo & admirabili uestræ reip.
nauali, propè dixerim natus erat, & hac parte
vobis se utiliorè fore credebat, ad ædificandas
naues animum adiecit: &, ut erat ingenio per-
spicaci, multa ipse inuenit, atque in iis nouæ cu-
iusdam ac propè indissolubilis contignationis
genus; multa ex ueterum architectorum placi-
tis in usum reuocauit; ac primus omnium apud
nos intermissū multis antea seculis usum quin-
queremis restituit. de qua ratioe, aduersus pu-
blicos architectos, adeo probabiliter apud pa-
tres disputauit, ut quod illi fieri posse pertinaci-
ter negabant, id ille non modo fieri posse, sed uti-
le etiam reip. futurum ostēderit; et publico sum-
ptu, cunctis admirantibus, quinquere mem illā
ædificauit, qua nullum toto mari nostro naui-
gium uel ad aspectum pulchrius, uel ad celerita-
tem uelocius, uel ad pugnam accommodatius
ac firmitus hodie spectatur. à qua una reliquæ
omnes, quotquot hodie usquam quinquere mes
sunt, quasi ab archetypo quodam effictæ forma-
tæque sunt. ex quo tempore uberiori stipendio
auctus, in summo honore atq; autoritate non

solum apud patres & uniuersam ciuitatem, sed
apud omnes principes ac reges fuit Faustus.
Leguntur Aristotelis mechanica multo diligen-
tius ac uerius quam ab ullo, uel ante eum uel post
eum translata; quæ proxime ita rursus uertere
aggressus fuerat, ut & alios prorsus omnes &
se ipsum uinceret. quod opus commentationi-
bus, & pulcherrimis machinarum omniũ sche-
matibus locupletarat, & tum habebat in mani-
bus iam iam æditurus, quum immatura morte
præreptus est. quod tamen quaecumq; est, si, ut
speramus, in lucem protrahere aliquando potē-
rimus, nihil dubitamus quin omnes intelligant,
illum, si diutius uixisset, plurima ac longe maxi-
ma architectonicæ disciplinæ adiumenta allatu-
rum fuisse. Nunc, quinq; illius orationes lō-
ge pulcherrimas, ab iis, penes quos delitescebāt,
amicorum industria, & autoritate tua impetra-
tas, & typis expressas, tibi potissimum Petre Frā-
cisce Contarene dicandas iudicauimus; qui
senatoria prudentia clarus, nec tam ætatis quam
uirtutum prærogatiua commendatus, ita temp.
administras, ut, tum consilii maturitate, tum iu-
dicii seueritate, dignus sis, cui amplissimorum
magistratuum munera, primo quoq; tempore
certatim deferantur. præcellentis porro do-

ſtrinae laude eò progressus es, ut unus omnium
de scriptis alienis optime possis iudicare . Id
autem eo libentius fecimus , ut & Fausti ipsius
manibus gratificaremur, qui si uiueret, nulli po-
tius quam tibi fœtus ingenii sui consecraret ; &
patria, præter alia tua in se merita, hoc quoq; se
tibi debere cognosceret , quòd alumni sui pas-
sus non sis perire monumenta .

Orationum Index.


Oratio prima, qua gratiæ aguntur pro impetra-
to græce profitendi honore. car. 1.

Oratio secunda qua maius stipendium petitur.
car. 18.

Oratio tertia qua bonarum litterarum studia
commendantur. car. 37.

Oratio quarta in funere Francisci Rubrii, ora-
toris Gallici. car. 56.

Oratio quinta, qua uirtutem & litteras per se
expeti debere ostenditur car. 67.



VICTORIS FAVSTI ORATIO

QVA GRATIAE AGVNTVR PRO IM-
PETRATO GRAECE PROFI-
TENDI HONORE.



VOD sæpe à diis immor-
talibus precatus sum, clarif-
simi patres, tum inter pere-
grinandum terra mariq̃;
tum eo potissimum tempo-
re, quum in uestris castris
agebam, ut siquid in me ef-
set cum publica utilitate coniunctum, patriæ re-
seruarent, eiq̃; me totum, ubi opus esset, impē-
derent: id hodie, tam eorum consilio, quàm ue-
stra singulari pietate factum esse cognosco. ne-
que enim illi, ut arbitror, tantam mei curam ge-
rere uoluissent, ut, quæ meæ preces essent, &
pericula euaderem, & patriæ tandem aliquid
præstare possem, nisi me uobis gratum atq; acce-
ptum fore uidissent. est igitur, quòd ego uos
patres, dum luce hac perfruar, secundū deos
colam, atq; suspiciam: quippe qui tot ac tanta
in me beneficia contulistis, ut, quoties ea men-
te complector, tanta undique admiratione of-
fundar, ut è uestigio sensus omnis cadere ui-
deatur, lingua hebescat, nec ulla pars mei suo

A

O R A T I O

fungatur officio nisi sola memoria . nam quæ
 tanta ingenii uis , & quæ tam felix eloquentiæ
 copia in homine ullo esse potest , ut , quæ simul
 effecere tot maximi atq; amplissimi uiri pro se
 quisque uario uirtutum genere usi , unus ipse
 & cogitando percipiat , & dicendo plena ora-
 tione consequatur ? etenim in eo , quod me ita
 ornastis , ut non modo summis honoribus au-
 ctus sim , uerum etiam uobis & mihi ipsi resti-
 tutus , partim uestrum spectanda est incredibi-
 lis quædam ac prope diuina benignitas , par-
 tim mira humanitas , partim maxima probi-
 tas , omnium autem summa iustitia . at uero
 mihi in ea animi fluctuatione , id salutaris auræ
 quasi ab intimo cordis sinu uidetur afflare ,
 quod , tametsi maxima grauissimaque officii
 mole obrutus sum , & que oppressus , tamen uos
 eo animo esse animaduerto , ut , quemadmo-
 dum in dandis uestris beneficiis ob magnitu-
 dinem , multitudinem , firmitatemq; prope diui-
 nis , non quid alios , sed quid uos maxime de-
 ceat , spectandum putatis , ita etiam in acci-
 piendo , non quid uestræ amplitudini , uestro-
 que splendori conueniat , sed illud præcipue
 consideretis , quid cuiusque eorum fortunæ
 possint , à quibus gratia referatur . insuper &

altero quodam uelut secundo releuor flatu ,
quoniam , non solum quicquid ego sum , aut
esse possum , uerum etiam omnia mea , uestra
censentur : quo facile potest intelligi , quæcun-
que a me proficiſcantur , uobis per quàm grata
eſſe debere : utpote quæ non aliunde quàm a
nobis metiſſis in uoſmet ire uideantur . acce-
dit eò uetus quædam in uos amoris & obſer-
uantix meæ conſcientia : qua ſic ſoleo dele-
ctari , ut metuum , ne quid interim de ſum-
mo conatu habendæ ſaltim gratiæ remittatur ;
atque ita metuum , ne desperem fieri poſſe ,
ut , quantum in me eſt , meritis uestris quan-
doque respondeam , quatenus ſatis gratiæ re-
ferre uidetur iſ , qui , quum beneficium remu-
nerare non poſſit , eorum , quæ acceperit me-
mor ſit , ac eadem ſæpe commemoret . & cer-
te , ſi uelitis in memoriam reuocare , quàm mul-
tis me commodis affeciſtis , nullum hodie
mortalem eſſe putabitis , qui uos maiori ſtu-
dio , maioriq; beneuolentia proſequatur , quàm
iſ , ut debeo , & priuatim publiceque debere
proſiteor . quis enim unquàm tota barbaria , tam
obſtinato ingenio , tam exquisita immanitate
reperitus eſt , ut nullum monumentum ſuæ gra-
titudinis ederet , ſi , perinde atque ego , ue-

A ii

ORATIO

stram animi magnitudinem, uestram munificentiam, bonitatem, æquitatemque sensisset? siquidem nemo, ut arbitror, est adeo rerum ignarus, qui id nesciat uestræ esse clementiæ, quod mihi ætatem, quæ reliqua est, eodem in solo agere liceat, ubi primum dulces auras ore concepi, lucemque istam oculis hausi, ubi debili gradu paulatim caput hoc sublime ferre condidici. magnum est hoc beneficium patres, magnum atque immortale, quod uobis uel hoc ipso nomine debeo. nam si tanto magis uera solidaque uoluptate afficimur, quanto gratius aliquid obtinemus: profecto par est, iis plurimum debere fateamur, qui nobis carissimæ ac optatissimæ alicuius rei copiam faciunt, at nihil est natali solo iucundius, nihil suauius, nihil cuius præsentia magis delectemur, quodque ubi amissimus, maiori cum anxietate quæramus. multum sanè parentum aut liberorum desiderio premimur: sed nihil ad eum mœrorem, quo, si nobis patriæ interdictum sit, diu noctuq; cruciemur. illos enim amissos multi populi multæque nationes minime lugent, nonnulli per annum id agunt, alii aliter, omnibus tamen parui temporis spacio carissimi cuiusque defuncti dolor

extinguitur. exul uero quantumuis senex, donec animam efflet, ad patriæ nomen ut in acerbissimo uulnere suspirat. Certe, quem admodum ea non cupimus, eorumq; nullo amore tenemur, quæ nobis sunt omnino ignota: ita etiam iis nescio quo pacto magnopere gaudemus, quibus iam pridem sumus assueti. ad hæc unicuique natura inditum est, ut eos in primis colat, ac summa ueneratione dignos putet, qui sibi propitii boniq; alicuius auctores esse uideantur. & ideo magno omnes patriæ amore flagramus: quippe qua nihil prius neque uidemus, neque cognoscimus: qua hominibus annumeramur: qua educamur tanto labore: qua instituimur pro sua quisque fortuna. hæc nobis humanæ uocis usum largitur, quo uno, ad omnia perdiscenda uidemur idonei. hæc dulcissimum illud patris nomen, ac item matris, fratrumq; & aliorum suauissimas appellationes, in ipso lucis uestibulo quasi obuia porrigit: quod utique munus omnes homines tanti esse existimant, quanti esse non possint, quæ postea toto uitæ curriculo consequantur. quid multa? nemo unquam neque uirtute, neque fortuna, quicquam adeptus est, quin aliquas gratias ob eā rem patriæ habendas esse

O R A T I O

fateretur . quum autem ex omni peregrinatione , patrii amoris argumenta ducantur , quàm ingens sit , quàmque tenaciter mentibus nostris inhæreat ; precipue tamen id animaduerte re est in iis , qui aut maris , aut belli difficultatibus conflictantur . etenim nautæ , cæteriq; uectores , ubi de africo cœlum sese induit in nubem , ac solem condere incipit alta caligine , undaq; ducto cœli colore horrida late dehiscit , confestim incolumi adhuc spe , deos orant , ut se patriæ restituant , uariaque pro reditu uota concipiunt . ut uero effractis armamentis antennæ collabuntur , excussoq; clauo , & auulsis gubernaculis , nauigium uento ac turbini obsecundat ; iam desperata salute , si id forte in Ionio accidat , Græcus id queritur , id deflet , quòd patriæ amplexu , quam haud procul aspiciat , in ipso penè deorum penatium conspectu prohibeatur ; & quanquam putat deos omnes esse auersos , nihilo secius tamen eos precatur , ut , quam patriam uiuo sibi tam alieno tempore denegent , in ea mortuum quiescere patiantur : illud singularis beneficii loco habiturus , si naufragum saltem cadauer , optata patriæ litora possit attingere . rursus Phœnix aut Hispanus id tantum deplorat , quòd tam procul

sua regione intereat, miserrimum ac durissimum arbitrans, quod ne fumum quidem patriæ terræ, ante quam moreretur, uidere potuerit: tum insigne aliquod promontorium sæpe commemorat, quod sibi aliàs in patriam redeunti, primum apparere consueuisset, Carmelum, aut Tenebrium. denique omnibus frequens in ore est, patriæ nomen, donec præclusis mari faucibus, in æternum silentium tacere cogantur. miles item, si in acie stetit, ubi primis ordinibus loco summotis, cædes incipit esse magis quam pugna, non id queritur, quod tot tantisque uulneribus acceptis occumbat, sed agri uastitatem, urbis oppugnationem extremaque omnia animo uersans, patriæ uicem dolet. sin est præsidio relictus, quoties murum ascendit, non id agit ut se patriæ propugnacula protegant, uerum ut ipse potius patriæ propugnaculum esse uideatur. quum autem munitiones tormentis concussæ, ac prope solo æquatæ, hostilibus copiis, iam iam impetum facturis, apertum iter ostendunt; ea una est eius querimonia, quod sibi non prius obirelicuerit, quam patriæ ruinam direptionemque spectaret. Enim uero unusquisque beatissimum esse existi-

O R A T I O

mat eodem in loco sui laboris summam posse deponere, ubi primum cœperit fatigari, ut uitæ finis, initiumque, sic uelut per aëto orbe iungantur, propterea innumeras pro pmodum nationes, pestilenta aut periculosa ad habitandum loca, ut semel ibi natæ sunt, nunquam amplius deserunt. sunt quædā urbes in Gracia tam molesto sole, tam intolerabili æstu, propter radiorum inflexionem de proximis montibus, &, quoniam ad mare positæ sunt, meridiemque spectant, austro tam noxio, ut fere quotannis eo morbo corripiantur, qui uno contactu inficit multos. inde tamē nemo decidet: nemo, quum peregre profectus est, eò non properat. tantus est patriæ amor, ut, quod ubique perniciosissimum esse dicatur, ii domi suæ parum exitiale fieri posse confidant. Est in Hispania Tarraconēsi, castellum quoddam agri Pintiani, lacunæ adiunctum eius naturæ, ut, quamuis per hyemem ob niues & pluuias aquæ plena sit, atque exundet, æstate tamen, maiori sui parte siccetur, tum propter soli ariditatem, tum quoniam inde magna uis iumentorum quotidie potat. id autem uaporis cænum illud exhalat, ut omnia circum ad mille passuum & amplius tetrissimo odore

compleantur . negant tamen incolæ in ea re
quicquàm esse molestiæ . quumq; omnes , qui
illac iter faciant , subito capitis dolore tenten-
tur , ac diutius tantam aeris grauitatem ferre
non possint ; rident ipsi , & secum tacite glo-
riantur , quòd eius patriæ sint , quæ ab aliis ne-
queat coli ; neque animaduertunt ibi nullum
aut rarissimum quenque senescere , ac se , quo-
ties ab arationibus aut pascuis , domum reuer-
tuntur , tot luteas statuas pro coniuge liberis-
que reperire . uiri enim illi , propter opus , &
solem , non sunt adeo mala corporis habitu-
dine : mulieres uero , quæ domi insident , sic
pallent , sic nescio qua uelut tabe consum-
muntur , ut cadauera potius quàm corpora
esse uideantur . nec mirum . nanque solemus
ea optima pulcherrimaque iudicare , quibus
toto corde afficimur , ut , quia in iis ullum ef-
se uitium minime suspicemur , etiam , quæ
maxime insunt , nequaquam uidere possimus .
Verum dixerit aliquis , ea , quæ morbo quo-
piam laborant , secundum aliquam tepesta-
tem mitius affligantur . quid autem illa , ubi
nullum sine periculo spiritum ducere liceat ?
in Germania trans syluam Hercyniam oppidū
est , cuniculis actis ad educendas natiui salis gle-

O R A T I O

bas , maxima ex parte suffossum . in eo ,
 funes quidam crassiores , publica pecunia
 fiunt , quibus lignea illa fundamenta re-
 ligentur inter se . omnes enim transalpi-
 næ nationes , ob sylvarum frequentiam , li-
 gneas extruunt domos , oblitæ quidem cal-
 ce , fideliaque dealbatas , ita ut facile parie-
 tis speciem simulent . fit igitur eo conne-
 xu , ut ultimis duntaxat partibus , interio-
 ri excavati montis crepidine subleuatis , &
 quæ media sunt quoque consistant , perin-
 de ac si contignatio quædam esset , cuius non
 nisi extrema columnis aut parietibus fulci-
 rentur . eat aliquis nostrum eò , somnum-
 que si possit capiat , dum meminerit unius
 tantum funis imbecillitate , siue quòd hu-
 more putruerit , siue quòd bestiolarum cuiuspiam
 sit dente corrosus , siue etiam quòd nodum
 habeat male complicatum , breui momento
 uniuersam illam uiciniam in tam profundam
 uoraginem posse collabi . tantum autem ab-
 est , ut homines ii quicquàm tale uereantur ,
 ut putent se nusquam tutius aut commodius
 posse consistere : quoniam sicut patriam præ
 cæteris rebus omnibus amant , ita etiam pro
 certo habent , fieri nullo modo posse , ut un-

quàm ab ea tam impio scelere prodantur . in
sula quædam posita est ad septentriones , quã
si quis ab alto conspiciat , protinus se crate-
rem aliquem magnum intueri arbitretur . ag-
geribus enim undique cingitur . area uero ,
quæ media est , quotidie bis altitudine uigin-
ti pedum , ubi minus offusi maris superficie
uidetur inferior . quandoquidem humor il-
le , qui terras omnes circundat , ut in medi-
terraneis etiam fieri uidemus , sex horis flu-
it , ac totidem refluit , sed tanto uehemen-
tius , quantum magnitudine ceteris præstat .
nam quum effunditur , terramque petit ,
ceu torrens aliquis preceps è prominenti-
bus saxis mirum edit fragorem , pariq; ue-
locitate sese recipit in altitudinem suam .
quo fit , ut uel minima eius aquæ mutatio ,
quadruplo maior existat , quàm quæ maxi-
ma è nostris esse consuevit . eo in loco tam
formidabili , ciuitas est admodum frequens .
ædificia quoque multa , tum publice , tum
priuatim ampliter facta , ciues illos satis
gnauos , atque industrios esse testantur : qui ,
ut leuiter dicam , certe perridiculi sint ,
quod , potius quàm aliquid tutius capes-
sere , tam acriter pugnare uelint cum ip-

ORATIO

so oceano , dum ille , ut libere uagetur , quemadmodum olim solitus erat , in obie-
ctas moles impetum faciat , ipsi uero condu-
plicatis munimentis , ne id fiat , summa ope
nitantur , nisi pro patria , quam rerum caris-
simam censeant , proq; natali solo , cui se om-
nia debere existiment , tantum laboris insu-
mere , ac simul ad durissima quæque parati es-
se uideantur . equidem hac in parte complu-
res alios connumerarem , eos presertim Rhe-
ni acolas , qui casas pensiles habitant , hoc est
ramos firmissimæ cuiusque arboris ad me-
dium cedunt , atque inter eos truncos habi-
tacula quædam componunt , ut eo pacto sese
ab eluie tutentur , (nam circa ostia sunt)
quotiesque flumen ripis egreditur , in sicco re-
sistant : nisi cognoscerem omnes homines na-
tura ita esse animatos , ut nihil sibi felicius suc-
cedere posse arbitrentur , quàm si per totum
uitæ spacium amœnissimo , iucundissimoque
patriæ conspectu fruantur ; ac neminem un-
quàm fuisse , cui non sua sibi patria ualde
placuerit . quin , non homines modo , uerum
& cætera quoq; animalia patriæ suauitate dele-
ctantur , ac eius desiderium ægre admodum fe-
runt . equos uidemus nobiles illos Numidas at-

que Hispanos, quum in Italiam deportantur, multum de pristino uigore amittere, multum de ea uenustate, qua, dum essent in patria omnium oculos in se conuertere uidebantur, remittere, subitariisq; aliquot morbis tentari, ac demum citius multo senescere. idem & aliis euenit. uidi ego in Hispania elephantum, quod iam tenui ualitudine uti coepisset, quotidie lacrimantem, ac suum illud coelum resupinato capite querentem non sine gemitu atque suspiriis. plantae etiam si in alienam regionem traducuntur, plerumque sterilescunt, saepius tamen intereunt, ueniunt autem omnes felicissime, si, ubi semel depactae sunt, diu consistent. neque enim de seminario sine ingenti discrimine transferuntur, si, qua parte prius aquilonem aut eurum spectarint, eadem postea fauonium uel austrum excipiant. quamobrem patres, si nihil cuiquam est carius patria sua, & ego uestra pietate sum patriae restitutus, certe necesse est uobis immortales gratias habeam, agamq; non semel aut iterum, sed quoties id ferat occasio. etenim sub id tempus, quo sententiis ferè omnibus tam grauius tamque honestè de mea dignitate statuistis Epidaurii legati, quae opulentissima ciuitas est tota

O R A T I O

Dalmatia, iam obsignatis tabulis me, quanto maxime poterant, perque leges suas licere uidebatur, stipendio auctorarant: id ipsum & alii quoque nominis italici maiori pecunia se facturos pollicebantur. unde facile usu uenire potuisset, ut, quoniam ætas, mores, & hæc ipsa studia efficiunt hominem segnem, de Veneto Epidaurius, aut quiuis alius, fieré, quod ego iam multo antea ueritus, mecum ferè semper tristis mœstusque reputabam. At quæso cuius patriæ sum restitutus? Ithacæ ne alicui, an Sardinia? quarum alteram soli sterilitas, alteram uero cœli intemperies fecit insignem? immo uero, ipsi Venetiæ, saluberrimæ, feracissimæque regioni: quam si quis non iniquus rerum æstimator uelit inspicere, nihil se toto orbe terrarum nec uidisse, nec ab aliis accepisse fatebitur, quod cum ea possit comparare. nam, ut inde incipiam, tanta benignitate cœlum sortita est, ut non plures pueros alere soleat, quàm senes: incolas autem habeat statura mediocri, facie liberali, frugi homines, & maxime temperantes. ipsæ enim horæ in ea quasi communi consensu annum ex æquo inter se partiuntur. nanque trium mensium spatio, uer flores eo ordine procreat, ut alius alium subsequatur.

Veneriarum laus.

æstas item, fruges omne genus suis solibus ex-
coquit. autumnus uarios fructus ad maturi-
tatem perducit. hyems tellurem penè ex-
haustam larga humoris copia recreat. unde
id accidit, ut cuncta incredibili temperie pro-
ducantur, uel ex ea harmonia lucis & umbræ,
quam bruma solstitiumque constituunt. su-
perant enim se inuicem duplo. quæ res, quan-
tum momenti afferat ad omnem salubritatem,
rerumque præstantiam, ex iis locis colligi po-
test, quæ manifesto ab hac proportionem disce-
dunt, quatenus partim perpetuo gelu premun-
tur, partim continuo feruore laxantur; ita ut
nihil nisi imperfectum habeant atque immo-
dicum, præter uenena, & feras, ac insignes il-
las ægrotationes, quibus æternam ignomi-
niam consequantur. Præterea eo loci posita
est hæc felicissima regio, ut totius Europæ um-
bilicus esse uideatur. quo fit, ut trāsmarina om-
nia, tam ab ortu solis quàm ab occasu, facile im-
portentur: quod autem ad mediterranea perti-
net, Gallia paucis diebus adeatur, pauciori-
bus uero Germania. insula quidè non est; ne
iis, quæ incontinenti sunt, carere cogatur;
neque à mari longe recedit, ne usum eius
ignoret: sed in intimo adriæ sinu collocata eum

umbilicus

O R A T I O

obtinere situm, ut iis omnibus, quæ terra mariq; sunt aut uitæ necessaria, aut uoluptati accommodata, potiat. montibus a septentrione munitur præaltis illis, qui Noricos a nobis auertunt. ii, qua parte incipiunt sentire meridiem, tantam materiæ uim agunt, tot altissimas pinus, tot crassissimas abietes, tot quercus, tot phagos, ut nusquam uidere sit nec domos cultiores, nec pulchriora nauigia. neque uero domesticam tantum opulentiam ea arborum copia sumministrat, uerum etiam in Picenis, & Appulis, ac reliqua ora Italiæ magna æstimatione distrahitur. Idem quoque ferrum exhibent singulare, cum ad temperaturam & armatum ad omnes alios usus. quod quanti faciendum sit, ii iudicent, qui nihil sine eo in fabricis ullis fieri posse cognouerint. postremo nihil montanum reperitur, quod ibi eximium non sit atque copiosum. nam quis Erymanthus ferat apros maiores? quæ Ida plures aut ceruos aut capreas alat? equidem non eo inficias, uenationes multis in locis magnum usum magnamque uoluptatem afferre: ueruntamen eas omnes nihil adhanc esse contendo; quippe quæ nullis principibus reseruata sed etiam infimo cuique exposita, quotidie tamē eadem sit,

fit, aut maior euadat. Vbi uero iuga illa paulatim alpestri habitu immutato exeunt in colles, tam uario, tam multiplici, tam excellēti genere uitium undique teguntur, ut dubium sit, utrum in Campania an in Venetia, Bacchus delicias suas collocarit. nam, quod Falernum Patauino, quod Setinum aut Calenum, Vicetino anteponas? certe, non pauca sunt ueteribus decantata; quæ si hoc sæculo cum nostris alias ignobilibus conferantur, protinus omnem opinionem amittant. Quid autem ea planities, quæ ad mare usque pertingit? quæ in ea messes, quæ fœnifecia? nempe, si triticum seras, cum Aegypto, Bœotia, Siciliaque contendit. si hordeum, Africæ, Hispaniæque non cedit. si legumen, aut alia frumenta, Syriam & Thessaliam uincere uidetur. At, dii boni, quæ flumina, quàm ubique alueo suo contenta, quàm magnis lintribus peruia, quàm frequentibus uillis adumbrata; qui fontes, quæ stagna, quæ super iis nemora, quot semper aucupii apta, quæ pascua, quæ prata; quàm irrigua omnia, quamquæ egregiis pecoribus referta. Mitto, equos illos lupatos. mitto, nobile illud genus mularum. mitto, etiam Venetos equifones, quos olim reges certatim

B

O R A T I O

ad equilia sua magna mercede accerssebant .
 sunt enim hæc uetustate deleta . loquor de iis ,
 quæ hodie uigent . Atque, ut alia seponam ,
 quis unquam sub sole maiorem, habiliorem-
 quæ uidit bouum corporaturam ? habet qui-
 dem & Britannia suos boues, magnitudine in-
 signi . habet & Bathica . sed ii minime ad ex-
 cellentiam istam accedunt : quando natura
 quum uestros formaret , quid tandem in eo
 animantium genere posset , uoluit experiri .
 Iam uero in ultimo littore ipsæ alibi steriles ha-
 renæ sic uirent , sic floribus pinguntur , sic ua-
 riis stirpibus ornantur , sic hortensibus omni-
 bus abundant , ut , quicquid ab herba , fru-
 tice , arbore , hoc quidem cælo , expeti pos-
 sit , ibi amœnissimum suauissimumque repe-
 riatur . mihi sanè , quum ea olera , uel media
 hyeme tam læta conspicio , in mentem ueni-
 re solet Alcinoi , Adonidis , Hesperidumquæ
 ipsarum . denique ueterem historiam mecum
 recensens , quamlibet antiquam hortorum no-
 bilitatem cum hoc diuino potiusquàm huma-
 no opere confero . naturam enim puto in-
 credibili cura, id ornamenti uelut in primo bea-
 tissimæ huius regionis limine posuisse, ut , qui-
 cunque applicuissent eò, inuitarentur ad inte-

rora spectanda, atque hoc pacto ipsa, quæ
uobis speciosissima dedisset, etiam exteris na-
tionibus ostentaret. Hæc igitur, & longe plu-
ra sunt, patres, terræ Venetiæ commoda, qui-
bus, me patria olim, quum nihil adhuc planè
cognoscerem, quum nullius officii capax es-
sem, donauit. uos autem, eadem ipsa non
in scio, non ignaro, sed conscio, & experto
reddistis, atque ita reddistis, ut, quæ satis per
se iucunda fuissent, iucundissima uestro be-
neficio fierent. mirum enim est, quantum gra-
tiæ iis accedere soleat, quæ uel minimum de-
siderata recuperantur. Terrestribus marina
succedunt. de quibus, illud dicere ausim, nul-
las aquas à parente sua Meoti ad Herculis fre-
tum & Gades usque postremas, nec insulam
cingere, nec ullum quauis forma littus allue-
re, quæ Venetis præferri possint, siue utilita-
tem quis spectet, siue etiam uoluptatem. quod
quidem facile ipsimet sibi persuadebunt, qui
naturam earum diligenter considerarint. nan-
que ex ea altitudine, in qua naues ad ancho-
ram stare non possunt, sensim coniiciunt se se
in uada, non acutis cautibus aspera, non cæ-
cis uoraginibus dubia, sed molli sabulo qua-
si substrata: in quo tantum non sicco, tanta

Marina.

O R A T I O

omnis generis concarum uis inest, ut de eo ter-
 ræ marisq; confinio, magnum argumentum u-
 bertatis utriusque capiatur. deinde certis in lo-
 cis per augustissimas fauces in mediterraneam
 partem impetu facto longe lateque amplissimi
 lacus specie uagantur. quod mihi prorsus om-
 nem rationem excedere uideretur, nisi admi-
 rabili naturæ consilio factum esse censerem.
 etenim, quam ob rem tanta moderatione se ge-
 rant, ut potius per nescio quas angustias ultro
 citroq; commeare patiantur, quàm uelint di-
 ffecto illo tenui aggere leuium harenarum li-
 berum sibi atque apertum iter efficere? profe-
 cto ea est causa, ut singulare quoddam aduer-
 sus tempestates piscibus suis præsidium, exter-
 nis uero perfugium relinquatur: quandoqui-
 dem, non tantum è proximis Liburniæ scopu-
 lis, uerum etiam ab ipsa longe opposita Cyre-
 ne, atque ex ultimo illo recessu, in quo Phile-
 nis fratribus aræ positæ sunt, magnæ piscium
 turmæ in hanc partem uentis et fluctibus a-
 guntur, nec usquàm prius consistere possunt,
 quàm in hanc uelut arcem munitissimam sese
 receperint. hinc, illa fori piscarii quotidiana
 frequentia. quippe quum cæteræ nationes, ubi
 paululum mare inhorruit, piscibus abstinere

Condy

lacus.

piscis.

longi piscarii.

cogantur, non nisi eo tranquillo alia alios capiant: uobis & plani, & longi, & lubrici, & squamosi; & qui frustra teguntur, & qui tecta, nullo non die presto esse consueuerunt. Venio nunc, ad urbem, his mediis aquis fundatam. quæ, si nihil aliud, certe quod ea magnitudine portum habet, ut non millæ Græcorum naues, quibus olim præfuit Agamemnon, aut classem regum Hieronis, & Philadelphi, sed quicquid hodie nauigiorum ubique gentium est, capere queat, præteriri à me sine certa laude non potest. ueruntamen, quis de hac urbe pro dignitate ipsius se uerba facere posse confidat? quum iam eò usque nobilitatis peruenerit, ut cum ea, nulla etiam ex antiquissimis illis comparanda esse uideatur. non equidem iccirco ipse pauca quædam commemorare decreui, quoniam putem fieri posse, ut quicquàm mea oratione illustretur, aut quoniam id opere prætium fore existimem, ut de me uos uestra discatis, sed ea duntaxat de causa, ut significem clam me non esse, quàm præclara sint ista beneficia, quibus me pietas uestra cumulauit. Bellum ueteri prouerbio dicitur omnium pater, neque immerito. nam

B iii

*pirin minor**Situs urbis
Vomiaz**portus magni**bellum omnium
pater*

ORATIO

ut ex otio, ac diuturna quiete, negligentius omnia geruntur: ita in eo, propter crebras agitationes hominum ingenia excitantur, multaque ex usu uitae inueniunt, multa inuentis adiiciunt, quae alias nunquam excogitare potuissent. quod certe nisi ita fieri soleret, hac pulcherrima, urbe atque hoc ipso non unius Venetiae, sed totius Italiae ac uniuersi orbis terrarum ornameto careremus. etenim quo tempore Gotthi Galliam, Vandali Hispaniam & Africam, Hunni Macedoniam Achaiamque uastabant, omnes autem Italiam, alii post alios populabantur, Venetiae procures, qui tunc Altinum incolebant amplissimam urbem, in hanc tutissimam regionis suae partem oculos coniecere: & quoniam Attila Hunnorum rex, Aetii fortissimi imperatoris uirtute, praelio uictus, deinde obsessus ea desperatione ut de consciscenda sibi morte cogitaret, mox autem liberatus malo hostis consilio in tantum odium nominis Italici uenerat, ut nihil animo capere posset, nihil audire uellet, nisi quod ad Italiae ruinam tendere uideretur; ac proinde coactis maioribus copiis, hanc regionem, quae prima occurrisset, primam cepisset euertere, in his tribus aut quattuor bre-

uibus insulis, ad retinenda quādoq; humani ge-
neris ornamenta, naturæ cōsilio relictis urbem
fundarunt aquis undiq; munitam, quas nullus
hostis ad hanc usq; diem impunè tentauit. qui-
cunque enim ea temeritate fuit, ut hos etiā na-
turæ limites sibi transcendendos putaret, pœ-
nas statim naufragio luit. huc igitur non è sor-
dida plebe colonia deducta est, sed qui tota
Venetia nobilissimi ditissimiq; essent, conue-
nere. neq; enim obscuris natalibus homines
tyrānidem ullam fugissent, quippe, qui nec re-
cuperandæ libertatis, nec regni affectandi su-
spicione laborarēt. pauperes uero, de re dome-
stica potius augenda, quā de noua urbe con-
denda solliciti esse uoluissent. hinc nata respu-
blica, cœperuntq; cōmuni consensu omnia fie-
ri, ut ab iis, qui se pares & genere & opibus esse
arbitrarētur. eam ob causam nulla unquā in
hac ciuitate facta seditio: nulla tribunitia pote-
stas legibus obstitit: nulla præpotens factio pu-
blica iura inuasit: semperq; ad summos hono-
res non nisi optimo cuique aditus patuit, dum
omnes indigenas se esse existimāt, qui ceu A-
thenienses alteri, è pluribus oppidis in unam
urbem migrarint, atq; ita cæteris rebus æqua-

B iiii

ORATIO

les sola uirtute contendunt. inest nimirum urbibus ipsis, quemadmodum & hominibus, ne scio quid proprium, ita ut originem suam mētiri non possint. Roma enim asylum & conditoris sui manus fraterna cæde pollutas semper funestis armis ciuiliq; discordia retulit. Carthago solum, quo stetit, emptum dolo malo, ac punica fraude comparatum, fallendi studio testata est, summaq; perfidia. Venetiæ autem nullo non tempore coluerunt fidem, iustitiam, pietatem, reliquasq; uirtutes, utpote quæ non è colluie sceleratissimorum hominum conflata, sed è probatissima lectissimaq; nobilitate constitutæ bonis artibus & initia & incrementa ceperunt. Omittamus quæso in præsentia urbis situm, & quæ in ea pretiosissima operosissimaque spectantur: quandoquidem nulla ex parte admirationi esse non possit. Prætereamus etiam tot opulentissima oppida, tam breui spatio distincta; quorum in medio ipsa uelut regina consistit; non hæc inquam maritima suburbana, delicias Nereidum atque Neptuni, sed quæ in continenti sunt artis & naturæ miracula. confidemus autem parumper id unum: ciuitatem hæc

mille amplius annos incolumi libertate durasse, nullumq; hostem, nisi captiuum intra sua munimēta uidisse. proh dii immortales, tantū ne in uirtute ciuium, publicaꝫ concordia positum est, ut, quum à primordio rerum humanarum, ad hanc usque ætatem cuncta imperia ferè intra septingentos annos labefactata sint, tandemque conciderint, nihilo secius tamen huius imperii maiestas, quum senectutem aliorum, longo iam interuallo superarit, tunc maxime uigeat, tantumq; in posterum de uiribus suis promittere uideatur, quantum iuuenis, corpore optime compacto, de suo sibi robore spondeat? & quisquā dubitabit hanc urbem cæteris omnibus anteferre? quid? mirabimur ne amplius Athenas toties debellatas, atque à fundamentis euersas? an Mycenæ, quibus inter tot tragicas cædes ne unus quidem dies libertatis affulsit? an etiam Spartam, quæ toties mutato imperio, & nomē quoque diu seruare non potuit? an potius Carthaginem, atque Numantiam, & alias item id genus, quæ nihil unquā memoratu dignum gessere, nisi sub ipsum excidium? an denique urbem Romam turpiter adeo captam atque

O R A T I O

incensam, & modo regibus, modo consulibus,
modo tribunis, modo etiā dictatoribus subdi-
tam luculentissimis tyrānis? multum uidelicet
in his rebus fortuna potest. per magnum tamen
est illud, magnumq; momentum habet in con-
seruādis imperiis, quòd in frugalitate, parsimo-
nia, fide, iustitia, ac ipsa animi moderatione cō-
sistit. quæ simul omnia si in aliis ciuitatibus
uel mediocria fuissent, quemadmodum in hac
semper extitere quàm maxima, diutius for tasse
dignitatē suam retinere potuissent. Age uero,
quoniam libenter facio, ut cōmemorem quæ ue-
stræ laudis sunt, uestræq; gloriæ, quæ unquàm
ciuitas præter hanc, perpetuum aliquem tenorē
in administranda repub. seruauit? quæ post-
quàm semel uti legibus cœpit, semper eandem
auctoritatem senatus, eūdem populi assensum
in agendis rebus inuenit, iisdemq; semper mo-
deratissimis magistratibus paruit, nihilq; addi-
dit, aut mutauit, nisi quod ratio temporum, aut
rerū uicissitudo, postulare uidebatur. qui enim
aliter fieri posset in tam optime cōstituta repu-
blica? ubi non ad inconditæ multitudinis uo-
luntatē, aut ad paucorum libidinē, qui uel opi-
bus uel gratia polleant, cuncta referantur, sed

*in q' curi sumus
uox soni salus*

Legis.

optimus quisque, leges & iura defendat. quæ
tametsi parum admodum necessariae sunt, ob
singularem ciuium indolem, nusquam tamen a-
crius seueriusque seruantur. Iam illa nobilita-
tis ornamenta, litteræ, doctrinæ, sapientiæ stu-
dia, & mille artis musicæ species, ita in hac ciui-
tate floruerunt, atque in id culmen euecta sunt,
ut cum omni antiquitate contendant. uix enim
unquam ipsa Alexandria, tot mathematicos
aut physicos uidit, quot hæc ciuitas uno sæcu-
lo habuit. utq; olim Thebani tibicines, My-
tilenæi cytharædos, ad sacra certamina mitte-
bant, ita hæc ciuitas non in uno aut altero tan-
tum instrumento, uerum in omni exercitatio-
ne musica semper excelluit. nempe si eos Ve-
netos ciues, qui in aliquo liberalium artium
genere, magnum sibi nomen adepti sunt, con-
numerare incipiam, non qui præteritis tem-
poribus claruere, sed qui hodie uiuunt, totus
hic dies ad dicendum breuis esse uideatur. ac
ut etiam de iis artibus loquar, quæ licet ab hone-
stis hominibus tractari non soleant, propterea
quod manus requirant, & citra corporis fati-
gationem esse non possint, tamen ut uitæ ne-
cessariæ magnam utilitatem urbibus afferunt,

*studia**Artes libe*

ORATIO

non pingendi, scalpendi ue, aut medēdi solum
ars in hac ciuitate laudatur, quem admodum
Crotoniatæ medicis, Athenienses pictoribus
abundarunt, sed omnes simul ea copia, eaque
diligentia fiunt, ut nulla sit tam lōginqua tam-
que recondita natio, quæ multa Venetiis egre-
gie facta non habeat. omnes certe, qui paulo
elegantiores uideri uolunt tota Italia, semper
opus aliquod mollius Venetiis faciendum lo-
care consueuerunt. In primis autem, ut in
ipso orbis terrarum emporio, mercaturæ stu-
dia uigent: qua quidem non priuatæ modo
pecuniæ augentur, uerum etiam publica ue-
ctigalia locupletantur, & quod utilius est, u-
niuersa tandem ciuitas fortissimis ac sapientis-
simis uiris oppletur. nam, qui mercimonii cau-
sa, regiones, ut fieri solet, uarias adeunt, par-
tim ad omnes casus tot undique periculis ter-
ræ marisq; durantur, partim uidendis mori-
bus hominum multorum, & urbibus, magnam
subinde rerum experientiam consequuntur.
quo, inter cætera factum est, ut, quum hæc ci-
uitas plura bella non nisi iusta de causa susce-
pta, cum atrocissimis atque immanissimis hosti-
bus gesserit, quā omnes aliæ simul pluresq; uic-

torias reportarit, quàm quot unquam trophæa erecta sunt, toto orbe terrarum; nihil tamen, neque in aduersa fortuna timide aut demisse, neque in prospera, superbe aut impotenter egisse uideatur. Quare, hoc maior est uestri beneficii gratia, quo nobiliori me patriæ restitutum esse uoluistis, per uos enim patres, in hac luce hominum uiuo, per uos, hac libertate fruor, qua nihil potest esse iucundius. per uos etiã, his commodis utor, quibus, plura aut maiora ne impudentissimi quidem mortalium, à diis petere auderent. Verum enim quanta gratiæ accessio facta est, quòd me tantæ amœnitati reddidistis non priuatum, sed summo in honore constitutum? summo inquam medius fidius, atque omnium maximo, quos aut mea industria aut quacunque alia ratione consequi possem. etenim, quum res humanæ bifariam diuidi soleant, ut quædam corporis, quædam uero animi propriæ iudicentur; dico, quæ animi sint, esse potiores; idemq; contendo, unum ex iis, quæ in nobis sunt animi bona, multo præstantius duci oportere, quàm uniuersa illa corporis ornamenta, quæ ullo pacto nostri arbitrii esse non possunt. at, studia litterarum, & hæc ipsa professio animum, si rudem offendunt, ex

*Medicorum**Res Summa*

O R A T I O

colunt, atque ad ubertatem perducunt: sin-
 etiam natura politum inueniunt, sic ornant, ut
 nihil amplius humanum retinere, sed potius
 in quandam uelut diuinam mentem mutatus
 esse uideatur. hinc, tot uiri illustres, patriæ suæ
 magno usui, magnoque ornamento fuere. ne-
 que enim, ad Salamina Themistocles tantum
 audere potuisset, neque Horatius pro pōte sta-
 re, aut Scæuola manum igni admouere uoluif-
 set, nisi antiquorum doctrinis persuasi, nihil
 magis hominem decere putauissent, quam se-
 qui uirtutem: & ea, sibi iter ad gloriam, atque
 immortalitatem parare: proindeque sperassent,
 famam rerum suarum, si litteris celebrare-
 tur, in omne æuum esse uicturam. tanta sanè
 litterarum uis est, ut, quos olim nec pristina
 uirtutis memoria, nec patriæ pudor amplius
 moueret, Tyrtaei uersibus auditis iterum cœpe-
 rint de laude cogitare, tamq̃; alacriter pugna-
 rint, ut dignam se, dignamque lacedæmone ui-
 ctoriam reportarint. quòd si apud agrestes il-
 los homines, litteræ tantum ualuerunt, quan-
 tum obsecro arbitramini ad singularem istam
 educationem, quæ uestra est, locum hunc ad-
 dere solere? ubi, tot ueterum imagines quoti-
 die spectantur litteris expresse, non qua specie

*2. iunij
 1789.*

corporis fuere, sed quibus animi lineamentis,
ut ita dicam, uirtutem præ se tulerunt. quapro-
pter hoc publice docendi munus, tantum cæ-
teris honoribus præstat, quanto animus cor-
pore nobilior esse censetur. quæret aliquis
fortasse, potest ne uocari summus honor, qui
secum afferat summos labores? immo, id om-
nibus accidit, ut, quanto maiores sint, tanto
maioribus curis impliciti, maioribusque ne-
gotiis inuoluti esse uideantur. quis neget in
naui præstare, magistrum, esse quam remigem?
sed ille breui temporis spatio remum trahit, de-
inde dormit ociosus, atque securus. hic uero
interdiu è summa puppi ad proram usque di-
scurret, & nautas modo hortatur, modo casti-
gat, tanta contentione, ut latera quandoque de-
ficient. noctu cælum contemplatur, uentos ac
tempestates obseruat. natura enim compara-
tum est, ut omnia contrariis æque pensentur,
si igitur summus est honor, summos etiam la-
bores afferat necesse est. ne tamen propter
ea quicquam de uestri beneficii summa de-
trahitur, quatenus mihi ætas est, ad ferendos
labores idonea, ut uos prudentissime iudi-
castis; est animus, qui honestos labores in-
erti ocio præferat. Itaque magnum est, patriæ

*breui
munus qu
fi sit.*

O R A T I O

restitui, sed longe maius, in ea honoribus perfrui. perpulchrumq; est, litteras publice docere; sed Venetiis, in tanta frequentia, tantaque nobilitate, pulcherrimum. ita enim utrunque alterum auget, ut incredibile sit, quantum mihi onus adiungat, quantunque gratiæ pariat, hæc beneficiorum sola coniunctio. Satis est factum officio, satis meæ gratitudini patres, quod attinet ad eam partem uestræ clementiæ, quæ cognita perspectaque est, ac publica testificatione uulgata. reliqua est ea gratia patres, quæ non iam omnibus nota, sed in anima sensuq; meo tantum insita est, atque affixa: in qua non uideo qui possint ea mihi uerba suppetere, ut nihil de tantæ rei pondere detrahā. hæc tenus enim, dum cætera beneficia commemorarem, ubi rem aliquam nudam suo nomine appellassem, illico eius magnitudinem agnoscere potuistis. hæc uero, ut noua, & inexpectata, non sinet uos, orationem meam ulla animi celeritate præuerrere. sed certum est tamen, quid faciam. rem ego breuiter exponam, uos, eam postea per otium pendidote. ut in rebus humanis fortuna uarie ludit, postridie quàm ex hoc loco, me tanta cum attentione audistis, quantam fortasse non iterum uidimus,

it a

ita æger factus sum, ut inde nō amplius biduo
spiritus omnis in me subita quadam labe facta
corruisse uideretur. iam uenæ conciderant :
iam uox interrupta defecerat : sensumq; illum
tenuem, qui mihi supererat, amici tanta rei no-
uitate exanimati acerbissimis lamentationibus
uulnerabant. iccirco ne tandem ab ultimis ter-
ris domum redire potuisti, ut eam lacrimis lu-
ctuq; compleres ? ut, qui desiderium tui absen-
tis, sola spe reditus mitigassent, eos præsentis fu-
neris iugulares ? an ideo, aliquis tot simultates
pro tua dignitate suscepit, ut essent qui suo mœ-
rore gauderent ? O diem illum funestum, qui
te sic patriæ reddidit, ut non gratulatione ami-
corum exceptus, sed funebri pompa illatus es-
se uidearis. en tot labores : en litteræ, tot lucu-
bratis noctibus acquisitæ, quò promissa tua,
quò spes nostræ reciderunt ? dum hæc audirem,
nulla ui, nullo conatu animam retinere potuif-
sem, quæ ad extrema usque labra peruenerat,
nisi eam in sedem suam, uestre benignitatis ac
clementiæ spes, uestreque pietatis memoria re-
uocasset. sensi ego tunc patres, & in præsentia,
ut aiunt, uiuus & uidens intelligo, quantum
mihi præsidii in uestra bonitate positum esse uo

C

O R A T I O

lulistis . siquidem paulo post , uniuersa ferè suffragia declararunt , uobis , non uaria studia , non diuersa consilia , sed unum ac eundem fuisse in mea nõ laude solum sed etiam salute consensum : quorum sententiam , nõ homines modo , sed ipsi etiam dii , penes quos uitæ necisque ius est , approbarunt . illud enim , illud temporis momētum , quo me tam magnifico senatusconsulto in omne tempus ornastis , & mihi me ipsum restituit , & meorū lacrimas , luctumque compressit . Nunc uos o' dii immortales , qui hanc urbem , tam oportuno in loco fundatam , sub uestro numine posuistis , qui hanc ciuitatem tot opibus , tantoque uirtutis præsidio munitam , diuturna libertate firmastis , qui hanc rem publicam , domi forisque tam ampliter auxistis , qui hoc imperium , tot annos integrum inuiolatumque seruastis , uos inquam , quibus me toties pro communi utilitate deuoui , uosque etiam , dii penates , ac familiares mei , & uos qui huic loco præsides estis , imploro atque obtestor , ut , si clarissimis istis patriæ patribus , tantas referre gratias cupio , quantas adhuc gratissimus quisque aut egit aut habuit , quorum singulari beneficio factum est , ut pulcherrimam

nobilissimamq; adeo patriam, non priuatus, sed
 amplissimis honoribus auctus, recuperarim,
 ac etiam me ipsum è durissimo illo casu rece-
 perim, hoc si animo sum, uelitis eam chari-
 tatem, quam ipsi erga me habent, esse perpe-
 tuam, me autem, dignum laudibus eorum, tan-
 taq; opinione faciatis. **Dixi.**

M D X I X.

Mense Aprili.

C ii

VICTORIS FAVSTI
ORATIO QVA MAIVS
STIPENDIVM PETITVR.



LSI ego is sum patres amplissi-
mi, qui multo plus uobis pro ue-
stris immortalibus in me officiis de-
beam, quàm possim esse soluendo,
tamé ea iampridem in me uestre bonitatis o-
pinio resedit, ut non dubitem id a uobis etiam
sæpius petere, quod priuatim quidem ad me,
publice uero longe magis ad uestram & tanti
imperii existimatione arbitror pertinere. nam
si uos omnium maxime quot sunt ubique mor-
tales, reipublicæ tum ornandæ, tum agendæ stu-
diosos esse intelligo, atq; si ea semper fuit meæ
fortunæ conditio, ut nihil unquam mihi uobis-
cum agi potuerit, quod esset uel minimum à pu-
blica utilitate seiunctum, quid est, cur tamen si
uestre liberalitati adhuc ne mediocriter qui-
dem satisfacere potui, & mihi met ipse turpiter
desim, & uestre, hoc est publicæ dignitati non
consulam? uos me, non certe hominem nouū,
utpote satis Masurio Musuroque' ceu maiori-
bus nobilem, quatenus præceptores parentum

loco habentur hoc honore affecistis, sed tamen eo ætatis, quo ante me, ab urbe condita neminem. idque beneficium usque adeo cumulat in me contulistis, ut mihi patriam, hoc est solum illud in quo primum uagire occepi, aras deorum penatium, ossa parentum, ueteres necessitudines, & quicquid earum homini esse potest, unum senatus consultum omnibus ferè suffragiis factum, restitueret; nomēque meum in hac hominum luce clarum atque illustre perpetuo collocaret. magna quidem hæc sunt patres, & quibus dari maiora non possint, uerum adhuc aliquid est, quod mearum fortunarum tenuitas in uestra liberalitate desideret. quapropter arripienda est uobis omnis benefaciēdi occasio, quandoquidem ea non admodum frequens occurrit, & nemo unquam inuentus est, quem nimium multis benefecisse pœniteret. uestre igitur hodie partes erunt, ut quo rerum usu estis, quaque prudentia, non me, quis sim, aut meum duntaxat commo dum, ante oculos uestros dum pro me dico ponatis, sed illud primum diligenter cōsideretis, an sint honesta quæ peto, deinde an uobis rei q̃; publicæ utilia pariter & decora esse uideantur. At uero, quoniam multos è uobis esse animaduerto, qui cōiectu-

O R A T I O

ram secum taci ti faciant, uel ex hac biennium iam in hoc solio trita toga, quam neutra potuit neque hyemns, neq; æstas mutare, me hodie apud uos de stipendii paruitate, quam pati nō possim, uerba esse facturum, aperte quidem, latineq; summa tamen cum uerecundia, dicam patres, nisi loci huius auctoritati prospicitis, & mihi tantūdem redditis, quantum hactenus uestri litterarum professores non græcarum modo, sed etiam latinarum, non solum in summa pacis tranquillitate (quanta hæc diis auctoribus est) uerum etiam in quo uis magno belli turbine habuerunt, me ob paupertatem, uel nō ita diu uobiscum esse posse, uel (quod ne fiat Iupiter optime maxime) ad miserrimam senectutem esse uenturum: uos autem, præter ius fasq;, ac uestram consuetudinem, cum meam, tum etiam multo magis publicam dignitatem esse læsuros. pudet me certe, tot sapientissimos uiros quasi uideri uelle admonere: sed natura comparatum est, ut cui bono res sit, is semper eam optime teneat. quo circa, nil mirum, si forsitan ego cuius res agitur, hac in parte plurimum uideam. illud quoq; non nihil me mouet, ne forte ab hoc tempore aliena hæc mea iudicetur oratio, quippe quū uix biennio plus uobiscum

fuerim, nec quicquā in me aut in uestra fortuna felicitatē; nouum appareat, quod huic petitioni satis idoneam occasionem prebere posse uideatur, immo contra, certi homines malignitate ac inuidia ducti, multa apud uos de me falso detulerint, & animos auresq; uestras compleuerint, me parum ex usu rei publicæ esse coepisse: quæ sanè criminatio, uel iniqua, ut est, multum de uestro in me studio possit adimere: ueruntamen, ita in more positum est, uulgariq; consuetudine, ut quum necessitas cogit, uel de media nocte, quod instet, rationi ac pudori præuertendum putemus: quo facilius mihi ignoscatis: qui summis licet angustiis ac difficultatibus premerer, hoc tamen nō egerim nisi certo die, atque eo die, quo uno duntaxat quotannis mihi ad hanc sacratissimam musarū ædem, frequens iste senatus, dari consueuit: quem diem si forte præteream, & de me ipse non loquar, haud sanè uideo qua ratione istuc melius sequenti anno facere possim, nisi forte, quoniam maior, quàm quæ hodie urgebit inopia: quod quidem apud uos sine ulla mea culpa fateri non piget: nī culpam putatis, quòd huius urbis pulchritudinem ac nitorem, uestrumque conspectum, multo maiori pecuniæ post-

O R A T I O

ponendum esse non censui, neque uero expectetis quàm mox de mea egestate durum aliquid uobis sub oculos ponam. nihil de me dicam, nisi probauero prius, tanto maiorem amplitudini ac dignitati uestræ accessionem factum iri ex eo, quod peto, quanto maius in me commodum redundabit. ita enim uobiscum agere institui, ut uix quicquam, huic homini qualiscunq; sit, aut putetur, sed omnia publico splendori, lociq; huius grauitati danda esse contendam. Detis itaq; mihi oro atq; obsecro uos patres, paruam quandam bonæ de me opinionis usuram, donec paucas illas maledicorum calumnias diluam: quod profectò me comite ueritate pro uestra singulari prudētia facile puto facturū: & memineritis uos esse hodie ostensuros non quid de me, sed quid de literis, quid de bonarum artium studiis, quid de omni politioris uitæ ornamēto, deque ipsa humanitate sentiatis. atque ut planius quid uobis statuendum sit cognoscere possitis, iam de officii huius dignitate dicere incipiam; ita tamē, ut quæ in eo magna atque ampla, rara, & difficilia maxime reponam, ea mihi sine ulla dissimulatione non arrogem. non enim quid à quoq; fiat, sed quid ab omnibus hoc loco fieri debeat per-

censebo, antiquis temporibus, quum græcum nomen litteris item, ut armis floreret, atq; quū populus Romanus deposita rusticitate illa ueteri, aures subinde græcis artibus adhiberet, quāuis esset recte loquendi ratio, cum bene dicendi facultate coniuncta, diuersa tamen professione continebatur. alius enim ea tempestate is fuit, quem græcus grammaticum, latinus litteratum dixit, atq; ille quem uterq; sophistā aut rhetorem appellauit. nostra uero aut patrum memoria, postquam eadem illæ horridæ atq; immanes gētes, quæ olim bonarum litterarum & artium studia funditus euertere, paulatim excultæ sunt, ac proinde operam dederūt, ut latina pariter, & græca lingua ceu excisæ tot annos arbores iterum quasi fruticarentur, cum alibi, tum etiam in hac undiq; ornatissima ciuitate grammaticus idem esse cœpit atq; qui rhetor. factum est autem, ut quum uniuerſa grāmātica in duas partes diuidatur, in eam, quam primi illi professores methodicen siue horisticen uocarunt, & in eam, quam exhegeticen siue historicen nuncuparunt, altera, quæ recte loquēdi, recteq; scribendi rationem comprehendit, ac circa partes orationis, & eius uitia uirtutesq; uersatur, se intra domesticos parietes contineret, aut in tri-

O R A T I O 2

uiis tantum con sisteret , altera uero , quæ poe-
 tarum , & scriptorum interpretationem polli-
 cetur , in publicum prodiret , atque in hunc lo-
 cum dignaretur ascendere , tantum ex arte rhe-
 torica secum afferens , quantum ad notandum
 in aliena dictione artificium , quod sanè non a-
 lius quàm peritus homo queat agnoscere , at-
 que ad tradenda illa peruagata iam bene di-
 cendi præcepta sufficeret , declamandi consue-
 tudine , atque omni discipulorum exercitatione
 uel in aliud tempus reseruata , uel certe , quod
 flagitium est maximum , omnino neglecta : ut
 quæ rhetoris sunt , peius multo exaruisse ui-
 deantur , quàm , ut possint iterum pullulare .
 quum igitur res ita se habeat , nihil mihi de rhe-
 torica censeo esse dicendum , partim ne longum
 faciam , si quemadmodum par sit , uirtutes eius
 singulas uelim attingere , partim ne loci huius
 amplitudinem atque auctoritatem ex ea lau-
 de , quæ iterum iam penè aliena facta est , ui-
 dear ostentare : quum præsertim multo maiora
 supersint , quæ ut loci huius propria possim o-
 stendere . & quoniam restat , ut de grammati-
 ci tantum officio dicam , missa etiam illa fient ,
 quæ recte loquendi ratio postulat , quatenus
 dixi , longe infra loci huius dignitatem consti-

tuta nondum publicæ professionis grauitatem attingunt. quattuor itaque sunt, quæ, ut Varro testatur, præstare debet publice docens grammaticus, lectio, enarratio, emendatio, atque iudicium: quæ omnia, si uelimus diligenter considerare, nihil profectò reperiemus, quod sit absoluta illa, & undique perfecta grammatici professione præstantius. principio, lectionem non omnis hominis esse, nemo ignorat: siquidem magno naturæ beneficio indigere uidetur is, qui nō modo non ulla littera peccet, sed etiam auditorem suauis quadam, & blanda litterarum, & uocum omnium prolatione delectet. adde, quod huic maxime necessaria est actio, non oratoria solum illa, sed quædam etiā pene scenica, ut uarias loquentes personas, non modo in fabulis, uerum, & in alio quoque genere carminum suo quodam uocis tenore distinguat: unde etiam quæ legerit non narrari, sed agi quodammodo uideantur. quod nisi dii immortales tibi nascenti concesserint, aut sydera hæc, quæ cuncta moderantur, ut (ferunt) te ex utero matris egredientem, puro ac benigno lumine uiderint, frustra id ullis artibus quæras: atque ad eam in dicendo uenu-

A O R A T I O

statem, quam gratiam uulgo appellant, nunquam aspires. Iam enarratio, quæ artis est tota, nonne integrum illum scientiarum orbem, ac omnes alias disciplinas, uelut officii sui administras in hunc locum adducere consueuit? nam, si poetæ ut rerum fictores, tam de humanis, quam diuinis omnibus solent quæcunque uelint ad arbitrium suum dicenda reuocare, quis neget, debere poetarum interpretem iisdem de rebus multo etiam latius posse differere? etenim illi, prout, & quantum uolunt de unaquaq; re canunt, necesse est autem qui eos enarret, eadem planius repetitis quandoque principiis, ut facilius intelligi possint, exponat. ut si de uergiliarum ortu, aut occasu loquatur poeta, statim cogatur interpretis, non solum de matutinis, aut uespertinis stationibus dicere, sed etiam quot modis, uel occidere, uel oriri dicantur sydera, declarare: atque si Cæsarem inter erigonem, & scorpionis brachia collocet, aut alium alibi, ut nihil non audet poeta, quemadmodum, & Mesomedes Antinuum Hadriani, & Callimachus Berenices comam cælo affixit, boni uideatur esse interpretis, & signiferi totius formæ ostendere, &

quo pacto ad eius habitum obliquamque speciem, quattuor anni horæ uariantur, docere: & quum semel quot annis bruma ac solsticium fiat, quare bis noctem dies adæquet, mathematica ratione aperire; hoc est tum astrologica, tum geometrica. hæc nanque doctrinæ ita inter se coniunctæ sunt, ut una alteri seruiat. præterea, si de iis, quæ accidunt in sublimi, ut de pluuiis, niue, ac grandine, de fulgure, tonitru atque fulminibus, aut de iis, quæ terra marique naturæ miraculo fiunt, aut de uaria mentis nostræ ac etiam corporis affectione loquatur poeta, si quidem his de rebus non tantum alibi alius cecinit, sed etiam integra sunt à poetis scripta uolumina, laudabitur, credo interpretes, qui singula id genus certa quadam physicorum traditione declarare, ac latius aperire non possit. mitto morum scientiam, quæ publico iuuentutis moderatori, non solum debet esse notissima, uerum etiam semper toto uitæ curriculo, quàm sanctissimè seruari, mitto musicen, quæ ut poetæ propria uel peculiaris esse debet eius interpreti, atque etiam arithmeticen, quæ perinde illi adiuncta est, ut non facile quisquam musicus sine exacta numerorum cognitione dicatur. quæret quispiam, num hæc omnia in uno poetarum

ORATIO

interprete uelut undique absoluta componis? certe, quanquam id affirmare non dubito, concedam tamen singula perfectius aliquanto in suis professoribus reperiri, dum illud contendam, multo maioris animi, ac felicioris ingenii esse, tantarum rerum scientiam, tam multiplici uarietate cōcinnatā posse complecti, quam unū aliquid per omne uiuēdi spacium uelle cognoscere. quid autem illa omnis generis auctorum infinita propemodum lectio? sine qua, quisquam excellenti quamuis ingenio præditus, nō magis hunc locum tenere, atque hanc dignitatem tueri possit, quā optimus alioqui gladiator, oculis captus in harena consistere. quippe, duo potissimum, euoluenda tam ingenti tamque diuersa scriptorum caterua, ut maxime necessaria, comparantur: magna quædam uocabulorum ueluti sylua & historiarum plena cognitio. uocabulorū enim plæraq; unius cuiusque artis sunt propria. quoniam ut poetas atq; oratores omittam, qui & inter se, & ab aliis plurimum distant, aliter multo architecti loquuntur ac medici, item & cæteri quoq; sua quodam modo lingua utuntur, ut nunquam te satis græce aut aut latine doctum putes, nisi ad unum pene omnes euolueris. historiarum uero tantus

est numerus, tantaque copia, ut etiam Didymus ille grāmaticorum nobilissimus, quo nemo plura litteris tradidit, aliquid uisus sit quandoque nescire. tam autem necessaria est earum cognitio, nō huic officio tantum, uerum & uniuersæ hominum uitæ, ut sine illa quantumuis annosus senex, quemadmodum Aristoteles ait, puer esse uideatur. at non solum multa legerit necesse est, qui tantam personam sustineat, sed etiam multa uiderit, atque in re præsentī cognouerit, bene magna terrarum orbis parte peragrata, ut non tantum exhedris aut ambulationibus commentans secum semper institerit, uerum etiam ad res gerendas domi forisque aliquando accesserit, atque in iis fuerit parumper, non sine laude uersatus. Dixerit aliquis fortasse, multi litterarū professores, uel nostris temporibus extitere, qui magna opinione, magnaque apud suos dignatione agerent, quum tamen in eis, nihil præter litteras, neq; cultum neq; omnino ingenuum esse uideretur. primo, tu mihi eum humanitatis professorem idoneum probes, quando ita uocantur hæc studia, qui magnam eorum partem, quæ hominum sunt, & ab hominibus quotidie fiunt, nun-

A O R A T I O 2

quā attigerit? deinde tu sanæ mentis hominibus persuasum iri posse arbitreris eum, qui in quotidiano sermone, uulgari inquam hoc atque italico, rudis ac penè stupidus reperitur, græce aut latine quicquam, quod elegans sit atque egregium, solere concipere? imperitorum & populi, mihi crede, sunt ista iudicia. nam uulgus hominum, ferè in ea opinione uersatur, ut eum, qui nihil unquam præter testudinem aut cancellos aliquos uiderit, quo in eptior sit, eo magis eruditum existimet, quasi uero ille ingenium in libris legendo uelut apis aculeum in morsu posuerit, totamque animi uim perinde ut calceos deambulando studiorum assiduitate contriuerit. uerum sit ita ut plebecula iudicat. poterit ne aliquis ut inde incipiã, Hesiodi aut Maronis georgica rectè intelligere, qui ruri non sit diu multumque uersatus? poterit aliquis nauigationem, Vlyssis aut Aeneæ, uel longos illos argonautarum errores animo capere, qui non nisi subductas aut stâtes in anchoris naues & primos fluctus de littore sit conspicatus? poterit ille, qui nunquam domo pedem extulerit, quem semper galli cantus, nunquam buccina excitarit, qui ne suspicari quidem

dem potest qualis sit horribilis ille fremitus castrorum, & quanto animi motu fortissimum quemq; afficiat armati hostis conspectus, singularem illam Achillis, aut aliorum Heroum uirtutem cogitatione metiri? poterit denique ille, decorum grauis praesertim alicuius personae, quae praecipua uirtus est poetarum, ullo pacto agnoscere, qui nullum regem nisi pictum, nullam curiam, nisi uacuam uiderit? aut orbis situm, regionumq; naturam, quod professionis huius fundamentum est maximum, certa ratione ac forma tenere, qui non multorum hominum urbes, atque etiam mores, tum inter nauigandum, tum in itinere faciundo perspexerit? fit enim peregrinando, ut, quum multa uideris, quandoquidē nemo omnia potest, quae supersunt cuiusmodi sint, coniectura facile colligas. oportet igitur innumerabiles propemodum paginas uoluerit, & multorum pariter fontium aquas gustarit, qui ad poetas rite enarrandos accedat. siquidem illi, nihil ferē aliud agere uidentur, quam, ut uarias hominum uitae imagines, totamq; humanitatis effigiem, carminibus suis, uelut ingenti quodam speculo redant. atque, quum haec quidem per se uideantur esse uel maxima, quaedam tamen, iis multo

D

O R A T I O 2

maiora in publico poetarum interprete desiderantur. primum, nego quenquam diuinum illud nescio quid, quod poetarum est proprium, posse cognoscere, qui nunquam phœbi, & musarum spiritu afflatus, internisq; quibusdā mentis uiribus excitatus, politum aliquod carmen ediderit. immo uero, cōtra potius ille derideat ac prorsus nihili faciat Bellorophōtem, et Perseum per aëra uolitantes, aut per summas aristas currentes equos, aut Iouem de excelsa uertice Olympi, totam hanc mundi machinam uelut ductario fune suspendentem, & alia mere poetica, cui nulla cum musis atque Apolline intercedat consuetudo. quod sanè non arte, non exercitatione, non alia ope humana cōstare, sed nonnullis tantum diuinitus datum esse censetur. deinde, qui possit alius de tot tantisq; rebus quas poetæ, uel destinato, uel ex occasione attingunt, ornate ac copiose differere, quàm uerus orator? hoc autem quantum sit, ne uulgus quidem ignorat. quippe quum, nullius rei maior quàm dissertorum in sua lingua hominum, & esse dicatur, & semper fuisse penuria, uix ferre uidetur posse humanum genus tantam animi contentionem, ut externi homines hac tempestate, latine, aut etiam grace, quæ uelint eloqui

possint, idque germano quodam sermone Romano, uel Attico. & certe, ut rustice ac imperite loqui nemo non potest, ita eleganter, & docte non nisi eruditissimus quisq; dicere cōsueuit. quòd, si forte aliquem inuenias, qui uel omnia legerit, ac quæcunque olim uiderit, atque audiuerit memoria complectatur, & tamē apti sermonis dignitate altero uelut oculo careat, protinus tibi præ illo sordere, immo nihil ad illum esse uideatur, qui facili quodam, & puro dicendi genere instructus, in hunc locum ascendat. non enim quisquam benedicit, nisi qui prudenter intelligit: nec unquam aliunde, uel mediocris dicendi facultas, quàm ex multiplici rerum cognitione, assidua styli præsertim exercitatione, diuturna ueterum dictionis observatione, ac perfecti alicuius oratoris imitatione comparatur. propterea, quemadmodum æs, aut argētum probari solet indice lapide, ita eruditum hominem dicendi facultas una demonstrat. Postremo, quanta debet esse memoria, is, qui quotidie alia atque alia ex hoc loco penè infinita recenseat? nam, ut cætera taceam, uix credi potest ab eo, qui non sit expertus, quantam afferant difficultatē in recitandis historiis, uel ipsa locorum atque hominum pro

O R A T I O 2

pria nomina, quæ tot plerunque ob aucto-
rum uarietatem simul coguntur, ut, de scripto
legentem, nedum memoriter pronunciantem,
impediant, tam utiq; sine ui quadam memoriæ
prope diuina, commode quisquam obire possit
hoc munus, quàm claudus in stadio uincere.
Enarrationi iūgitur emédatio, quæ duplex est.
partim enim, qui poetas, aut cæteros quoq; scri-
ptores interpretatur, è uariis auctorum opinio-
nibus quas adducit, alias reiicit, alias admittit
rationem afferens, atque argumentis ostendens
quare id faciat, partim siquid est uitiose descri-
ptum, ut multi errores in libris, uel librario-
rum incuria, uel temporum iniquitate, uel ar-
rogantis alicuius litteratoris temeritate inole-
scunt, codicum multorum collatione castigat,
nihil de suo addens, nihilq; detrahens, nisi id fa-
ciendum euidenti quadam, & certa ratione co-
gnoscat: aut quæ omnino corrigi non possunt,
notare tantum satis esse existimat. quod nimi-
rum, tanti ingenii opus est, tãtiq; in litteris usus,
ut plærique facilius ex se aliquid cum laude cõ-
ponant, quàm citra offensionem, quæ in alie-
nis scriptis sunt manca, restituant. His accedit
iudicium, sine quo cætera quantumuis magna
uelut nauis sine remigio, aut instar corporis

sine spiritu esse uideantur: utpote quum eo quæ
 si instrumento cuncta suam dignitatem obti-
 neant, & quæ summa putantur, ex eo maxime
 pendeant. etenim grammatici, seuera quadam
 & planè censoria grauitate, ita de antiquis scri-
 ptoribus iudicant, ut aliis primas dent, aliis adi-
 mant, tum si qua falso inscribantur, ceu quæ
 in alienam familiam irrepperint, cum nota in-
 de remoueant. poetarum autem singula ferè
 carmina ponderant, & quæ minus probantur,
 uel signant inducta linea, uel etiam penitus au-
 ferunt, tantumq; sibi licere arbitratur, ut Home-
 ro ipsi uersum addere interdū turpe non du-
 cant. hinc, illa digladiatio Aristophanis, Aristar-
 chi, Zenodoti, Cratetis, & aliorum. qui quod
 ipsi aliquando facere coguntur, in aliis ferre nō
 possunt. nempe magni illi auctores, quos sa-
 pientium omnium consensu merito admira-
 mur atque suspicimus, ut homines, & ipsi non
 omni prorsus labe caruerunt. proinde gram-
 matici, quæ in eorum uelut pulcherrimo cor-
 pore affecta sunt, aut resecant, aut certe non-
 nunquam supplemento aliquo sanant, ut sal-
 tem in iis plus aliquanto quàm ipsimet aucto-
 res sapere uideantur. difficillimum profectō

O R A T I O

id ac longe rarissimum adeo, ut quod iudicium
 uocant, in dubio sit, utrum uis quædam animi
 singularis, an multæ simul artes, & longa exer-
 citatio pariat. Cæterum, licet hæc atque alia
 complura, loci huius amplitudinem satis ma-
 nifesto demonstrent, illud tamen luce clarius in-
 dicat, ac sine ulla dubitatione ostendit, nihil in-
 ter mortales difficilius obtineri, ac maiori cum
 labore tentari, quàm ut quis dici possit uere lit-
 teratus. quòd quum in omni studiorum genere
 satis multi quotannis apprime docti euadant,
 uix unus aut alter ferè singulis ætatibus queat
 reperiri, qui hoc officio rite fungatur. quot
 enim è Patauinis istis nobilibus scholis quoti-
 die propemodum, & iurisperiti, & peripateti-
 cæ sectæ philosophi tolerabiles saltem emer-
 gunt? quot in Insubribus ad Ticinum? quot
 Bononiæ? quot in latio? quot in Hetruria?
 ut omittam interim transalpinas nationes,
 quæ in his iam cum omni antiquitate conten-
 dunt. uidemus autem qui publice cum di-
 gnitate poetas atque alios antiquitatis aucto-
 res enarrent, latinos quidem paucos, sed qui
 græcos etiam, toto terrarum orbe uix duos, at-
 qui, constat eos, qui uariis litterarum studiis e-

mancipentur, simul omnes præ aliis esse per paucos, non quòd minoribus quàm cæterarum artium studiosi præmiis excitentur, sed quia summis aliquot difficultatibus, ceu obuallata sit illa cognitio, quas certe non nisi strenuus quisque rescindat. nanque, ut imperatorias artes, quibus semper maximus honos est habitus, cum litterarum scientia comparemus, multi boni imperatores extitere, qui non ferè prius didicerint castris locum eligere, aut aciem instruere, quàm in hostis còspectum uenirent, ut de Lucullo accepimus: multi paternis amicitiiis usi, prius nomen imperatoris adepti sunt, quàm scirent quid esset imperare, ut de Octauiio Augusto est memoriæ proditum. quin etià multi corpore imbecillo, ita ut lectica ferrentur, atque adeo multæ mulieres, ductu, & auspiciis suis res magnas quandoque gesserunt. nemo autem in litteris ualde profecit, qui non in earum studio sit ab ineunte ætate uersatus: nemo, qui non suo magis labore, quàm alieno sit usus: nemo non corpore patiētissimo, atque optime à natura compacto, nec tamen duro ac horrido: nemo non animo liberalissimo atque à uitiis, & uoluptatibus etiam remoto, ut

D iiii

O R A T I O . 2

ea præteream, quæ sunt fortunæ potius propria, iis tēporibus ac in ea urbe nasci, quibus & ubi potissimum litteræ uigeant: libros habere cum optimos, tum etiam plurimos: eum nancisci magistrum, qui docere possit, & uelit: iis frui sodalibus, quorum beneuolentiam studiorum similitudo conciliet: iis societatibus carere, quæ prauis moribus inquinatæ, iuuenem à studendo auertunt: quæ sanè omnia, paucis, & rarò contingunt. quapropter tantum eruditi homines cæteris præstant, quanto maiori cum difficultate quod cupiunt, assequuntur. at, plus aliquando militaris quàm litterarum studiosus homo reipublicæ prodest. quis negat? immo, plus etiam refert baiulos esse Venetiis quàm ci tharædos, repeririq; multos, qui græcum ex Achaia frumentum, aut uinum è Creta insula uehant, quàm qui græcam possint agere fabulam: ueruntamen non quantum quisque utilitatis in publicum afferat, sed quāti ipse sit, spectare debemus. magnum est igitur quascunque litteras scire, maximum autem quod ex earum penè omnium cognitione constat, tantam personam, quanta grammatici est, publice sustinere. quid ergo, id non latine solum, sed

etiam græce cum dignitate præstare? quippe, is, qui græce hac tempestate docet, omnia cum latinis habet communia, præterquam quòd, ut latinis auditoribus operam suam accòmodet, necesse est prius latina faciat singula, quæ expositurus sit, quàm quicquam enarret. hoc autem nemo possit, nisi qui utriusque linguæ proprietatem optime calleat. quã ob rem si grammatici altera tantum lingua præstantes, summum in litteris obtinent gradum, uix exprimi potest, quanta esse debeat eius auctoritas, qui ex hoc loco latinis græca coniungat. Itaque patres, quum satis iam intelligi possit, quanta sit loci huius grauitas atque dignatio, non dicam uestra interesse, ut præmio nobilitate digno, uestri ordinis homines, ad hanc professione m capeffendam, non aliter quàm ad dialectice ac philosophiæ studia incitentur, sed tantum uos hortabor, ne cuiusdam exiguæ pecuniæ causa, contra quàm uestre magnanimitatis ratio ferat, turpes adeo, & prope æternas Veneto nomini maculas inuratis. omnes profecto maledictis incessere solent, uel eum, cuius negligentia generosus aliquis equus strigosior quotidie fiat, aut etiam ædes quæpiam pulchræ

ORATIO

uitium faciant . unde colligi facile potest , magna uos esse inuidia laboraturos , si tanti spiritus hominem , quanti professionis huius difficultas requirit , miseris , & paupertati sempiternæ addicitis . Nam per deos immortales , utrum censetis , eiusmodi professores ærarii uicem præstare , an posse centum aureolis duntaxat , & domum conduci foro uicinam , & amictum parari hac urbe atque hoc loco dignum , & familiam tolerari quamuis exiguam , non sordidam tamen , in ista præsertim annonæ caritate , quæ inter tot scripturæ ac portus magistros , esse consueuit ? at inquit non nemo , ut de uultu intelligo , nescis parsimoniam maximum esse uestigal ? proinde uilius habitato : indumentis uilibus utitor : neminem domi alito , præter Xanthippam aliquam uetulam , ut Socrates etiam factitauit : malam quidem illi pestem , qui loci huius dignitati , tam imprudenter illudat . sed tu , equis an aliquem isthæc admoneto , nõ humanitatis profectorem , qui ut par est , nihil humani à se alienum putat , & quæ corporis ac fortunæ dicuntur , non solum animi bonis adiuncta , uerum etiam per se aliquid esse existi-

mat. equidem non uideo quæ sit in hac stipendi paruitate posita ratio. primum enim, qui patrimonium amplum possideat, nequaquam si sapiet tanti facere uidebitur exile istud æs, ut quotidie ex hoc loco uelit alta uoce ad rauim usque contendere. deinde, qui aliud in quæstu habeat, aut operam suam priuatim locet, nunquam ut arbitror, tanto oneri par esse reperietur. rursus, qui de salario tantum, quod ipse facio uiuat, uix se cum ancilla una, & puero sustentet, si non, hospitem, non amicum cœnæ adhibeat: si nullam ducat uxorem: nullam suscipiat sobolem: nullo posteritatis nomine delectetur: idque sapienter, ne liberos illos relinquat, qui ob paupertatem seruire cogantur: quod quidem per se miserum est, sed multo miserius illi, qui tam liberali parente nascatur: si denique deliciis sibi omnibus interdicit, quæ animum immensa illa studiorum mole afflictum, recreare solent; ac nimis intentum, aliquando remittere. unde, & uita breuior sine dubio fiat, & annuæ propemodum ægrotationes, immaturæ fronti canitiem intempestiuam offundât. O miseram sortem.

O R A T I O

O' infelicem conditionem, & qua nihil indignius, sol oriens possit aspicere. In nunc tu, & binos sæpe dies perpetua lucubratione cōiūgito, tuumque sanguinem ac spiritum, tantis laboribus exhaurito, ut tandem ab iis, qui in cœnobio uiuunt, sola libertate distinctus, ad ultimam usque senectutem, donec animam effles, cum importuna paupertate lucteris. age porro, ut manifestius appareat quid de uobis iudicaturæ sint externæ gentes, fingamus adesse aliquem è uestris maioribus, quorum imagines, ut principum ciuitatis, mitratæ, cum proluxa barba in comitio stant, RHAINERIVM si lubet ZENVM, qui sublicium illum magnum in riualto pontem extruxit, uel eo antiquiorem DOMINICVM MAVROCEVM, qui turrim istam præaltam in foro excitauit. nempe, ille sic dicat. Adeo ne omnia tempus, & rerum uicissitudo immutat, ut innatam ciuibz nostris sapientiam, munificentiam, animi magnitudinem, auferri posse credamus? ut priuatim, frugalitati opulentia, publice uero, liberalitati ac magnificentiæ parsimonia quædam indigna succedat? an ideo, nos olim tantam pecuniæ uim

in ornanda urbe consumpsimus, quo dignior
 sedes tam amplo imperio uideretur, ut essent
 aliquando in ea, qui tam paruifacerent eius
 professionis uiros, quæ omnium putaretur es-
 se pulcherrima? ecquãdo hæc ciuitas multa in
 communem usum prima non attulit? ecquan-
 do ab aliis inuenta non perfectius multo exco-
 luit? uos auté o' magnanimi patres, quum ter-
 ræ græciæ domini sitis, græcorumq; librorum
 non solum ingentem numerum, antiquita-
 tis uenerandæ reconditum habeatis, sed etiam
 maximas atque optimas officinas græcarum lit-
 terarum, professori qui ab aliis Italiæ populis
 ducentos, & amplius quotannis aureos habere
 consueuit, non nisi centum dabitis? tantæq; uir-
 tutis ac industriæ uirum, in cerdonis alicuius,
 aut zonarii censu ponetis? & quæ studia si, apud
 uos primum nascerentur, propositis præmiis in
 maius euehere deberetis, ea iam adulta, & to-
 to penè terrarum orbe propagata, iusto uelut a-
 limento fraudabitis, ac restinguetis? uester igi-
 tur ille, si adesset, ut iure suo facere posset, ita lo-
 queretur, eiq; certe, ut grauiissimo homini, ac
 uera dicenti, nemo non crederet, nemo nisi im-
 probus succenseret. quare, uestræ prudentiæ
 est patres, operam dare, ne ab alienis eadem, aut

O R A T I O

fortasse grauiora diutius audiatis. id autem facile fiet, si professioni huic, aureos ducentos, non nouo exemplo, sed pro ueteri consuetudine restituendos curabitis: ut eos profecto nō mihi aut aliis, quos equidem uideo cuiusmodi futuri sint, si me aliqua necessitas hinc forte abegerit, sed honori publico, & maiestati huius tam augusti imperii detis: atque ut eam opinionem, quæ apud exterarum nationes de uestra bonitate inuulgata est, non modo confirmetis, uerum etiam tanta accessione liberalitatis ac magnificentiæ, augeatis. Venio nunc, ad diluendas calumnias, ut quum id fecero, uobis ostendam, me illum ipsum esse, quem in primis (siquid in hac causa priuatim ratio cuiuspiam ualeat) hoc uelut aliorum promeritorum & beneuolentiæ cumulo prosequi debeatis, ac propterea, quòd disceptatoribus utor sapientissimis atque humanissimis uiris, qui nulli tantum neque odio, neque gratiæ tribuendum putent, ut quicquam temere suspicentur, nedum etiam credant, omittam multa, quæ in totum istud calumniarum genus, ab honestis patronis plerumque iactantur; nequam eos esse atque iniurios adeo, ut nemini parcant, qui & Miltiadæ olim patriæ seruatori prodicionem,

& Socrati homini sanctissimo impietate obii-
cere non dubitarint; qui suis clandestinis de-
lationibus, non solum fidos inter se amicos, ue-
rum etiam cum parentibus liberos sæpe com-
mittant. atque ut breuiter agamus, de ueteri
quadam tabella, expressam imaginem calum-
niæ ipsius accipite, ut quum eam quasi uideri-
tis, pro uestra prudentia, non tantum quæ sit, sed
quas etiam uires habeat, cognoscatis. Apellem
quendam Ephesium pictorem ferunt in simula-
tum ab Antiphilo item pictore, apud Ptole-
mæum Aegypti regem, coniurationis illius,
quæ facta erat Tyri duce Theodota, atque ab
eo discrimine, tandem coniuratorum testimo-
nio, quum de ipsis supplicium summeretur,
liberatum, ita ut pœnitentia regis centum talen-
ta, & Antiphilum illum sibi addictum in serui-
tutem acciperet, huiusmodi pictura calumniæ
indignitatem spectandam omnibus uoluisse
proponere. ad dextram sedebat uir quidam au-
ritus, perinde ut Midam poetæ describunt. duæ
itidem mulieres latus eius utrunque stipabant,
Ignoratio atque Suspicio. à sinistra uero acce-
debat fœmina quædam ualde formosa, uultu
irato, manu altera facem gerens, altera iuue-
nem crinibus arreptum trahens, brachia ten-

*Calumniæ
imago*

O R A T I O

dentem , & præ iniuria cœlum ac sydera con-
 testantem . duas quoque pedissequas sui or-
 nandæ causa ducebat , fraudes atque insidias .
 præcedebat autem famulus quidam macer , &
 pallidus , oculis nescio quibus fascinatoriis , trās-
 uersum contuens , nomine liuor . pone uero , se-
 quebatur pœnitētia , mulier atrata , luctum uul-
 tu præse ferens , quæ miseram ueritatem pede-
 tentim aduentantem pudibunda respiceret . hac
 igitur figura ille , suum quoddam ueluti naufra-
 gium retulit . sed operæ precium est , uos patres
 cum alia singula cōsiderare , tum uero illud , ubi
 calumniam , facie liberali ac uenusta depingit .
 etenim hoc uitium in iis potissimum , qui mo-
 desti ac probi uideri uolunt , aut fortasse alioqui
 sunt , plurimum dominatur . nam , quid aliud
 innuunt poetæ , quum asserunt Palamedi peri-
 culum capitis fuisse conflatum non à Therſite
 omnium impurissimo , sed ab Vlyſſe , qui cate-
 ris multum uirtute præstaret ? quis unquam pu-
 tasset Aristidem , quo nemo iustior Athenis est
 habitus , tanta esse inuidia , ut eiiciendi ex urbe
 Themistoclis auctor existeret , cuius uirtuti se-
 cum uxore , ac liberis , patriaq; deberet ? quapro-
 pter exuite ex animis uestris , omnem eorū me-
 moriam , qui apud uos , de me , aliquid detule-
 runt ,

runt, atque rem nudam sine ullius personæ auctoritate perpendite. homines enim ut amant, sic etiam odisse possunt, & inuidere. Arguunt me bis ægrotasse. equidem libenter istuc si possem, negarem. sed quoniam meo potius damno quam culpa est factum, fateor: sed ita, ut illud non præteream, quod ipsi precipue tacent, me, quum primum æger factus sim, nullum stipendium fecisse, nec publicam attigisse pecuniam, donec in hunc locum sanus ac meæ spon-tis ascenderim. post autem, annuo spacio nullum illuxisse diem, quo ego hic fuerim desideratus. uerum, quid tandem est hoc? num ita ægrotavi, ut postea inutilis factus sim? an mihi fraudi esse debet, si quod mali passus sum aliàs, dum aut uestros oratores terra mariq; sequor, aut uestris imperatoribus operam nauo, in hac demum ætatem erupit? possem certe commemorare in ediam, atque uigilias, possem labores, & æstus immodicos, possem uentos ac pluuias, possem deniq; flumina media hyeme pedibus, aut natando transmissa, sed in tam ridiculo crimine, tantos sonitus excitare non licet. uideamus ergo quod sequitur. Aiunt paucos ad me audiendum conuenire: quod quamquam manifesto est falsum, nihilo secius ta-

E

O R A T I O

men quid dicant quæso aduertite. damnant profecto uel litteras græcas, uel mores urbis, & iuuentutem à studiis alienam, uel me indo-
ctum, aut etiam si diis placet, ineptum. si lit-
teras græcas, næ illi callide faciunt, qui simu-
lent se id abiicere atque contemnere, quod
infeliciter aliquando tentarunt. si mores ur-
bis, uideant homines grauissimi ac nostri cen-
sores, ne se prius eodem scelere obligent, quàm
aliis quicquam obiiciant. si me, qui istuc sine
ingenti flagitio facere possunt? primum enim
(defendendi mei non gloriandi causa loquor)
eum hominem damnant, qui non largitione
ut pauper, non gratia ut longis peregrinatio-
nibus penè ignotus, sed sola uirtute quantula-
cunque ea fuit, diis, atque hominibus appro-
bantibus, hanc dignitatem sit affecutus. dein-
de Veneti Senatus iudicium, uestrum inquam
iudicium reprehendunt. proh summam teme-
ritatem. tu ne tot clarissimorum patrum fidem
non probas? tu, eos omnes præ te uno contem-
nis, quos uniuersus terrarum orbis ueneratur
& colit: quorum sapientiæ, non humana tantum
cōsilia, sed etiã, ut superioribus annis apparuit,
ipsa rerum domina & moderatrix fortuna conce-
dit: at mihi nō places. ita ne uero? istud scilicet

dicere est omnibus displices. quid? si nollē etiā tibi placere si possem? utrum cēses te plus aliis sapere, an me tot eruditissimis uiris, qui me laudarunt, precario placuisse? nimirum sic fit libenter in aliena causa doctissimus quisque de sua existimatione periclitatur. O dii immortales, quo ore, qua impudentia sit ille qui alterum roget, ut pro se, publice, non in capitis periculo, sed in ambitiosa quadam honoris contentione mentiatur, ut quantum alienæ uoluntati permiserit, tantum suo nomini deroget: dū aut boni uiri opinionem amittat, aut se nullo esse iudicio palam omnibus faciat. sed finge, ab uno aut altero id posse impetrari, num etiā planum facis, in finitos propemodum, qui me suo testimonio tam ampliter ac magnifice ornarunt, pro me gratis esse mentitos? at, elaborata quædam huc attulisti. quid? aliena dicis an mea? si aliena. cedo, cuius? si mea, ut fate-ri necesse est. proh dii omnes, quid loquimur, aut ubi gentium sumus? nonne quum eruditionem atque ingenium negare non possis, memoriam etiam laudas, quod de te certe non speraram? neque uero idcirco ego hæc disputo, quod nouum ullum iudicium reformidem. uidi iam inde ab initio patres, hanc tempesta-

E ii

O R A T I O

tem, & mea semper ut potui armamēta collegi. erupit tandem illa procella, & certe nō impro- uisa in nostrum latus incubuit. proinde, si quis se magis ex usu uestro fore pollicetur, quod u- tinam sic esset; equidē primus pro mea in uos singulari beneuolentia, publicæ utilitati consu- lerem: si quis inquam de se tantum pollicetur, prodeat in concionem, cōmittat se populo, rece- dant operæ, faceſſat grex ille totus, qui de no- bis iudicare nō potest, sit hoc sacrosanctum, ut olim fuit optimo quoq; disceptatore iudicium. nā ego homini illi, quicunque fuerit, si millies oportebit, uos de me prudenter ac sincere iu- dicasse monstrabo. sed reuertamur ad crimen id falsum, quod etiam si uerè obiiceretur, nulli dubiū esset, quin potius in aliena quā in mea culpa hæreret. non ita multos esse, qui græcis lit- teris operam dent, nemo ignorat: tum quia nō pueri, quorum magnus est numerus, sed uiri iam latine periti, ad eas cognoscendas accedūt: tum quoniam ea est rerum natura, ut quæ pul- cherrima sint, eadē & difficillima uideantur: ac proinde rarissima etiā fiant. plures enim multo reperias fabros lignarios, qui in domiciliis ti- gna grandi quopiā ferramēto edolent, quā qui simulachrum aliquod scalpello excidant. mirū

igitur non est, si græce non admodum frequen-
 ti corona docetur, at, Marcum Musurum plu-
 res audiebant. nunquam hercle me cum uiro
 omnium opinione clarissimo, ac meo præce-
 ptore compararim: sed duo mihi potissimum
 desunt, quæ magno illi adiumento fuere. pri-
 mum, quod Patauinae scholæ, positis armis illi-
 co pro uestra sapientia sunt restitutæ, ad quas
 subinde multi e nostris auditoribus adeunt,
 quum ille cōtra ex earum reliquiis, cœtum suū
 à primo contraxerit, & quotidie magis augere
 potuerit. deinde, quod oppida ista uicina, tam
 atrocis belli terroribus liberata, suis ciuibus fre-
 quentantur: quorum ingens copia docente illo
 Venetiis aderat. quare, nos longè paucioribus
 possemus esse contenti. uerum, quid si tot aut
 quandoque plures ad me audiendum conue-
 niunt? quid, si multos etiam domi à primis ele-
 mentis instituo? neque id facere dedignor, nul-
 la mercede, sed utilitatis tantum publicæ stu-
 dio: ut hæc, quam uidetis, annum iam sedi no-
 stræ affixa pagina indicat. est ne, quicquam cau-
 sæ, cur delatores istos non peius oderitis, quam
 totidem, ut leuissime dicam, fures atque sica-
 rios? qui si mihi uestem hanc, quam unicam
 habeo, sustulissent, aut iugulum hunc bene de

O R A T I O

uobis meritum peterent, nisi magnis suppliciis afficeretur, clamarēt omnes euersam esse rempublicam: iidem impunè per uos hoc quicquid in me est, honoris ac famæ, pro quo ego toties hanc animam atque hunc sanguinem effundere uestra præsertim causa pulchrum putauī, labefactare ac infringere nunquam cessabunt? quousq; tandem uestra facilitate, ac mea patientia perditī homines abutētur? qui, quod ipsi uolunt, id unum ius aut fas esse existimāt? etenim, qui uestrum iudiciū damnant, præter eos, qui inuidiæ stimulis exagitati, & tantum non in rabiem acti, ceu uillatici canes honestissimum quenque allatrant, ii sunt, qui olim uel gratificantes alicui, uel sua temeritate adducti, ut aliquid esse uiderentur, me oppugnare uoluerunt. nunquam mediusfidiū parcere dicitur is, qui immeritum aliquem semel offendit. cōscius enim suæ malitiæ, eum odisse non cessat, cui se suspectum esse intelligit. quā ob rem patres, horum improbitas atq; audacia postulat, ut si unquam aliàs, nunc maxime uestri etiam cōpendii causa, mei ornandi ratio habeatur: ne si aliquid in alienandis à me studiis uestris profecisse uideantur, eò demum prorumpāt, ut nō ætas, non uirtus, non res gestæ, aut maiorū glo-

ria, quenquā possit ab ipsorum libidine ac scelere uendicare. non enim fermè unquam perniciēs ulla respublicas peruasit, quæ non à principio dissimulata, paulatim uires assumpserit. quæ quum ita sint, oculos huc alleuate, ac me paulisper intuemini. agnoscitis ciuem uestrum? quem uosmet ipsi, uestris manibus, in hac sede collocastis? ne uelit is igitur obsecro uos atque obtestor, ut uestrum beneficium, homini uobis carissimo, ueneficium fiat; dum stirpis aliquius instar bene quidem satæ, sed malè cultæ, paupertatis sordibus eum obrui sinatis, & eum certe, qui uestram rempublicam in pace, bonis artibus ac litteris ornat, in bello autem, ab hostium telis, suo corpore non dubitauit aliquando protegere. qui semper tanta caritate patriam coluit, ut ne ad exilium quidem satis honestū sibi locum reliquerit. nam quo me uertā si meliorem fortunam quærere libeat? eam ne in Hispaniam, ubi grandem pecuniam (nō ficta, sed nota loquor) & meam ipsius salutem pro uestra utilitate neglexi? an in Galliā, ut quas conditiones desiderio uestri, spōte oblatas repudiaui, eas iterum profugus quærā? an potius in cōtrariam partem me abdam, quum Epidaurii, quæ amplissima ciuitas in Dalmatis est, obsignatis

E iiii

O R A T I O 2

iam tabulis cum tanto stipendio, quantum maxime per eorum leges dari potuerit, destituti, fidem meam suspectam omnibus faciant? ergo cis alpes, & mare stabo? ne id quidem facere licet. quando, & Lucenses, qui duplum offerrent (aureos inquam ducentos) non auditi, magnam mihi inuidiam apud Italicas urbes concitarunt, & nobilissimus Cardinalis, uestra causa relictus, clamat, omnes mortales præ uobis unis à me esse contemptos. uiuam itaque uobiscum necesse est, atque ita uiuam, ut, si quod peto negabitis, dum corpus hoc uiget, dum aliqua gratia ualeo, paupertatem amicorum liberalitate sustentem. post uero, præcipitata ætate, angustiiis rei familiaris, nõ fati necessitate conficiar. feram tamen omnia libenter, atque ut ego uobis semel, ita uos mihi semper placebitis. Quare, si manet in uobis auitũ illud laudis & gloriæ studium, si pristinæ uirtutis, & benignitatis in me uestræ non estis obliti, quæso uos patres, & loci huius dignitati, quæ publica est, & meæ inopiæ consulatis. Dixi.

M D X X

Mense Nouembri.

37

VICTORIS FAVSTI
ORATIO QVA BONARVM
LITTERARVM STUDIA
COMMENDANTVR



REQVENTIA uestrum,
atque hæc amplissima concio, quã
mihi toties iam pro uestra humani
tate, singulariꝑ; in me studio præsta
re consueuistis, recte forsitan me hodierno die
admonuit, ut quæ mecum ipse in communem
omnium utilitatem sæpe animo uolutarã, ea
dem apud uos, quantum mea in dicendo facul
tas pateretur, quam quidem per exiguam esse
intelligo, uerbis explicare, ac consequi oratio
ne conarer. omnes enim, quibus publicum
aliquod onus incumbit, operam dare oportet,
ut quemadmodum olim de multis beneficium
populi atque honorem petere non dubitarunt,
ita etiã ipsi, multis prodesse, omni officio ac pie
tate nunquam desistant. Video autem quum
animi mei sensa cogitationesq; intueor, per
multa esse, quæ tum ui sua, tum publicæ utilita
tis ratione dici omnia postulent, rursus, quum

O R A T I O

singula parumper quasi euoluo, atque perspicio, non dubito, quin si de unoquoque singillatim dicere instituam, & loci huius dignitas, & nostræ consuetudinis modus, & diei spacium, quod ad dicendum superest, multa me cogat omittere. quoniam igitur si dici omnia nequeunt, præstat tamen commodè aliquid potius quàm nihil omnino absoluerè, exponam breuiter duo, ut arbitror, loci huius ac temporis maxime propria: & ea præcipue, quæ iampridem apud me, omni prorsus dubio uacant, uobisque facile, persuasum iri posse confido. primum, nihil esse in rerum natura, quod facere maius sit operæ precium, quàm si quis litteras discat: deinde, cur non satis uere dicatur is litteras scire, qui græcarum omnino sit expers. hæc nanque, id genus esse censeo, ut si cui, uel minimum in ipsis quatenus principia ueluti quædam sunt errare contingat, ille totū uitæ institutum ab eo cursu detorqueat, quo ueram felicitatem, quanta maxime homini data est, bonorumq; omnium portum tenere tandem posse uideatur. Et quāquam esse quosdam noui, qui eadem atq; ego, nonnullos item qui longe contraria sentiant, non tamen iccirco mihi uerendum puto, ne aut

propositio

his tedio, aut illis odio sim. nam, si in eadem aliqua opinione cunctos simul esse cognoscerem, tunc si eodem quoque, & mea demum sententia pertineret, nihilq; nouum afferret, superuacua certe ac inutilis uniuersa esset oratio. quod si contra ire obuiam omnino contenderem, periculum esset, ne importuni hominis atque adeo nimium sibi arrogantis notam subirem: dum simul omnes potius, ut par est, quam unus ego recte sentire uiderentur. sed quoniam se nunc res aliter habet, æquum esse arbitror, ut, qui ante hac eadem per se ipsi uidere, quum meam sententiam ad suam non inuiti adiunxerint, seque in ea cōfirmarint, socii quodammodo ad persuadendos alios facti, benigne atque attente audiendo, taciti faueant, non indignum rati, me, quem unum hic publico ex munere decet iis de rebus, de quibus ipsi fortasse melius dicerent, uerba interim facere; qui uero secus, meminerint eundem illum hominem qui non optime omnia, interdum quædam sapientissime dicere. atque ideo non tantum quis dicat, sed quid à quoque dicatur, esse considerandum. neque enim alia de causa tot conuentus, totque concilia semper, & ubique, haberi solita sunt, quibus subla-

*synodi
conuentus
concilia*

O R A T I O

tis purum sanè aut nihil, quo genus humanum
 à cæteris animantibus distet, inuenias, ac non
 solum homines in bene institutis ciuitatibus, ue-
 rum etiam dii immortales inter se, ut poetæ af-
 firmant, liberum sententiæ dicendæ locum uni-
 cuique reliquerunt. at si dicentis auctoritas, nō
 ratio sequenda sit, facile fiat, ut, dum se quisque
 plus amat, plus etiam sibi credendum esse exi-
 stimet. omnes profectò omnibus in rebus,
 quæ optima sint, quærere instituunt: & quæ tan-
 dem inuenire queunt, ea optima iudicant. na-
 tura tamen comparatum est, ut facilius, quæ op-
 tima, de multis eligi possint, quàm ut eadem
 seorsum quisque perspiciat. propterea, non id
 cōtinuo summum haberi debet, quod diu quæ-
 situm alicui sit, sed quod multorum compara-
 tione, reliquis omnibus præponendum esse ui-
 deatur. præterea, qui non eadem sentiunt, aut
 sibi met ipsi diuersa persuasere, aut ab aliis ac-
 ceperunt. si sua sequuntur inuenta, nihil est quod
 me uel cæteros etiam aliter opinantes nolint au-
 dire. siquidem est ab omni uerecundia pariter,
 & honestate seiunctum perinde, sibi placere ac
 sua tantum probare, ut ne ad aures quidē aliena
 unquam admittenda esse censeantur. ac, si pru-
 denter is agit, qui nouam monetam non prius

*seruare di-
uina*

*ibi nimum
placere.*

aut accipit, aut sibi retinendam putat, quam multorum iudicio comprobetur, non certe sapienter factum defendi potest, si quis sua unius opinione cōtentus, quid aliis item uideri possit cognoscere negligit, atque audire non curat. si uero ab aliis tumentur accepta, non est cur amplius id facere dedignentur, quod aliquādo fecerunt. quippe, quum uideant si neminem unquam audire uoluissent, ne id quidem se habitu ros fuisse, quod nunc firmiter adeo teneant. ac itidem fieri posse, ut si de quopiam magis cōsentanea rationi audire cōtigerit, potiora deinceps magisq; decora sectentur. etenim turpe non est quæ optima sint, forte nescire, sed longè turpissimum, ne proposita quidem atque oblata uelle cognoscere. De duobus igitur ii bonis alterum audiēdo capiant necesse est: quoniam uel deposita omni suspicione reperiri posse meliora, si nostra hæc uana, & friuola secum ipsi ratione conuicerint, suis liberius insistere poterunt: uel si, ut spero, uoci huic non meæ, sed quā me ueritas ipsa, & incredibilis in uos amor cogit emittere, se faciles præbere uoluerint, uetera illa sua, in noua, & multo præstātiora mutabunt. neq; enim dedecet eum, qui uel sapiētissimus habeatur, in alterius atque etiam alicuius

ORATIO

Opinionum
diuina
habere
de populo sententiam ire, quam ueram esse intelligat. quandoquidem nil refert si quod per se quisque facturus sit, monente alio protinus faciat, ut pote quum non magis aliena ratione adductus, quam sua ipsius, ultro in id concessisse uideatur. quòd uidelicet nemo sit, qui nesciat, nò idem omnibus, ne singulis quidè semper uideri: ac esse multa, quæ nò nisi loquentibus demum nobis intento animo diu quæsitæ succurrant, quo facilius eadem quoque audientibus sponte in animum ingredi posse credatur. quapropter, dum quæ sentio, & quare, paucis expedio, nuda quamuis, & inculta dictio cuiquam molesta esse non debet. nisi quis forte adsit, ut non neminem posse existimo, qui de maioribus quasi per manus traditam aliquam consuetudinem auitaq; studia supersticiose adeo colat, ut illud denique optimum ducat, quod uulgi patrocínio ac populo assertore nò careat: qui si nostris offendi se putabit, quæso ne priuatim in suam uertere uelit iniuriam, quæ publicæ utilitatis studio liberè dicenda suscepí. sed iam quæ in medium attuli, ut res postulat, sic probare aggredior. Quæcunque natura producit, ea protinus ab initio quum sese omnia diligant, illud in primis quærunt, ut absoluta, & undiq;

perfecta esse uideantur. nempe, ut ea tantum
sequamur, quæ facillime possunt intelligi, quo-
niam figurarum optima esse dicitur, quæ ad or-
bē spectat, propterea quod dum uergit in sese to-
ta minimum detrimenti facere possit, minimo-
que lædatur, uidemus nihil ferè usquam esse,
quod non aut rotundum, aut teres saltem ap-
pareat. nam, quid ego rem altius repetens, cœle-
stes orbes cum suis syderibus, terræq; globum,
atque in eo stirpium caules, & truncos, anima-
lium membra commemorem? quando, uel in
pratis matutino adhuc rore madētibus, passim
per folia, rotūdā in speciem collecta gutta for-
matur. ac, ne in re nimium manifesta diutius
immoremur, nemo est rudis adeo, aut ignauus,
qui non, si minus conetur, at certe desideret nō
modo se cæteris præstare, uerum etiam sua om-
nia præstantissima reddere. atque ita omnes id
cupiunt, ut rem plerique desiderio non faculta-
te metiantur; & quum longissime absint, se ta-
men eximios esse iudicent. nimirū, quod quis-
que in uotis habet, id etiam nescio quo pacto te-
mere credit. quum autem omnes animātes, per
inde ut cætera cuncta, quædam habeāt propria,
quædam uerò, cum reliquis quoque commu-
nia consentaneum est rationi, ut cum in aliis,

*orbiculari
figura op*

O R A T I O

tum in eo potissimum uelint excellere, quod quæq; uideat sibi maxime conuenire. sed quæ admodum equi ad soli planitiem, delphini ad undas, aquilæ ad sublimia tenenda nasci uidentur, atque id statim ex ipso corporis habitu, ac omni eius parte præ se ferunt, ita hominem ad ratiocinandum atque intelligendum, ore in cœlum erecto, credi par est à natura esse formatum. quare nulli dubium relinquitur, quin, nisi consuetudo quæ plurimum potest, naturam corrumpit, scire quamplurima, & rerum cognitione præstare nobis expetendum in primis sit, ac summa ope nitendum: utpote quum ex eo facultatibus animi, & ipsius mentis uiribus ad capeSSendam uirtutem atque honestatem magna subinde fieri possit accessio. uerum, quia sensibus uelut administris, & corpore, quicquid agit animus indiget, necessario corporis statura quædam, speciesq; ac dignitas, & precipue bona ualitudo desideratur. nihilo secius etiam quòd homines solitudinem, naturæ quodam instinctu abhorrēt, atque ad congregiendum, societatesque iungendas, ita sunt facti, ut quæ in eis pulcherrima sint, ea omnium potius quàm unius cuiuspiam esse uideantur: & opes parare industria, & obsequio ac dexteritate gratiam inire,

&

& munificentia magnanimitateq; potētiam si-
 bi conciliare, unicuiq; rerum magister usus, &
 uiuendi ratio persuasit. hinc certe Aristoteles,
 de quo primum hæc, aliter quamuis tractata, di-
 dicimus, ex Thaletis prope sententia uitā per-
 fectam (cui felicitas innitatur) esse dicit, quum
 ad animum undiq; excellentem, bona corporis
 habitudo, & rerum earum copia, quas fortunas
 appellant, ceu cumulus aut instrumentū ueluti
 quoddam exercendæ uirtutis accedat. item &
 Crātor ueteris academix quartus à Platone de-
 fensor, primas uitæ hominum partes uirtuti at-
 tribuit, deinde bonam ualitudinem atq; opes,
 & alia quæ aut corporis, aut fortunæ dicuntur,
 suis quasi ordinibus cuncta disponit. nam qui
 nihil in bonis esse constituunt, præter gloriam,
 ut multi, aut animi tranquillitatem, ut anti-
 quissimus naturæ indagator Democritus, aut
 scientiam ut Herillus, aut uirtutem, ut Aristo,
 ac itidem ferè stoicorum princeps Zeno, ii
 partem illam tantum, quæ in nobis maxima
 est, atque uim mentis solam nudamque respi-
 ciunt. qui nihil præter uoluptatem, ut Aristip-
 po auctore Cyrenaici, & Epicurum ducem se-
 cuti olim Italici, atq; item qui nihil nisi doloris
 uacuitatem expeti debere proponūt, ii corpo-

E

ORATIO

ris duntaxat uidentur habere rationem. at uerò, qui simul cum honestate, uoluptatem aut doloris uacuitatem iungunt, ii nec corpus omnino, nec animum negligunt. qui autem summopere diuitias admirantur, ii tantum in humana societate ponunt, ut hominem per se, ne hominem quidem putare uideantur. et ideo totam istorum philosophiam, quæ hominem ita excolendum susciperet, ut tamen aliqua ex parte horridum esse, ac uelut squallere permetteret, iam eruditorum consensus repudiavit. proinde, uiderint ii quoque an rectè sit factum, qui res hominum, atque adeo ciuilem consuetudinem auersati, nomen etiam sibi à solitudine indiderunt. quam ob rem, ut nihil eorum, quæ natura homini dedit, abiicere, atque ut ait poeta, nihil humani à se alienum putare, optimum esse concluditur, ita etiam planum fit, eos certissimum ad sui perfectionem iter tenere, qui cognitis iis, quæ prima in homine sunt, illa ipsa quasi felicitatis humanæ propugnacula quædam occupare conantur. Porro, quis dubitet ea in nobis esse præcipua, quæ animi appellatione censentur? etenim, si res omnes suis causis dignitate concedunt, atque si animus uirtute insignis tum moderatione, corpus à mor-

borum iniuria uendicare, tum opes quærere prudentia potest, multum sanè animi facultates cæteris præstare conuincitur. nanque, ut in memoriam præterita reuocemus, quis ulla uictoria, quam uel maxima fortunæ amplitudo consequitur, aut doctior, aut disertior unquam euasit? quis de palæstra, uel stadio, quicquam quod auctiorem animum reddere posset, reportauit? at contra, multi certe sapientes summam corporis debilitatem ab ea uelut ruina, quam quotidie minari uidebatur, diligentia præseruarunt. quid autem infinitas penè opes à sapientibus aliquando partas obiciam? quum olim, non nisi sapientissimi quique, populis & nationibus imperarint: ac eò dignationis plerique peruenerint, ut deorum immortalium numero habiti, positis etiam aris templisq; cohererentur: qui si nihilo secius extitere mortales, nominis tamen sui memoriam immortalitati consecrarunt. Neque uerò quisquam mentis compos, ea bonorum summa constituat, quæ multis grauissimisque incommodis compensantur. siquidem, & robur illud eximium raro fugit insidias, & magna uis opum, magna inuidia carere non potest. nam uulgus homi-

num ea solet mirari, quæ sensu percipit: animi
 uerò bona nec nouit nec qualia sint suspica-
 tur. propterea neque sapientibus inuidet, neq;
 quicquam ab eis auferre conatur. iccirco etiam,
 non nisi fortioribus olim præmia sacris in cer-
 taminibus fuere proposita: atque in ciuitatibus
 non sanè quàm optime institutis semper ad ho-
 nores, recto quodam tramite census ascendit.
 quis autem Sisyphus, cui supra caput saxum
 impendere antiquitas tradidit, cum eo confera-
 tur, qui uel aliena, uel certe plus multo quàm
 pro rata parte possideat? Dii immortales, quæ
 curæ suspicionis nonnunquam inter se con-
 trariæ, qui terrores nulla de causa plerunque ob-
 orti, felicem illum imperitorum iudicio diu no-
 ctuque sollicitant, dum sibi diffidit, ueretur om-
 nes, cauet etiam alioqui carissimos. adde,
 quòd auaritia malorum omnium radix, perin-
 de ut caprificus ad saxa, non facilè nisi opulen-
 tissimo cuiq; inhærescere consueuit, ut eiuismo-
 di homines sepulchris suis similes uiui esse dicā-
 tur; quibus teterrima sorde oppletis, aurū ex-
 trinsecus niteat, idē profectò iis usu uenit, quo-
 rum opes cōmunem sortem excedūt, quod etiā
 colossis, propter magnitudinē accidit. quippe

dum exteriora tantum artifex ornare instituit, si quis introspeciat, fulcris & statuminibus, atque obuersis inter se clauis, horrere omnia uideat. præterea nemo id optimum dixerit, quod sua magnitudine possit officere. at, quemadmodum sapientia corpus tueri, fortunasque suas augere solet, ita uires immensæ, aut opes immodicæ, cum summa prudentia stare non possunt. exemplo sit Polydamas fortissimus ille multarum coronarum athleta, qui quum ex itinere ob repentinum hymbrem in quandam speluncam diuertisset, eaque desuper ingruentium aquarum pondere uicta fathisceret, suadentibus fugam comitibus, tantæ ruinæ solus humeros opponere non dubitauit: nec aliud quicquam sua temeritate profecit, quam ut spirans adhuc, sepulchrum sibi non defuturum uideret. Milo item crotoniata, qui iustæ magnitudinis taurum suis humeris gestasse in Olympia traditur, quem nemo unquam de uestigio mouit, cuius digitos, si pomum teneret, nemo diuellere potuit, temeritatis pœnas dare coactus est. quum enim secundum iter quercum, ut solet, cuneis scindi cœptâ offendisset, loci eius hominum imbecillitatem increpans, manus induit in fissuram, neque tamen plus eam potuit una spiritus cōten-

P O R T I O

tione diducere, quàm ut exciderent cunei: sicq;
 cito iterum coeunte materia, se ipsum ad stipi-
 tem, digitis penè attritis, ob nimiam præssuram
 deligauit. post, à feris, quas nec fugere nec ag-
 gredi posset, miserrime discerptus, interiit. en,
 quo se uires prudentia destitutæ sua mole præ-
 cipitant. Pari ratione quis dubitet summis o-
 pibus homines, uelut ebrios factos, in suâ per-
 niciem ruere? nam quid aliud Sybaritarû prin-
 cipibus, ut equos suos binis tantum pedibus ni-
 ti, atque ad tibiã saltare docerent, persuasit?
 unde crotoniatæ facillimam nacti uictoriam,
 ipsos cum uniuerfa ciuitate delerēt, quid Xer-
 xem eò ueridiciæ adduxit, ut dum nouæ alicui-
 us uoluptatis iuuentoribus præmia proponit,
 bello uictus, ludibrium cunctis mortalibus fie-
 ret? quid Antiochum, ita infatuauit, ut dum
 coquinaria etiam uasa toto exercitu argentea fie-
 ri studet, prædam potius hosti, quàm regno suo
 præsidia compararet? mitto autem Sardanapa-
 los, & Ptolemæos, itemq; complures. sed quid
 ego reges dumtaxat, quorum ingenium deli-
 ciæ deprauarint, conuiro? quasi uerò nō gen-
 tes etiam totas eadem labe infecerit, illud pro-
 fectò in causa reperiatur, cur infames Aegyptii,
 apud reliquas nationes, atque olim Cyprii fue-

rint; quòd ingentes opes magna soli feracitate congestæ, omnem ab eis industriam, quæ comes est paupertatis; & luxuria studium honestatis gloriæque remouerat. Quid? quòd affluens rerum copia tantum abest, ut quenquã possit explere, ut quotidie maiorem plus habendi sitim excitare uideatur? atque ut alia penè infinita exempla præteream, satis id nobis unus Hanno testetur, qui Carthaginensis reipublicæ summis honoribus, domi militiæq; functus, quum se locupletissimum cerneret, regnũ cœpit affectare. commentus igitur plusquam punicum facinus senatum in nuptiis filiæ suæ, quas uniuerso ferè Carthaginensi populo conuiuia celebrabat, ueneno tollere instituit. fraudem uerò illam per ministros detectam esse animaduertens, quòd senatus primo ueritus hominis potentiam, ut periculum modo fugeret, lege tantum cauisset nequis sumptus in nuptias fieret, ad arma confugit. atque ita seruorum manu, arcem occupat. pecunia, qua plurimum ualebat, undique cogit auxilia. sed dum tardius è Mauritania regiæ copiæ, quas sibi præstare futuras sperabat, conueniunt, à publicæ libertatis uindicibus capitur: atque, quod peius morte ingentis spiritus uiro esse poterat, corã omni

F iiii

O R A T I O

plebe nudatus, flagris cæditur æquè ut uile man-
cipium. mox, membratim extrema quæq; pas-
sus supplicia, in crucem turpissime tollitur. libe-
ris prius, & consanguineis omnibus pariter ob-
truncatis, ne quis forte, aut tam scelerati homi-
nis ultor, aut domestici facinoris imitator exi-
steret. felicissimum illum, si tantarum opum di-
midio uel mediocris fuisset adiuncta pruden-
tia. uerum, ea solet esse rerum natura, ut qui ui-
deant plus sibi licere quàm deceat, plusquam
possint facilè concupiscant. proinde, nò quan-
tum quisq; possideat, sed quam moderate suis
bonis utatur, uel etiam si desint, quam fortiter
careat, laudari consuevit: ut corporis fortunæ
que bona, uix bona, nisi animi ratione dicantur.
Et sanè furor est, ea ueluti prima suspicere, quæ
ut minime nostra, paruis rerum momentis sæ-
pe tollantur: sapientiam uerò in postremis col-
locare, quæ nulla unquam ui, nullo casu pos-
sit intercipi. quocirca, satis est, corpore uti ne-
que imbecillo penitus, neque oblæso, quoniã
profligata omnino ualitudine, ad sapientiã iter
obstruitur: externa uerò, ita metiri, ut nequid
eorum, quæ uitæ necessaria sunt, deesse uidea-
tur: tantumq; in bonis habere, quantum inopiæ
nomen effugiat. propterea quòd hominè pror

sus egenum ciuilis consuetudo respuit: & uirtus ipsa pullulans, adhuc sordibus nimiae paupertatis obruitur, uel iam confirmata, si mediocri fortuna uelut humore priuetur, aut exarescit, aut certe fructum ex se ullum ferre non potest. adhibenda est autem omnis industria, ne minima quamuis in animo labecula relinquatur, ut quum totus illustris, & clarus undiq; fuerit, cetera si qua erunt in nobis minus egregia, luminis eius splendor occultet. Enimuero, quis neget litterarum cognitionem, uel solam esse, quae animum apprime possit ornare? quum enim totum uitae humanae curriculum, partim otio, partim negotio, duobus quasi alternis spaciis distinguatur; quumq; nonnihil omnino, sed aliquid remissius agere otium nūcupetur, quid obsecro, ab ingenuis, & liberaliter institutis, per otium fieri queat honestius, quam si tūc se se totos ad litterarum studia conferant, quibus uide licet animus, ita remittatur, ut non penitus elanguescat, sed uires interim colligat? nam, quid tandem uenator, quid auceps, quid piscator otiosus, dum uoluptatē lassitudine metitur, praeter hebetudinem quandam rusticitatemq; consequitur? si quis autem alueolo & talis, exerceri excitarique quodammodo putet ingenium,

O R A T I O

is profectò mihi non minus errare uideatur, quàm si equum aliquem generosum, atque ad cursum natum, plauistro ducendo aut uehendis sarcinis exerceri mirificè iudicet. quin etiam ipsa musice, à qua nemo unquam elegans atque eruditus abhorruit, non modo non dignitatis, sed ne commoditatis quidem gratia, quæ plurimum conuenit otio, cum litterarum studiis conferatur. utpote, quum & ea quoq; perinde ut cætera, quibus aliàs otium trahitur, a motis sodalibus, aut inutilis planè fiat, aut minus certe delectet. litteris uerò ille mirum immodum oblectetur, qui solus, uel commentando inambulet, uel in secreta quapiam testudine sedens, aliquid perlegat. denique, quoniam per otium sola quædam uoluptas quæritur; quid pulchrius, quàm musis, hoc est suauissimis poetarum lusibus, & amœnitate carminum delectari? aut etiã si cui longum aliquod otium suppetat, cœlum, maria, terras, atque in eis res hominum, & deorũ, uelle cognoscere: ac summa illa uoluptate frui, quæ de multiplici adeo uariaque doctrinarum cognitione percipitur? non utiq; magis sine litteris otium desidie notã euitet, quàm sine otio litterarum scientia cõparetur. Cæterum, qua in negotiis solertis eum fo-

re putemus, qui statim ab ineunte ætate litteris imbutus, nō solum quid homines olim omnibus in terris ab ipso rerum primordio gesserint, sed etiam quid ab unoquoque fieri cum dignitate possit, intelligat? nemo autem non uidet poetas, uersibus iuxta, ut pictores coloribus, humana negotia imitari; & quid in eis fugere aut sequi deceat, palam ostendere. historiarum uero scriptores, ex iis quæ quisque in uita rectè, aut secus fecerit insignia magis, & digna memoria recensere. quādo ē nominibus eorum, alterum à fingendo quæ fieri soleant, alterum à narrando quæ aliàs facta sint, constet esse deductum. atqui totū illud, quod negotii appellatione comprehenditur, aut priuatum est, aut publicum. priuatim, se quisq; tantum, uel familiam etiam curat. utrunque autem poetæ, ut summa cum laude fiat, si quis eorum figmenta parumper animaduertat, docere facile queunt. nanque ut ab Homero initium faciam, qui tot annos iam, doctorum omnium consensu, uatum princeps habetur, quicumque natus in ciuitate aliqua celebri, genere nobilis, fortuna diues, & animo præsentī, & corpore bene compacto est, is certe nullo exemplo se melius formare atque instituere potest, quā si

O R A T I O

*Thias
humani
ingenij
culum.*

magnam iliada, humani ingenii miraculū, diu noctuq; relegens, ut magnus Alexander facere solebat, Achillem, in quo omnia præclara fuisset canit poëta, sibi ad imitandum proponat, atque ab eo discat uelle mori potius millies, quā ut quicquam se indignum faciat, aut ulla in re officio deesse uideatur. Quod, si quis parum, aut nihil, in bonis, præter ingenium se habere cognoscit, ille sibi Vlyssē ante oculos statuatur, quatuor, & uiginti uoluminibus à diuino uate celebratum, qui natus Ithacæ, loco satis ignobili, parentibus non admodum claris, quum & opibus, & sui corporis robore uix mediocritatē attingeret, atque etiam deorum aliquot haberet infensos, difficultates tamen omnes uirtute rescidit: tantumque sapientia potuit, ut non modo apud suos rerum gestarum gloria nobilissimum quenque superaret, sed etiam in ultimos terrarum fines, nominis sui famā produceret. Domus uerò, & familiæ gubernandæ modum, quanquam nihil inter poetas reperitur, quod non sit ab Homero profectum, comici tamen & tragici planius docēt, quatenus illud ex professo agunt, ut generis, ætatis, ordinis cuiusque hominum mores, populo indicent. etenim, paterfamilias ille, qui unus è multis sit, à comicis

docetur uxorem primum suis moribus paulatim assuefacere, liberosque in ea disciplina continere: quum aliquid ipsis propter aetatem indulserit, non tamen omnia permittat, ne si deliciis diffluere cœperint, ad uirtutem, quæ laboribus, & sudore paranda est, aspirare non possint. seruos deinde cauere, ne quid fraudibus, aut morum impuritate officiant. lenonum, meretricum, parasitorum, insidias fugere, atque à suis propulsare. æqualium amicitias colere. posteritati prospicere, ac parsimoniam ubique seruare, sub persona uidelicet Strepſiadæ, Philtonis, Menedemi, Chremetis, & aliorum item, quorum in fabulis ficta sunt nomina. Rursus ille, qui cæteris præsit, à tragicis admonetur, ante omnia firmissimum regni præsidium esse, non cuiquam nimium credere, ut Polynices Eteocli; propterea quòd eius causa, ius omne misceri frangique soleat. multum blandientes potius quàm iratos caueri oportere; quòd ab iis sæpius rex opprimatur, quos minime timet, ut à fratre in cõuiuiò Thyestes, & in cubiculo Agamemnõ à coniuge. non esse tutum principi, calumniatoribus aures facile adhibere, ut Phædræ Theseus, quoniã temere persuasos illico pœnitentia cõsequatur. postremo

O R A T I O

neminem, qui malis artibus nitatur, diu posse regnare, ut Creon, Lycus, Aegisthus, & alii Pelopidæ omnes atq; labdacidæ, quorum familiæ, tot clarissimis tragædiarum scriptoribus materiam præbuerunt. unde manifesto appareat, iusta imperâdo, partis acquiescêdo, nullum mortalem iniuria laceſſendo, bonam existimatione suæ liberorumq; aut affinium libidini anteponeâdo, posse ad posteros imperia peruenire. Nihil igitur priuatim à quoquam fieri solet, quod non optime litterarum studiis excolatur. quæcunque autem publico nomine fiunt, ea bifariam distributa, uel pacis uel belli temporibus accommodantur. at pacatis in ciuitatibus semper eloquentia plurimum ualuit. nec fere aliud fuisse reperiās, cur homines à primo agrestes, & ingenio dispari ac diuerso, in unū quasi corpus coiuerint: & eorū ferocissimus quisque legibus parere uoluerit, quàm quòd aliquis inter ipsos extitit, qui quod prudēter excogitasset, id etiam apte sciret expromere. hac una certe fieri uidemus, ut, inter ciues, ius suū quisque retineat; simulq; pietas, religio, fides, & quicquid præterea utile sit atq; honestum, cum reipublicæ dignitate seruetur. nempe, ut legibus ciuitas suis quasi fundamentis innititur, ita le-

ges eloquentia adminiculo sustentantur. quis autem ulla de re ornatè ac copiose differere, id quod eloquentia dicitur, sine litteris potest? nā si facultas hæc, ut in controuersiam uenit, natura, & acumine ingenii constare uideatur, nemo inficias ibit eius aciem ad tantam rerum uarietatem, de quibus sæpe dicendum sit, penetrare non posse, quin retusa plerunque hebesceret, nisi multiplici doctrinarum cognitione idētidem ceu cote quadam excitaretur. si arte, iam sibi totam litteræ uendicabunt. si exercitatione, haud equidem intelligo qua ratione fiat, ut se ulla in re quisquam exerceat, quin eam multo ante didicerit. disci autē quæ litteris continentur, sine litterarum scientia qui possunt? atq; ut hoc altius exploremus, inuenire qui d unaquaque in re dici debeat, ille profecto nequit, qui multa non nouit; & ea præsertim quæ in communem hominum cognitionē perueniunt, humanitatis studiorum appellationem inde sortita. affectus item mouere, quo uel uno plurimum eloquentia dominatur, is utique nescit, qui nec apud poetas, quibus homines afficiantur, nec quibus olim affecti sint ex historia didicit. dictione uero, quæ res oratoribus, & græce, & latine nomen imposuit, eorumq; magnā

ORATIO

differentiam facit, tantum alius alio præstat, quanto frequentius quæ ab antiquis accurate scripta sunt, relegit atque ediscit: ut Demosthenes libros Thucydidis, quibus ad eam ætatem nihil scriptum cultius fuerat, etiam sæpe descripsit. quemadmodum enim manus æruginenos tractando inficitur, sic diligenter scripta legendo, quædam eorum uelut colorem ducit oratio. Verum enim, ut in pacis tranquillitate plurimum uiget eloquentia, ita quum belli quasi tempestas intonuit, in iis, qui rebus agendis præsumunt, militaresque copias ducunt, prudentia summa requiritur. non enim ab re, homines quidam ridiculi, sapientes tamen dixerunt, duo esse animalia, quæ multum capite pugnarent, taurum, & hominem, sed alterum cornibus, alterum consiliis atque prudentia. & certe par est, ut quo bestiis dominari, & præesse cunctis animantibus homines possunt, eo ipso etiam inter se contendant. ingenium uero id est. quia nihil formidabile in uno propemodum homine reperitur: non dens, non unguis, præter animi uim atque consilium, quo scilicet machinationes omnes, arma omnia protulit. at, quemadmodum senex iuvene prudentior habetur, ea de ea causa, quoniam per plures annos quæ ferent

*duo esse animalia
taurum, & hominem
capite pugnare
consiliis.*

rent, uidit; ita etiam fatendum est, prudētissimū
illum fore, qui nō aetatis suae modo, sed et prae-
teritarū quoq; gesta cognouerit. porro, quid aliud
agunt historiae, quam, ut exēpla rerum ab omni
temporis longinquitate repetita, uno propē in-
tuitu, sub legentis oculos ponāt? ac, ut rem parti-
culatim consideremus, si cui forte, quod saepenu-
mero accidit, suorum fides erit suspecta, nil pro-
derit, opinor, legisse qua dexteritate inter alios
Diodorus Amphipoli Thracas emisit. itēq; si
miles ad praelium fuerit incitandus, usus credo
non erit, scire quo artificio Agesilaus ad Orcho-
menū, aut Archidamus in Arcadia, suis pugnā-
di studiū iniecerit. immo uerō etiam si pugnā-
tēpus captabitur, non ignarus litterarum impe-
rator faciet, ut Lyfander ad Helespōtum. si lo-
cus, ut Xanthippus in Africa. ubi acie instruet,
mille modis peritissimos rei militaris Lacedae-
monios imitabitur. quum insidiis pugnare ma-
let, Timotheū, & Iphicratem sequetur, uel etiā,
si Pœnum dignabitur, Hannibalē. uictor effu-
giū hosti dabit, ne desperatio pariat audaciā, ut
Xerxi Themistocles. uictus quādoq; hostē fru-
strabitur, ut in Hispania Romanos disperso exer-
citu Viriatus atq; Sertorius. quod si ad oppidū
aliquod expugnandū accedet, quæ res ob dif-

G

O R A T I O

ficultatem, summum inter bellicas artes obtinet
 gradum, uel deceptis propugnatoribus, ut Ari-
 stippus Tegeam: uel cito ad inopiam redactis,
 ut Alexander Leucadium: uel aquis auersis, &
 medicamēto infectis, ut Clisthenes Triteam: uel
 educto præsidio, ut Pyrrhus Illiriorum metro-
 polim: uel ab diuersa parte oppresso, ut Alcibia-
 des Cizicum: & Trasylulus Sicenum: uel re-
 cessu callide simulato, ut Epaminundas Mantinea:
 & Phormio, Chalcidem: atq; alii alia capiet. ē
 contrario, si obsidiōe laborabit, ne quid tale sibi
 eueniat, cum his, tum aliis sexcentis id genus cla-
 rissimorū imperatorum exemplis cauebit. de-
 niq; illud in summa tot historiarum uolumini-
 bus colliget, ut intelligat uicissitudinem esse re-
 bus in omnibus, atq; ideo nec secundis nimiū
 tollatur, nec omnino frangatur aduersis; ac esse
 in humanis, uim quandam rerum naturæ inuo-
 lucris absconditam, cuius arbitrio cuncta re-
 gantur, siue fatum dicere oporteat, siue fortu-
 nam: uariam adeo ac periculosam, ut se illi nun-
 quam, nisi aut magna inuitatus occasione, aut
 coactus necessitate, committat; non etiam si mili-
 tum numero sit lōge superior. propterea quòd,
 aciem quamuis imparem, spes & metus, & stri-
 ctum utrinq; ferrum exæquet. Quam ob rem,

si quæ animi sunt, in nobis excellunt; atq; animus ad uirtutem, & officium ubiq; seruandum, litteris ualde componitur; consequens est, nihil debere studiis litterarum à tenera ætate præuerti. nam, quòd Homerus sapientem sine litteris Nestorè ponit, nihil certe memouet, quum etiã poeta id nequaquam facere ausus sit sine portentosa quadam senectute, quæ uelut in star multarum historiarum in se cõtineret. at, qui, ut fuerit aliquis olim, qui naturæ beneficio, & longo eorum usu multa didicerit, non tamen iccirco idem sperare omnibus licet, quemadmodum nec pontes, qui communis hominum usus gratia ruri fiunt, decet rescindere, quoniam nonnulli reperiantur, qui fossam, aut riuulum saltu facile superent. profecto si quispiam contemptis litteris, hoc est iis, quæ ueteres, alius post alium inuenerunt, uni duntaxat experientiæ studeat, perinde erit ac si quis æger neglectis medicorum potionibus, ignotæ alicuius herbæ uim experiri sui capitis periculo uelit: aut si quis gubernator descriptas ab antiquis littorum formas domi relinquens portu egrediatur, & quasi Tiphys ipse nouus, uentis uela permittat. nã ut alter facile moriatur, & alter cito impingat ad scopulum, sic & priuatim sæpe labatur, & publice multa faciat naufragia, quisquis expers

O R A T I O

litterarum extiterit. quæret aliquis fortasse, cur
 si tantopere omnibus litteræ conducunt, pau-
 cos adeo præcæteris, sui studiosos inueniunt?
 quia non omnes idoneos natura procreauit: ne
 deessent, qui seruilis munera, & uitæ necessa-
 rias artes tractarent. multi etiam ingenio libe-
 rali dum ætas in lubrico est, fido carent admo-
 nitore. quidam prius aliud casu facere cogun-
 tur quàm quid sit illud intelligant. nonnullos
 praua consuetudo, aut mos patrius ad alia stu-
 dia maiorum suorum imitatione compellit. et
 ferè omnia quanto præstantiora uidentur esse
 magisque pulchra, tanto pauciores ad sui cogni-
 tionem admittunt, nedum litteræ cuiuslibet expo-
 sitæ sint ac peruicæ, quibus homines proxime
 ad deorum immortalium conditionem acce-
 dunt. Venio nunc eo, ut probem litteras si-
 ne græcæ linguæ scientia, non magis perfectio-
 nem suam assequi posse, quàm sine litteris ho-
 minem. qua in parte, ad excursus orationis,
 tam longe lateque patere omnia uideo, ut bre-
 ui hoc temporis spatio difficiliter arbitrer ad-
 misso uelut equo habenas inhibere, ac finem
 dicendi facere, quàm ullas difficultates, aut im-
 pedimenta ulla superare. ne igitur uos diu hic
 nimia prolixitate fatigatos, detineam, unum

*litterarum
 grecarum
 ratio*



aliquod duntaxat è multis argumentum arripiam. mitto itaque græcæ linguæ nobilitatem, quam olim patria dignitas, pro imperii amplitudine, toto terrarum orbe propagauit, adeo, ut eam ne Britannia quidem ultima ignoraret, quando & Druidas è Gallia in Britanniam ut suæ disciplinæ originē perdiscerent, solitos fuisset proficisci Caius Cæsar testatur, qui tametsi eam, ne inuulgaretur, nefas scribere putabant, usum tamen alioqui græcarum litterarum ubique retinebant. mitto antiquitatem, ab heroicis usque temporibus profectam. mitto uarietatem, multitudinemq; uerborum, humanæ uoci maxime congruam. mitto scripturæ diligentiam, qua sibi commissæ possit in omne æuum incorrupta seruari, quoniam satis à me, ut puto, est aliàs in hac causa peroratum. necessariam uerò eius cognitionem in primis esse contēdo. id autem quàm breuiter expediam, quæso attendite. Constat hominem ad agendum aliquid, à natura produci. probatumq; satis est, auxilio litterarum omnia posse agi quàm optimè. sed uideamus parumper, quodnam genus litterarum ad res gerendas maxime faciat, ut signæca id lingua indigere uidebitur, eam quoque necessariam esse omnibus pateat.

ORATIO

Tres litteratorum hominum ordines, hac tēpe
state reperio. unum philosophorum, seu potius
dialecticorū, non quòd Clinomachū sectetur,
sed quia de humanis ac diuinis omnibus inter
se disputent: alterum iurisperitorum: tertiū eo-
rum qui humanitatis studia colunt. ac unum-
quēq; ex eis, nescio quid sibi proprium ipso sta-
tim nomine prae se ferre animaduerto. philoso-
phos, rerū à uulgi sensu remotarum insitionem;
iurisperitos, æ qui boniq; notitiam; humanitatis
autē studiosos, nihil nisi cognitionem eorum
quæ oēs intelligant, & ab omnibus passim fieri
soleant. unde nego quenquā ullis litteris, in ne-
gotiorum, & præsertim publicorū administra-
tione, multum iuuari, præterquam politioribus
his, quæ appellantur humanæ: quibus eloquen-
tia pariter, & prudentia cōparatur. Haud equi-
dem uereor, ne propterea quòd in hūc sermonē
incidimus, philosophus aliquis, aut iurecōsul-
tus offendatur, quoniā sua quemq; ita profiteri
existimo, ut prioribus studiis nūtiū nullo pa-
cto remiserit. quòd si quis tamē eo animo agit,
ut quæ prima didicerit, ingratus oppugnare nō
dubiter, ille idem profectò, ut nihil amplius ip-
se respondeā, si quæ paulo ante à me dicta sunt
diligenter considerabit (modo sit æquus rerum

æstimator) fatebitur litteras omnes, præter eas
quæ humanitatis uocantur, ad otiũ factas: prorsus
ab omnibus, & præcipue publicis, quæ maxima
sunt, abhorrere negotiis. At multi, sine cultioribus
istis litteris eloquentes simul, & prudentes habentur:
contra etiam multi, qui eas sectantur, rudes atq;
inepti apparēt. primũ quos tu ab humanis studiis
alienos putas, quod alia profiteantur, ab eis ego non
separo, licet ipsis aliquanto remissius operam dare
intelligam: neq; enim ego, uel unum ex omnibus his,
qui adsunt, à politici litteratura omnino auersum
reperiri posse confidam. quod si quem forte aliter
animatum nihiloq; secius tamen eloquentem, aut
prudentem ostenderis, id certe non aliunde, quàm
ex ingenio, & excellenti eius natura prouenire
facile demonstrabo. deinde, quos tu rudes ac
ineptos argues, ego etiam illiteratos dicā. propterea
quod, nemo sine ingenio singulari, bonas litteras
discere, nedũ eis uti, ualeat. atq; ita quicquid
peccauerint, id totũ naturæ ascribā, doceboque
istuc non esse facultatem facultati, sed hominẽ
homini cõparare. nolo nãq; stupidum aliquem,
qui ob desperationem ulterius euadendi circa
studiorum prima substiterit, cũ diuersæ
professionis uiro, natura etiã mediocri cõferas;
sed duos uelim præstantes ingenio eligas, quos

G i i i i

O R A T I O

Enciclopedia

rum alter politiores litteras alter quascūq; aliās tantum nouerit. iā sese ii nō aliter in negotiis, et præsertim publicis habebūt, quā duo strenui milites in pugna; quorum alter armatus, alter uerò nudo corpore prælium ineat. Dixerit fortasse quispiam, tu igitur alias litteras negligis? tantum abest, ut ego id faciam, ut uariis ipse disciplinarum studiis mancipatus, longa etiam oratione aliās disputarim, non posse quēquam cum dignitate hoc in loco sine multiplici doctrinarum cognitione consistere: quod quidem uel ipsa poetarum interpretatio indicat. neque propterea tamen eos laudo, qui sese totos alicui scientiæ dediderunt. quippe, quum eo, si nihil aliud, animi certe imbecillitas quædam declaretur. Restat, ut humanitatis studia, sine græcis litteris manca esse ostendam: quanquā hoc dubium facere, multo maioris est uanitatis, quā Empedoclem adhuc uiuere suspicari ex eo, quod eius cadauer nusquam apparuit. et sane, si quis hoc prorsus ignorat, is iam planè similis haberi potest, homini illi, qui quum in cœtu sodalium, ut fieri solet, uicinum sermonis causa narrantem audiuiisset insigne illud naufragium, quod mille græcorum naues, euerso Illo ad capharea saxa fecerūt, statim ingemuit; ac penè lacrymas tenere non potuit. cui alter, quid

te bone uir ista perturbant, quasi uerò nudius
tertius, aut proximis calen. acciderint? an, id æ-
tatis nunquam aliàs audiuiſti mille amplius an-
nos eſſe quum hæc facta dicantur? nimirum
pauca legit, & pauciora etiam audiuit, qui ne-
ſcit adhuc, politioſiorem litteraturam perpetuis in
tenebris uerſari, niſi græca lingua ei lumen ac-
cendat. nanque, ut mathematicos ac phyſicos,
qui ſenſum modo cogitatione intuentur, uer-
ba non curant, ſine litteris græcis aliquid eſſe
concedam, fieri nullo pacto poteſt, ut qui uerbo-
rum uim, naturamq; perpendunt, ſi ne græcis,
unde latina ducantur, quicquam in litteris eſ-
ſe confitear. et certe, quum ad poetas reſpicio,
nihil uſquam non græcum occurrit. quid enim
aliud Vergilium facere dixerim, quàm Home-
ri, Heſiodi, Theocriti poëmata latinis uerbis ex-
primere? quid Plautum? nonne ipſemet fate-
tur ſe Diphili, & aliorum fabulas uertere; ali-
quot etiam integris uerſibus græce deſcriptis.
prætereo autem rhetoras, & grammaticæ artis
magiſtros, quorum ſcripta, ſiquis non græce do-
ctus intelliget, Oedipum hercle, aut Tiresiã di-
uinandi arte ſuperabit. ſed quid ego in re adeo
nota, pluribus immorer? quando maximi qui-
que latinitatis auctores, non aliter ſe operibus

ORATIO

produsiones

suis auctoritatem daturos putarint quàm si græca transferent. At aiunt nonnulli, nobis iā quæ latina sunt facta, sufficiunt. id profecto illis ob ignauiam perinde usu uenit, ac si quis de altero sciscitari malit, quæ in spectaculis facta sint, quàm ipse spectare. nequam sit homo necesse est, qui sibi ceu poculum indidem miscere nō curat, unde maiores suos, tantum laudis & gloriæ hausisse, atque aliis quasi propinasse cognoscit. Adde, quòd infinita propemodum reliqua fient scitu dignissima, quibus semetipse fraudabit, qui græce aliquid scire noluerit. Quare, quū minime deceat, totā ætatē in otio terere, ac litteræ humanitatis, hoc est eloquentiæ simul & prudentiæ altrices, quæ duo præcipue hominē à cæteris animantibus segregant, ad res præclare gerendas, unicum uelut instrumentum habeantur, atque eæ sine græca lingua debiles admodum, & alta quadam erroris caligine uacillantes, nullum in se momentum retineant, fateri necesse est, litterati hominis appellatiōe abuti qui cunque nihil omnino græce didicerit. Obiiciat aliquis fortasse, tu te ipsum quasi tuis acuminibus compūgis, quòd et perpetuum otium damnas, & unā tamen immensam quādam litterarum molem, ad græce & latine discendum

homini suscipiendam proponis. facio primum, ne sim adeo iniquus ut nonnulli, qui suos greges, ut in sui admiratione detineant, angustis quibusdam uelut cæcellis circumscribunt, dū quæ ipsi sola consequi potuerunt, ea duntaxat protinus ab incunabulis arripi debere contendunt: quasi uero' animus noster cella sit aliqua, ubi non nisi certus frumenti, aut uini numerus reponatur. deinde, quod multos potuisse uideo, ac me ipsum conari profiteor, id aliis etiā suadere non pudet. quid enim quæso? num Ciceroni, ut unum pro multis nominē, difficillima temporibus illis tot inter simultates reipub. administratio ac negotiorum familiarium multitudo, quicquam de litterarum summa detraxit, quominus græco sermone historiā scribere, ac græca uertendo, atq; imitādo, latinæ linguæ ceu fabricator existeret? an nō etiā nostra tempestate, DANIEL RHAINERIVS uir iam, & propter ætatem, & quod amplissimis honoribus functus sit, supra inuidiā positus; atq; iccirco à me unus omnium qui hodie uiuant, honoris causa nominatus, exactissimā græcæ linguæ cognitionē cū cæteris studiis cōiungere potuit. quod uide licet ad rēpub. ubi opus esset, accederet, ac priuatim æquē, ut alii uariis negotiis distringeretur?

O R A T I O

non est mihi crede nimium difficilis atque ardua res, multa condiscere; si quis studendo non lucrum quærere, sed sapientiam ipsam inuestigare instituat: nec propterea unum modo uitæ suæ lustrum ad discendum, reliquum uerò ad nihil sciendum accommodet, sed paulatim per gradus, adolescētiam omnem erudiat. ac, ut de græcis tantum litteris loquar, quid obsecro negotii est, hominē haud latine ignarum, ad similitudinem eorum quæ antea nouit, græce doceri? modo ne careat præceptore, qui & uocum proprietatem, & usus ipsarum rationē monstrare possit, & uelit. At nō desunt qui rei magnitudine deterriti, ab incepto destiterint: ii mediū fidiū non multum dissimiles atque ægroti cōplures uidentur, qui, quoniam cibo ac potu abstinere ob intemperantiam nequeunt, dum medicos fastidiendo subinde alios aliis mutant, in morbos incurabiles incidunt. putant enim nō nulli, se posse grammaticos illos canonicas alterius diligentia potius quàm sua doceri: quum ii quidem triduo ferè ostendi queāt, memoriæ uerò mandari, citius tardius ue prout quisque, uel ingenio, uel industria ualeat. qua in re, etiam si bimet ipsi iniurii sunt, quod tædio perplexæ illius flectendarum orationis partium formulæ

Lingua

nihil uoluptatis admiscant, hoc est uocabulorū
notitiam, quæ ignotæ artis rudimenta scrutan-
tes, mirum immodum iuuat, in aliud tempus re-
iiciunt. neque interim minus erroris admittunt,
quàm si domum structurū de opificio tantum co-
gitent, cæmenta uerò ac materiam nihili faciant.
atqui uidemus transalpinas, atq; etiam transma-
rinas nationes breui admodum Italicè discere,
nullo artificio magis quàm quòd uocabulorum
quendam ueluti fascem, hinc illinc quotidie col-
ligant. unde planum fit, utile cum primis esse ad
græcæ linguæ peritiā latinæ iungendam, au-
diendis auctoribus, paulatim uerborum signifi-
cationes ediscere, ubi quis primum, si minus me-
moriam teneat, at certe uiderit semel, quanam, &
qualia sint græcæ locutionis membra, unum ali-
quod ex infinitis propemodum grammatices
compendium eligens, ac si me audiet, quod fa-
cillime possit intelligi. quemadmodum pleri-
que testantur, quos ego in hac urbe à primis sta-
tim litteris ultra id quod publice debeam, do-
mi gratis edocui. Quæ quum ita sint, ne pu-
tetis me hanc sermonis contentionem ambitio-
ni dare uoluisse, quòd scilicet quenquam, uel
renuentem in hunc locum attrahere, uel inui-
tum in eo retinere desiderem. quando, deum

ORATIO

uirtute dixerim, pateat, iam me satis docere pos-
se qui uelint, nec deesse quos doceam. sed po-
tius existimetis me, tum ueritatis ipsius ui, tum
miro quodam ciuitatis istius amore cōpulsum,
ea liberè dixisse, quæ publicè profutura cogno-
scerem: atque operam date, ne maiori cum solli-
citudine curaq; uidear ego alienæ dignitati pro-
spicere, quàm uos uestræ laudi, gloriæq; consule-
re. ne ue assensu tantum & nutu, in meā senten-
tiam concedere uelitis, id quod haftenus beni-
gne adeo atque attente audiendo significastis,
sed etiam re ipsa, & facto, eam in posterum ap-
probetis. Dixi.

M D X X I

Mense Octobri.

56

VICTORIS FAVSTI
ORATIO IN FVNERE
FRANCISCI RVBRII
ORATORIS REGII.



E L L E M, si fieri posset, illustrissime princeps, clarissimi ac ornatissimi patres, ut, quantum mihi ad dicendum studii, quantumq; uoluntatis ad ea præstanda, quæ de me hodie tanta funeris celebritate requiri sentio, tum amplissimi confessus uestri maiestas, tum coronæ istius, quam attente adeo ad audiendum stare uidetis, frequentia dignitasq; iniecit, tantum etiam facultatis in præsentia suppetet, aut certe alicunde meæ tenuitati adiungeretur. sed quoniam usu uenit plerunque, ut nō continuo, quantum quisque contendat, tantū etiam possit: reliquum omnino, atq; item par esse arbitror, ut, sicubi fortasse parum ego tantæ concioni sufficere uidebor, non nihil tamen adiumenti à uobis, ac uestra bonitate, uestraq; humanitate recipiam: atque ita uos, qui muneri huic ad honestissimos semper homines deferri solito, me parem esse censuistis, uestram de me

ORATIO

opinionē, uestrumq; iudicium, interim benignē
audiendo approbetis. quum enim, & Franci-
sci Rubrii oratoris regii conditionem, quem
à me hodierno die, more maiorum, laudari uo-
luistis; & loci huius, in quem ascendi, grauita-
tatem intueor, id genus omnia mihi undique
occurrunt, meosq; ante oculos obuersantur, ut
non dubitem, quin non modo non ingenii mei
paruitas, & exilis admodum ac imbecilla ora-
tio, magnitudini eorum satisfacere queat, paret
que oneri uires afferre, sed nec uberrima quā-
uis eloquentissimorum hominum dicendi co-
pia, sine aliqua prudentissimarum atq; adeo ele-
gantissimarum, quæ uestræ sunt, aurium offen-
sione, singula percensere numerando, nedum
quicquam exornare dicendo, posse uideatur.
Et certe, omnia quæ huic amplissimo uiro natu-
ra, aut fortuna, ad ornamentum ac dignitatem
commodumq; aliquod largita est, eadem mihi
ad dicendum maximas difficultates hodie affe-
runt. nam, si uel patriam duntaxat respicio; eam
omnium penè christiani nominis nobilissimam
uideo. si genus; id cum paucis illustre atque
egregium enitet. si uitæ institutum, & quæ ho-
minis propria sunt, considero: tam longè la-
teque uirtutum eius amplitudinem patere intel-
ligo,

ligo, ut propè ad ultimos illos humanæ fortis fines pertinere facile iudicem. præterea, quæ in eo suprema fortunæ benignitas apparuit, ut nulla diuturnioris morbi ui, ac uelut longioris ægrotationis obsidione quadam uictus, sed repente propemodum improuiso pene incurfu oppressus, obierit; ut multos illi dolores spaciū breuitate detraxit, ita mihi omnem ferè, quantum in ea fuit, ad commentandum industriam abstulit, diligentiamq; temporis angustiiis interceptam secluserit. quare, feci quod in repentinis præliis imperatores facere consueuerunt, ubi hostes aut ex insidiis erumpunt, aut à tergo, lateribusue inexpectati celeriter aduolāt. ii enim, tametsi omnem ex occasione aciem instruunt, suos tamē protinus quàm angustissime possunt, in unum cogunt. ita ego, statim, cum primo huius obitus nuntio iussuq; uestro me in breuem quendam uelut orbem collegi, orationemque meam in pauca conieci; unde, quoniam postea signum ueluti quoddā huc adeundi iam iam expectanti mihi locum, ut ita dicam, aut ordines mutare non licuit: iisdem, quibus ab initio constiteram, ceu uestigiis insistens, satis esse hodie arbitrabor, quædam quasi capita maximarum huius uiri laudum attingere: quum etiam

H

O R A T I O

interim minutissima quæque persequi, in quibus tamen nonnunquam uirtus ipsa & officium emicat, hominis alienigenæ conditio, nobis fama tantum nota, prohibeat. et quia, ut nemo ignorat, non parui admodum refert, quo quisque loco sit natus; propterea quod primo lucis intuitu, primoque illo haustu spiritus de suo cælo uirtutum semina quædā contrahere, simulque ad laudis & gloriæ studium celebritate maiorū ac fama quilibet excitari uidetur: à patriæ nobilitate commemoranda initium faciam. At, quamquam situ ac feracitate, & iis omnibus, quæ regionum optimarum propria sunt, Gallia nulli terrarum cædit: eius tamen maximum decus atque ornamentum in uiris, quos omni ferme uirtutum genere præditos procreet, positum esse animaduerto. neque enim procera ac directæ in quincuncem arbores, uiridariaque, & amœni fontes, atque umbracula, aut molibus exclusum mare, flumina pontibus iuncta, turresque ac mœnia ipsa magnificentissime constructa, urbes potius uidentur ornare, quam hominum fortitudo, ac probitas. quippe, ut aues conditionis & naturæ suæ argumentum nidificandi opificio præbent: ita etiam in oppidis ac regionibus amplissima quæque ædificia nihil ni-

si hominum præstantiam indicant. mitto autem primos Galliarum colonos pariter atque indigenas, multo ante rem romanam magnitudine imperii nobiles, & quæ infiniti propemodum rerum scriptores de gestis eorum per uarias temporum successiones memoriæ prodiderunt. de iis tantum loquar, quæ nostra potissimum ætate uigeant, & quæ peragrata superioribus annis maiori ex parte Gallia, possum etiam ipse testari. ac ut ab infimis orsus ad altiora paulatim ascendam; tanta est in iis terris agricolarum industria, tantaque opificum solertia, ut aduerso quantumuis cælo, & anni tempestate iniqua, nusquam fere tamen lautius uiuatur, uiliissimaque sit semper annona: uestimentorum uero ac domesticæ suppellectilis copia, nullibi maior trans alpes elegantiorque reperitur. qui autem mercaturam exercent, atque in emporiis, & foro consistunt, aut aliter negotiando uiuunt, urbanamque multitudinem explent, fidem ac promissa, uel maximis emolumentis uiolare turpissimum putant: atque non solum inter se, uerum etiam cum reliquis quoque nationibus hilares, & iucundi humanissimique ac maxime hospitales existunt, utpote qui more quodam patrio, non dolis, non fraude, sed plurimum uirtute ac re-

O R A T I O

rum dignitate nitantur . at, honestioris ordinis hominum quum duo sint genera, qui litteris, aut etiam unà religioni colendæ uacant, sic se se totos ad ea studia conferunt, ut, quum theologiā sibi multos antehac annos fere uniuersam Parrhisi uendicarint, nunc etiam in omni litterarum genere, tum multitudine tum excellentia hominum, & græce, & latine doctissimi morū, cum Italia bonarum semper litterarum altrice contendant. qui militiæ student, tantam in equestrem artem, quæ nobilibus digna semper, & ubique habita est, à teneris annis operā impendunt, ut grauiissimam quamuis armaturam perinde tractent, ut, quicumque ipsos aspiciat, ferrum illud non extrinsecus additum, sed quasi unà cum eis natum, ut cum piscibus squāmas, aut cum auibus plumas, existimet. proindeque ob antiquam militaris disciplinæ, ac bellicæ artis gloriam, tantum spiritus concipiūt, tantumq; in præliis audent ut Gallum equitem auersum ulli unquam hostium uidere non liceat. Iam regia dignitas (quoniam ex capite reliqua etiam membra qualia sint, facile dignoscuntur) eiusmodi est, ut, quemadmodum à Græcis olim Persarum, ita Gallorum à nobis hac tempestate per excellentiam quandam rex

possit uocari. non maiori profecto cum ueneratione alibi numina coluntur, quàm rex ille suis in terris suspicitur. nec ab re tamen, aut parua de causa. siquidem, primum tantis opibus pollet, totq; ac tanta, quibus suos aut alienos item de se bene merentes donare queat, possidet; ut facilius aliquando, qui petant, quàm quid det ipse, deficient. deinde, tanta munificentia, liberalitateque uti consuevit, ut non solum infinita propemodum templa ornatissimis cœnobiiis adiuncta, largisq; prouentibus locupletata, uerum etiam penè innumerabiles litteratorum hominum scholæ ac publica pauperû domicilia non in Gallia modo, sed & alibi quoq; ut Romæ, ne quid longius aut ex ignotis petatur, diui Michaelis ædes, & hospitium, quod nunc sancti spiritus uocant, in eius testimoniû uisuntur: tot etiam Gallorum regum donaria partim uoto, partim ex manubiis toto orbe terrarum, quâ Christiana quandoque religio patuit, ad omnia pene delubra propendeant, totq; ab eis Christi nomine passim erogata olim fuisse constet, ut, si reuiuiscant illi, suaque repellant, periculum sit, ne multorum patrimonia soluendo esse non possint. tot præterea Christiani nominis captiui, quotannis Gallica pecunia

A O R A T I O

missis in Africam, atque item aliò ad Sarrace-
nos legatis, ex ueteri consuetudine ac instituto
nunc quoq; redimantur, ut, tantam liberalitatē
tantamq; magnanimitatē humanum ingenium
uix capere posse uideatur: quū plerunq; ex ho-
stico multi Cantabri, & Lacetani, Ligures ue, aut
alii, ad suos incolumes remittantur. tot insuper
Gallicis in regionibus immensa propè nemora
lapideis septis circundata, partim amœnissimè
confita, partim omnis generis bestiarum copia
referta, tot instructissimæ uillæ, difficili nōnun-
quam loci natura sumptibus euicta positæ, cas-
tellisq; munitæ tot urbes aut in maius restitutæ,
aut etiam ad situs opportunitatem fundatæ ad
omnia ferme itinerum diuerticula reperiantur,
tot deniq; alia operosissima ædificia, cuiusmodi
sunt inter minima latissimæ illæ scalæ ad multa
millia graduum marmore importato extructæ,
quæ Rhotomagi ab oppido ad phanū usq; pul-
cherrimum in montis cacumine positū pertin-
gunt, uaria extent specie uetustatis, ut nemo non
ad pascendam plebeculam, ea omnia regum be-
neficentia quadā potissimum instituta fuisse co-
gnoscat. domesticam uero magnificentiā regis
illius, & cohortis uniuersæ splendorē, ii certe ne-
queunt satis mirari, qui & alios quoq; regio ap-

paratus alibi peregrinando uiderunt. plura me-
diusfidius ille hominum millia suis sumptibus
alere solet, quàm quot ea sint, quibus nōnulli ex
aliis præsint. quin etiam, quod sanè maximum
est liberalitatis atq; humanitatis indiciū, nemo
unquam repertus esse dicitur, cuius fidē aut dili-
gētiam laborem ue sua causa susceptū, qui qui-
dem paulo insignior fuisset, irremuneratum rex
ille reliquerit. si quis autem antiquitatis memo-
riam parumper animo complectatur, pauca ad-
modum totis litterarum monumentis inueniet,
quorum dignitati Gallica arma concedant.
nam, quid ego Bellouesum Mediolani fun-
datorē, & circumpadanæ huius regionis co-
loniarum auctorem, aut Brennum tantum non
totius quandoque orbis terrarum domitorem
commemorem? quando post Clodoueum,
qui primus Christianam religionem susce-
pit, tot in Sarracenos terra marique Gallo-
rum regum expeditiones legantur, ut nemini
dubium fiat, quin, nisi aliquando ea natio re-
stitisset, breui uniuersum Christianum nomen
interire potuerit. unde tantus adhuc etiam ex
Gallicis armis Christianæ religionis hostium
mentibus terror insedit, ut, quum non multos
ab hinc annos Carolus Octauus per Apuliam

*Bellouesum
Mediolan
Fundator*

H iiii

O R A T I O

iter faceret, omnē Macedoniæ simul & Epiri atque item Græciæ oram defensoribus nudatam Turcæ reliquerint . nempe, ut alios pientissimos reges omittam , Pipini, & Carolorum, Martelli præcipue, ac Magni, Ludouicique in Christianam rempublicam ea sunt merita, ut Christianissimi appellationem sibi omnis posteritas iure optimo uendicarit. tam autem longè lateq; rerum ab eis gestarum fama percrebruit, ut cūctos simul christianos cis mare positos, hodie etiam Francos Asia omnis atque oriens totus appellet. at uero, quantæ pietatis, quantæq; benignitatis ac magnificentiæ fuit, legibus cauere, ut ne cuiquam penitus non Christiano locus esset in Gallia; Christianus autē nemo omnium seruus existeret? quod si quis tamen aliunde perductus, in eius fines aliquando uenisset, statim illi uindiciæ secundum libertatem darētur? multa quidem hac in parte præteream necesse est, dum non modo incredibilis penè magnitudo eorum, dicendi facultatem obruit, sensumq; interim obtundit, sed & memoriam quoque nimia multitudo frustratur. uerum, id iam æquo animo patiar, quod scilicet omnia id genus esse intelligo, ut etiam singula seorsum constituta, qualibet prorsus admiratiōe maiora esse uidean

tur: ac proinde non aliter, quàm lumina rarius aliquanto disposita, longè melius elucescant. quid enim, quòd, quum apud alias gentes paucorum siue consilio, siue temeritate, aut etiam fœminæ alicuius nubentis arbitrio, alii atq; alii reges externi plerunq; succedant, in Gallia sic sapientissime omnia legibus astricta sunt iam inde à Pharamundo rege Francorum primo, ut idiotæ omnes ac mulierculæ etiam, quisnam sibi rex futurus sit, facile nouerint: quæ res profectò id efficit, ut primum, nullæ factiones studiorum uarietate obortæ uulgi dissidium faciant, nulla seditio, principum & populi consensum labefactare, otium ac tranquillitatem affligere, quietem conuellere, summumque illud gentium omnium in bello præsidium, in pace ornamentum, quo uel uno multitudinis cuiusque salus continetur, parendi uoluntatē possit auferre. deinde, quum nec uirtutis remuneratorem, nec improbitatis ultorem sibi defuturū uideat, nemo ullum fortunæ casum pro regia dignitate subire dubitet; atque item exteræ nationes, quæ aliqua prudentia ualeant, sibiq; recte consulant, regum eorum amicitiam, utpote perpetuo duraturam, &, quæ nulla unquā successione perturbatum iri possit, cæteris antepo-

O R A T I O

nant, & quanquam præsentibus magis moue-
mur; et, quæ adsunt, melius, cognoscere pos-
sumus: attamen quum prisca nouis ac recenti-
bus uetera diligentius conféro, Franciscum re-
gem, qui hodie uiuit, magno uobis cum necessi-
tudinis, & beneuolentiæ uinculo coniunctus,
totius propemodum antiquitatis instar esse re-
perio. neque enim in eo quisquam, Caroli ui-
res, non Claudii, aut Philippi speciem formæq;
dignitatem, non Theodorici consilium, non
Vgonis ingentem spiritus uim, non Ludoui-
ci magnanimitatem pietatem ue desideret. iusti-
ciam uerò eius ac temperantiam Gallia omnis
prædicat. fidẽ uosmet ipsi probe cognoscitis; eã-
que constanter adeo mutua, ut ita dicam, ope-
ra custoditis. inuictum autem robur, animi-
que præsentiam, ac fortitudinem, &, quod ex-
tremum natura homini præsidium dedit, in pe-
riculis audaciam, non solum hostes inopinato ir-
ruentes audacter resistẽdo auersi atque deuicti,
sed etiam feræ aliquot imperterrito quodam ip-
sius uigore extinctæ declarant. rursus clemen-
tiam, moderationemq; ac benignitatem inge-
nii, cum alia multa, tum id potissimũ testatur,
quòd superioribus annis, quum Heluetios fero-
cissimam gentem uno prælio debellasset, neque

quicquam amplius impedimenti restaret, quominus totam Italiam, si libuisset, peruaderet; tantum abfuit, ut se alieni cupidum ostenderet, ut eos etiam, quorum arma in se haud dubie mota esse cernebat, blandè tamen appellare, atq; in amicitiam recipere non grauaretur. cui, si aspera Christianæ reipublicæ fata maiorem auctoritatem non denegassent; fortasse in præsentia de suo potius agro, quam de Pannoniis finibus immanissima illa Turcarum barbaries cogitaret. Itaq; de Frâncisci Rubrii laudibus, ut breui multa complectar, quemadmodum loci huius, & uestra grauitas postulat, id tantum dicere satis esse censeo, quòd à tanto rege in consilium iam pridem ascitus sit, ac simul patriæ suæ, Mediolanique senator factus; quæ dignitas non nisi probatæ uirtutis hominibus in Gallia contingere consuevit: deinde, quòd archiducem, ut uocant, Burgundiæ, regius magna cum auctoritate orator adierit, post Heluetios ad Galerate oppidum tumultuantes; mox summum pontificè; postremo Venetum Senatum communis fortunæ socium atque participem: cuius sapientiam nullus est tã longinquus populus, tamq; recondita natio, quæ non miretur. nimirum, uulgaris quædã laus nō est, principibus uiris placere.

O R A T I O

quippe, raro admodum principem iterum fallere quispiam potest. quandoquidem, ut uulgo dicitur, magistratus et prouinciæ suæ administratio uniuscuiusque ingenium indicat, & quæ in priuatis alioqui diu latere potuissent, publico statim ceu lumine illato mirifice detegit. si igitur hic, tanto regi, ob integritatem præcipue fidemque singularem tantopere placuit; non me hercle uideo, quid excogitari à quoquam possit, hac tam ampliter summa quæque in se complexa, ornatissimi huius uiri laude præstantius. nisi quis forte rerum adeo ignarus sit, ut putet regem illum, qui tot hominum millibus præsit, ignobilem aliquem dubiæq; uirtutis, cuius uita in obscuro, ad eam diem posita latuisset, tanti faceret, antisque honoribus prosequi, ac tanto muneri obeundo, quantum oratoris est, destinare uoluisse. haud equidem uereor, ne, si uel unum hoc duntaxat dixerim, Franciscum Rubrium, Frâncisci regum omnium maximi, cõsiliorum participem atque administrum summis de rebus, ab eo, Venetias, hoc est in eam ciuitatem, quæ sapientiæ domicilium, sedesq; prudentiæ semper sit habita, & cuius amicitiam is magno sibi præsidio esse intelligeret, fuisse legatum, quasi Datim alterum Athenas à Dario,

*Venetiæ
Zans.*

quisquam illum a me parum aut frigide laudatum obiiciat, ac propterea longas aliquas narrationes rhetorū pigmentis distinctas, aut quasdam quasi laudum uariis e fontibus ductarum corruationes, in meo sermone desideret. quasi uerò numeranda potius, quàm ponderanda sint, quæ unaquaque in re dici debeāt. ut enim Athenis Phocio sententiam dicere ac concionari solebat, qui solus Demosthenis uim sua grauitate sapius infringere potuit, ea demum optima est dicendi forma, quæ, si causa patiatur, paucis multa comprehendat: quemadmodum in numis ii preciosissimi habentur, quibus materie dignitas, metalliq; præstantia, non magnitudinis ratio auctoritatem conciliet; contraq; uilissimi, qui plurimum loci occupent, quo circa si nemo nō aureum unum decem æreis anteponat, satis utique esse potest, unam, quæ maxima putetur, ex omnibus amplissimi huius uiri laudibus dicere, ac eo etiam magis, quod uidelicet eiusmodi sit, ut nulla commendatio uirtutis alicuius, aut officii queat reperiri, quin eam ipsa, ut uera solidaq; laus apprimè contineat, quid nanque ex illa undique absoluti hominis quasi summa detrahi potest, quin, si id oratori desit, tota eius officii ratio subuertatur: princi-

*optim
dicendi
forma.*

O R A T I O

o ratio n. s.
quales m.
debrant.
in m. d.
in m. d.

pio enim, qui oratores ad exterarum nationes mit-
 tantur, ea corporis habitudine ac forma esse de-
 bent, ut, si minus specie antecellant, statura ue-
 ceteris præstent, at certè nihil in se nec distor-
 tum, nec debile, aut diminutum habere uideân-
 tur: tum, quòd longinquis in regionibus ciui-
 tatis cuiusq; ac populi exemplar ueluti quoddã
 ex uno tantum eius oratore spectatur, ridiculi-
 que sæpe uulgo fiunt, ac dignitatem amittunt,
 quos natura potius quàm casus aliquis defor-
 marit. contra autem, multi plurimum sibi gra-
 tiæ sola uenustate conciliant: tum, ut frigoris,
 & caloris uim iuxta pati, in ediamq; ac sitim to-
 lerare, & reliqua itinerum aut nauigationum in-
 commoda ferre ualeant. nobilitatem aliquam
 uel à maioribus acceptam tueantur, uel à se par-
 tam retineant necesse est: quoniam principes
 omnes, mediocriter etiam sapientes, non ita te-
 mere se illis credunt, suaq; arcana committunt,
 quos nullo ante actæ uitæ pudore impeditos ab
 officio atque honestate recessuros facillè suspici-
 tur. nullis uitiis, & præsertim insignioribus, no-
 tari conuenit; sed contra potius litteris, & bo-
 narum ac liberalium artium: si fieri possit, om-
 nium cognitione ornari: partim, ne sibi met ipsi
 apud suos auctoritatẽ tollant, fidemq; minuunt,

partim, ne illis, quibus cum negotientur, odio
sint, aut certe ludibrio. tanta autem ab eis di-
cendi facultas exigitur, ut non solum commo-
de, quicquid uelint, eloqui possint, uerum etiā
sefe totos sermonemq; suum ita componant, ut
cum senioribus senes, cum iunioribus uerò in-
terdum iuuenes, non infra suam grauitatem ef-
se uideantur: idque perinde, ut tamen ex æquo
summa eloquentia, cū eo, quod nullis præceptis
traditur, tacendi artificio, id est opportuna taci-
turnitate, contendat. prudentia quoq; tanta, ut
nihil amoris aut beneuolentiæ cuiusquam, nihil
odio aut iracundiæ tribuant, sed omnia ubiq; ad
sui principis suiq; negotii utilitatem callide refe-
rant. tanta denique diligentia, tantaq; solertia,
ut æque ac in uigilia quadā positi, cunctis, quæ
accidant, subinde aures atque oculos adhibe-
re, nihilq; improuisum omnino, aut non diu
meditatum in animo habere studeant. quæ om-
nia, si in hoc fuisse cumulatissima uel ex eo po-
test cognosci, quod a summo rege maximis de
rebus ad amplissimum senatum allegatus sit, ni-
hil est sane, cur ego, hac firmissima laude diffi-
sus, ad aliās quasi confugere uidear. Huc etiā
accedit, quod, si tanti principis maiestate, atque
istis auribus abuti uelim, dum quippiā uel otio

O R A T I O

sum uel omnino redundans lōga nimis oratio-
 ne persequar; quantum in eo erroris admittatur
 aut non agnoscere stulti, aut negligere furiosi es-
 se uideatur. etenim, quid attinet in excellēti spe-
 ctataq; uirtute, progressus & incrementa respice-
 re? et, quæ iam maxima esse uideamus, unde
 aut quo pacto aucta sint, quærere? profectō si
 nunc Franciscum Francisci huius patrem, le-
 ctissimum uirum, itemq; Tangilem de Castello
 auunculum magnum, olim apud Armoricos,
 (ut uocant) magistrum, & Ruscinonis præfectū,
 atque ob egregiam fidem animique robur exi-
 mium, regis sodalitate, quæ diui Michaelis dici-
 tur, dignatum, suis laudibus ornare, ac eorum
 benefacta singillatim recensere instituiam; atq;
 etiam, si, quanta cum diligentia, & omniū spe-
 hic, Tolosæ, aut Bononiæ, aut Ticini, aut de-
 mum Patauii utriusque iuris scientiæ operam
 dederit, ac propterea, quum esset iam eius pe-
 ritissimus, quanta cum laude in Senatum Par-
 rhisiensem lectus sit, uelim cōmemorare: per-
 inde erit, ac si pulchrum aliquod pomum, ex op-
 tima primum arbore, deinde in horto quopiam
 egregiè culto natum, demonstrare contendam:
 aut si picturam aliquam singularem, nō nisi ab
 excellenti artifice optimis coloribus, penicillis
 item

item factam esse, coner ostendere: quum præsertim apud eos uerba faciam, qui comitatem eius, animique candorem, annum iam & amplius, quotidie perspexerint; prudentiam uero ac dexteritatem, his temporum difficultatibus experti probarint; & denique, omnium eius uirtutum aliis testimonium præbere amplissimum queât; ac etiam nemo ferè hac tota in urbe reperiatur, aliquo aut ingenii aut uirtutis indicio notus, qui eius bonitatem, facilitatemque testari non possit. ut enim ex præsentis rerum statu, qualia futura sint, quæ consequantur, non quilibet statim, sed prudentissimus quisque tantum rectè solet conicere: sic, quæ antecesserint, qualia fuerint, præsentium intuitu, ipsum etiam uulgus hominum coniectura facile colligit. quapropter, eo iam ueniam, meâq; orationem conuertam, ut uos à mœrore, quem ob amicissimi hominis mortem merito concepistis, reuocem. quanquam, tot simul sapientissimos uiros, tantæq; prudentiæ principem admonere, nec mihi sumo, nec alterius cuiusquam esse censeo. etsi enim hic uobis carissimus uel ea in primis de causa, & esse potuit, & certè fuit, quòd Francisci regis memoriam, quem tanto studio

O R A T I O

colitis, idētidem nominis similitudine, ceu quādam imagine renouaret; dolendumq; in tam graui uulnere, nemo potest negare: uideris tamen ipsi, mortales omnes ea lege nasci, ut fatis aliquando concedant. quæ res, ut omnibus tandem multarum ærumnarum, multarūq; miseriarum finis manifestò est, ita bonis, uirtuteque præditis, qualis hic fuit, ueræ ac perpetuo duraturæ felicitatis initium esse creditur. et quoniam nihil in humanis omni ex parte beatum reperiri posse dicatur, unaquaque in re, damna cum retrimētis ac commodis interim susceptis, compensari debere intelligitis. atque ideo, licet Franciscus Rubrius parum admodum ultra quadagesimum ætatis annū uixerit: tamen, quod regis quasi personam sustinens, amplissimis istis exequiis, & aliis item honoribus hodie à uobis, hoc est à tot (absit dicto inuidia) regibus, cumulatissime ornatur: reliquum eius uitæ spacium, quod quidē in incerto esset futurum, certissima tanti honoris celebritate, qui finis uitæ optimus sit, scitis esse pensandum. propterea, quum ille, apud Venetos in Armoricis, quæ ciuitates oceanum tangunt, & hodie Britonum nomine ueniunt, nobilissima ex familia,

per mille trecentos ab hinc annos tota Gallia diffusa, atque etiam in Italiam propagata, Acrimellii ortus sit; operam datis, ut itidem apud Venetos Italiae quam honestissime funeretur; in dubio uidelicet relicturi, utrum ille, si hæc uideat, aut aliquo sensu percipiat, Venetus Armoricus ob uitæ initium, an Italicus ob finem, tantamq; magnifici adeo funeris pompam, uelit deinceps appellari. quum enim omnes in hanc lucem non aliter ferere, quam in theatrum histriones, breui scilicet temporis spatio ad suum quisque actum peragendum a sapientissimo certe nescio quo uelut chorago introducatur, ac rursus etiam, citius tardiùsue, pro ut quisque suas partes peregerit, in æternum quoddam silentium educatur: ut nihil honore, qui uirtutem atque honestatem necessario consequi solet, optabilius aut maius homini potest accidere; ita nihil prohibet, quin eam potissimum sibi patriam iure suo quilibet dicat, ubi honestissimo functus munere, plurimum honoris, plurimūq; laudis, & gloriæ sit affecutus. Pergite igitur Veneti, Venetum ornare; ac reliquum funeris ducite; uestræ charitatis, tantique istius officii testem, dum uixerit, Aegidium, defuncti ip-

ORATIO

sius fratrem, illustrem uirum, & in Britonibus
praesidem, atque item uniuersum Galliae regnū
perpetuò habituri, deosq; insuper immortales,
qui uos ab omnibus incommodis immunes, ut
hactenus saepe fecerunt, pro uestra pietate ser-
uabunt. Dixi.

HABITA IN TEMPLO
DD. IOANNIS ET PAULI
XX OCTOBRI
MDXXI.

67

VICTORIS FAVSTI
ORATIO QVA VIRTUTEM
ET LITTERAS PER SE
EXPETI DEBERE
OSTENDITVR.



LONGE aliter mecum ipse con-
stituo uiri, quicunque adestis, or-
natissimi, quum personæ huius, quæ
mihi olim pro singulari amplissi-
mæ istius ciuitatis humanitate, eximiaq; beni-
gnitate, non ordinum modo sed & ciuium pro-
pè omniū consensu imposita est, partes intueor,
& hoc ipsum, in tāta doctissimorum hominum
frequentia dicere, quantis difficultatibus plenū,
quantisq; periculis obuium atque apertum sit,
animaduerto. primum enim, eius esse officii ar-
bitror, qui publicum aliquod onus sustineat,
quique præcipue hoc tam graui, tamq; honesto
docendi munere fungatur, ante omnia id age-
re, ut, quemadmodum ipse multorū beneficio
auctus atque ornatus sit, ita etiam ubique suam
dignitatem cum publica utilitate coniungat;
atque in eo omnem operam, omnemq; indu-
striam collocet, ut, quam possit, multis nulla aut

I iiii

O R A T I O

certè parua sui habita ratione prospiciat: nec si id aliàs commodè fecerit in dicendo, & præsertim eo die, quo amplissima quotannis adesse soleat concio, facundi potius atq; disertì nomen, quàm beneuoli ac publicæ utilitatis studiosi opinionem quærat: ea uidelicet gloriæ cupiditate adductus, quæ in una duntaxat eloquentiæ laude consistat: quod quidem iis semel aut iterum ueteri consuetudine cõmuniq; instituto permiffum est, qui nullum antea ingenii sui periculum fecerint; ac proinde quantum in ipsis ars disciplinæ, aut exercitatio ualeat, pars maxima ciuitatis atq; hominum uulgus ignoret. iuuare igitur ex officio reliquos semper debere ceseo, qui cunq; publicũ beneficium aliquãdo acceperit. deinde, illud idem cæteris uelle prodesse multo dissimile quiddã esse intelligo, quum largitione quapiã siue patrociniò aliquo fit, ac quũ uerbis atq; cõsilio. nam, si quis aut opum uì, aut potentiæ magnitudine, ut multi passim, clarus euadat; oēs, atq; ii potissimum, qui ex eius amplitudine aliquid ad sese deducere ac deriuare posse cõfidũt, seu quouis modo, ex eius fortuna, adiutum iri se sperant, protinus eũ colunt, mirantur, laudibus ad cælum ferunt, mortaliumq; omnium primũ atq; excellentissimum prædicant. quòd si èt ille interdũ benefico, ac liberali ingenio præditus

munificentiaē specimē aliquod edat, suisq; bonis
& alios quoq; uelit impartire, iā ipsum nō homi-
nem iudicant, sed quasi unū ē Iouis concilio de-
lapsum in terras numē, ingenti quadā ceu pieta-
te ac religione uenerantur. rursus uerò, si quis stu-
dio atq; doctrina sapiētis nomē adeptus est, sta-
tim eū indocti oēs auersari, & cauere incipiunt:
eorum autē, qui se eruditos putant, pars maior
inuidiaē stimulis acti, quæ sæpenumero inter pa-
res esse cōsuevit, odio prosequuntur. atq; dum
eius laudē, suā cōtumeliā ducunt, famæ eius splē-
dori, non aliter ac si aciē ipsorum præstringeret
tenebras offundere conātur. partim. n. siquid ca-
lumniæ pateat, ut nemo est undiq; absolutus, id
unum in ore habent quotidie, instar muscarum,
quæ, nō nisi affectis corporum partibus inhære-
scunt. partim, aliū quēpiam laudant, non ut illū
extollant, sed ut eum deprimāt, quem oderunt,
atq; ita, per iniuriā ab eo hominū opinionē auer-
tāt. nec mirum, quatenus pleriq; ut se multi mor-
tales nimium quādoq; admirantur, nō plus quē
quā omnium quā ipsi ualeāt, posse existimāt.
nōnulli etiam quemuis alium multo minus. ple-
riq; autē quæ ipsi nequeant, ea unum aliquē pos-
se, ægre admodum ferunt. profectò, quēadmo-
dum maiores arbores, maiorem in sole umbrā

efficiunt, ita & spectata uirtus quo maior est, eo maiorem parit inuidiā. at si peritus ille ac prudens, qui sapiens habeatur, non sibi tantum sapere uelit, uerum, quæ res interdū putari queat omnium munerum longē preciosissima, & cæteros quoque commonefaciat, ac uelut suis bonis impartiat, iam illud ferri non potest, offendunturq; confestim omnes, ac taciti secū obmurmurant, arrogantem hominem, importunum, qui tantum sibi sumat, ut reliquos præ se uno nihili faciat. perinde, quasi ille haud quaquam ex bonitate id agat, sed ex temeritate atque superbia. tantumq; abest, ut rem aut dicentis animum perpendant, ut quod fortasse aliàs nunquam didicissent negligant, & eum, quem alioqui, ut boni auctorem diligere, ac obseruare deberent, protinus ex animi offensione fastidiāt. et certe, sicut unaquaque in re uinci durum atque acerbum est, ita ingenio superari grauissimum uidetur, maximeq; molestum. hæc itaque mecum ipse reputans, cogor addubitare, utrū satius sit ex officio, quæ publice profutura censeam, dicere, an priuatim mihi ipsi ea tacendo consulere. ueruntamen, nūquam ex animi sententia pro antea actæ uitæ instituto committam, quin communem utilitatem, ut aliàs sæpe feci,

meæ existimationi anteponam. quare, dum omnibus gratum facere studeam, nullius obtreptionem atque offensam ueritus, quædam, quæ uulgo nequaquam rectè fieri arbitror, paucis exponam; daboq; operam, quid contra agendum sit docens, ut, nisi quis forte obstinata mente aliter sentire uoluerit, ea cunctis inutilia prorsus ac fugienda esse uideantur. neq; uerò istuc parum ad rem pertinere quisquam putet. siquidem, ut ferramentis rubigo, materiæ caries, faxisq; sua uitia tempore innascuntur, ita etiam in animis nostris multi errores, & præsertim hac tempestate inolescunt. nempe, ueteres illi qui non ita multum à suis initiis primaq; origine distabant, tanquam opera quædam noua, nōdum tot maculas, totq; labes contrahere poterant. nos autem, qui tam longè distamus, tanto iam situ obducimur, tantaq; ut ita dicam, rubigine adedimur, ut, nisi quæ iam pridem recta ratio peperit, subinde uelimus adhibere remedia, nihil puri, nihilq; solidi amplius elucescat. solent enim omnia, lege quadam naturæ in peius ruere, ut ait poeta, & retro collapsa referri. ac ut certis spaciis nostra contineatur oratio, aliis omissis, quæ longum esset singula percensere, illud tantum remedii afferēdi causa quæremus,

*similitudo.**Leg.*

O R A T I O

quod utiq; mecum sæpe miratus sum, cur quum
 ingens hominum multitudo lucri spe, nullum la-
 borem, nullumq; periculum fugiat, pauci admo-
 dum uirtutis, & qui uirtutem sequitur honoris
 ergo, ullum laborem sustinere, ullumue pericu-
 lum adire patiantur. uidemus enim penè infini-
 tos, hinc uel media hyeme, aut in Aegyptum Sy-
 riamq; aut in Belgium, & Britanniam mercimo-
 nii gratia cōmeare. quos uero labores suscipiāt,
 dum alpes altissimis niuib; obsitas transeunt,
 quibusue periculis sese exponant dum horridū
 illum Ionium sinum ueteri quamuis ac malè in-
 structo nauigio traiciunt, is certè iudicet, qui a-
 liquando expertus sit. cōtra autem, rarissimum
 quemq; uidere est, qui parumper litteris uelit in-
 cumbere, quòd scilicet reliqui prono capite le-
 gendi, aut scribendi tedium ferre diutius ne-
 queant, nedum in armis, quod innumerabiles
 olim clarissimi uiri, pro patria fecerunt, uitā au-
 deant cum laudè mutare. at hoc, si minus absur-
 de, neutiquam tamen constanter ab eis fieri ma-
 nifesto apparet. neq; enim si parum fortes sunt,
 & uitæ nimium cupidi, minus periculi ex uento-
 rum impetu quàm aliud impendat; nec si mol-
 les aut imbecilli, minimus laborum est, qui uel
 in itinere faciundo sentitur. itaq; dum causam

erroris huius inuestigo, nihil præter uoluptatis cupiditatem esse reperio: quæ corporis huius impotens domina, sensuum hebetatrix, rationis inimica, miseros mortales falsa quadam dulcedine imbutos, ac uelut ebrios factos, sui compotes esse non sinit. ea enim opibus auctoritatem, honorem addit pecuniæ. ea, uilem hanc animi sarcinam, nec magis indumentum eius quam uinculum, honestati & gloriæ anteponit. quãdoquidem pecuniæ copia, genus omne uoluptatis affatim suppetit, uitaq; hæc non nisi tanquam uoluptatis instrumentum à plerisque; tantopere colitur, ac tanta etiam cum anxietate seruatur. propterea, quos semel uoluptas suis illecebris delinuiuit, dum omnem eorum admirationem in se conuertit, nullum in lucro periculum prospicere, nullumq; tedium sentire permittit, æque, ut sol in aduersum se intuentibus, omnem prospectum adimit, adeo, ut etiã quæ circa pedes atq; ob oculos sint offendicula, uidere non possint. ite quos semel ex alta illa mētis ac rationis arce deiecit in imum quasi corporis fundum cōiectos, atq; detru sos, facile cogit nihil unquã præter seipsum cerne re, uitæq; huius spaciū cogitatioe metiri; perinde ut, si quis in cauædio cōsistat, ubi non nisi per impluuium prospicitur, suo ipsius ædificio ac dome-

voluptas

Cauædium

O R A T I O

sticis parietibus impediatur, necesse est, quo minus quæ foris gerantur, uideat. enim uero, quoniam in hanc fraudem multos imperitia coniecere, ac deprauata paulatim & a uero deflexa uulgi studia per similitudinem attrahere cōsueuerunt, nitendum est maximè, ut uoluptatis cupiditatem, uelut malorum omnium radicem, e pectoribus nostris rectæ rationis acie excidamus. ea enim euulsa, reliquæ uitiorum fibræ, quæ infinitæ propemodum longè lateq; permanent, facillime exarescent. Ac sanè, quum omnia felicitatem illam suam tum demum adipisci credantur, ubi, quam summa ope quærunt, perfectionem, nacta, eo in primis funguntur, eo que potiuntur, ad quod naturæ ordo ipsa produxit; nihil minus homine dignum uidetur, quam uoluptatem, idest amœnitatem illā, quæ corpori blādiatur, & sensus titillet, cupere. quādoquidem, rerum omnium parens natura, quæ in unoquoque animātum præcipua esse uellet, minime dissimulauit. quippe, bestiis corpus, utpote quod in eis primas haberet, magno cum artificio uillis ac setis plumæ, aut squammis, pinnisq; item, & testis pro sua cuiusque conditione muniuit. nec solum muniuit, uerum etiā mira quadam colorum pulchritudine ac uarie-

tate ornauit. nobis autem breue corpus, debile,
nudum, atque undique exarmatum tradidit. an
uero putandum est, testudinem cocleamue, aut
minuta illa conchilia cariora fuisse naturæ quā
homo? animal uidelicet cunctis imperaturum?
nihil minus. sed ita res habet. cætera, corpus
& uoluptatem fortasse. nos autem longè aliud,
hoc est, uirtutem atq; honestatem colere uoluit.
iccirco, ut corporis minimum, ita spiritus atq;
animi plurimum tribuit; quo non solum præte-
rita meminisse, præsentia cognoscere, uerum
etiam futura præuidere, atque in omnem poste-
ritatem partæ per uirtutem gloriæ spem porri-
gere possemus. persimile igitur est, hominem
uoluptati seruire, ac si quis Thessalum aliquem
aut Massyleū equum, sprete eius pernicitate, a-
rare cogat, aut molere. ferūt Charthagine adole-
scentem quendam senatus iudicio nimis barba-
rè forsitan morte mulctatum, quod leonis catu-
lum tenerum adhuc inter uenandū e' lustro sub-
latum, ita molliter domi educandum curasset,
ut omni atrocitate deposita, non solum ea face-
ret, quæ cicures aliæ feræ solerent, uerum etiam
clitellis susceptis, onera per urbem ultro citroq;
uectando, aselli uicem subiret. putarunt nimi-

O R A T I O

rum illi non sine ingenti flagitio deprauari posse naturam, nec facile patriis legibus obtemperaturam, qui naturæ aliquando iura fregisset. age uero, sit homini etiam commune cum bestiis affici uoluptate. quanti tandem ea, uel ipsius corporis arbitrio, æstimanda est? quota enim pars corporis uoluptatem admittit præ illa, quæ est dolori obnoxia? eia, si lubet, delicatissimum aliquod pulmentum sub ala ponito: aminæ meri, aut mulsi calicem in aurem impingito. intersepta certè atque occlusa penitus uoluptati loca reperies. at contra, digito uel minime tange facem, iam intelliges nihil esse toto corpore, quod dolori non pateat. quin etiam illa ipsa, quæ sunt ad uoluptatem apta sensoria, quum eam non nisi extrinsecus accersitam atque emendicatam accipiant, immensam prorsus, & inexplicabilem in sese dolendi materiam habet, pro multitudine ac uarietate morborum. principio enim, oculi, qui leuem tantum ac uelut inanem quandam uoluptatis umbram sequuntur, suffusione, resolutione, effusione, quam mydriasin uocant, caligatione, inflammatione, ac mille aliis grauissimis doloribus afficiuntur. aures, quarum usus tenuior etiam est in uolup-

*colorum
morbi.*

tate quàm luminum , præter grauem auditum ,
ac sonitum illum intra se ipsas compressis fora-
minibus , multiplici de causa periculosius multo
quàm oculi laborât . nares , plenioris cuiusdam
uoluptatis participes , si semel exulcerentur oze-
na , uel polypo in perpetuum fere' sanitatem cū
sensu amittunt . os uero & guttur , loca iam so-
lida uoluptatis capacia , dentium dolore acerbis-
simo , linguæ resolutione , uuæ inflammatione ,
parotidibus , angina , tonsillis , & potissimum de
stillatione ac grauedine cruciantur . quis autem
uitia , quæ uel totum corpus inficiunt , uel ex-
parte totum affligunt , ac præcipue neruos , in
quibus crassa illa atq; hebes attactus uoluptas ,
& tangēdi uis ipsa cōsistit , diei unius spacio nu-
meret ? qualia sunt , quæ singula singulos olim
uoluptatis patronos , diis credo auctoribus , ex-
tinxerunt . hoc est stranguria quæ Epicurum ,
dysenteria quæ Polyænum , tabes quæ Neo-
clem , & aqua inter cutem , quæ Agathobulum
absumpsit . mitto multiplicem insaniam , & , qui
contrarius illi est altera ex parte , lethargum , at-
que alia penè infinita , quæ uel ab effectu aliquo ,
uel à membris , quibus inhærent , appellatio-
nem sortita sunt . mitto etiam , tot febrium ge-

O R A T I O

nera, quæ sanguinem, & corporis interna con-
 sumunt. mitto elephantiam, & reliqua id ge-
 nus ulcera, quæ singulis fere ætatibus, alia atq;
 alia attributa, cutem, & corporis exteriora de-
 formant. mitto denique podagram nobilem il-
 lam morborum reginam, quæ Bacchi, & Ve-
 neris, id est uoluptatis, filia dicitur. atqui tot i-
 stos dolores corpus ex sese colligit. quid autem
 uulnera, quæ extrinsecus inferuntur, nulla pe-
 ne non parte letalia? quid morsus ferarum?
 ac præsertim serpentium, aspidis, cæstæ, dipsa-
 dis, chelydri? aut etiam scorpionis atq; phalan-
 gii? corpus itaque satis ipsum per se ostendit,
 longe magis ad dolorem, quàm ad uoluptatem
 se à natura esse productum. et ideo etiam dolo-
 rem pati, quàm uoluptatem sustinere diutius po-
 test. quis enim unquam tam diu, aut edit, aut
 bibit, quàm diu uel ægroti sitiunt, uel qui obsi-
 dentur, famem atq; inedia tolerant? quis tan-
 tum temporis in attrectando quæ grata putaret
 sine tedio ac facierate consumpsit, quantum ali-
 quis sub tortore durauit? profecto, nihil citius
 uoluptate præteruolat, non aura, nō telum, quæ
 semper quo maior est, eo etiam breuior esse
 consuevit. at, aiunt nonnulli, remanet in ani-
 mo

contra uolup-
tatem.

mo iucunda quædam memoria. primum quàm inepte, quæ corporis sint, nec ipsi negare audeant, quasi angustis eius exclusi, transferre in animum uelint, nulla indiget comprobatione. deinde totum hoc, quod certè sola constat recordatione ac specie, cur demum tantam uim habeat, ut possit pro uera ac solida uoluptate sufficere? mihi sanè uix simile uidetur odori, què uas aliquod uetus ex uino contraxerit, aut nido ri, quem ex cibariorum uapore conclusa interdum cœnacula retinent. præterea qui fieri potest, ut plus meminerit conuiua lautissime acceptus, quàm structor aut pincerna? quorum alter fercula omnia præparet atque apponat, & alter singula discumbenti pocula misceat? sed nimirum homines ingeniosi, quia & ipsi uoluptatem labile quiddam, & caducū esse intelligunt, eam conantur integram si possint ad diuturniorem usum memoria quasi conditam in animo collocare, sicut nonnunquam integræ auiculæ acetato ac pisciculi sale seruantur. ne multis. nihil aliud certe est uoluptatis antea perceptæ recordari, quàm potare aut amare in somnis. uerum, ut sit aliquid ista memoria, nonne plus mali secum affert quàm boni? quando præteritæ uoluptatis recordatione identidem accenditur noua

K

ORATIO

cupiditas, quæ quoniã uoluptas omnis plerun-
que uariis difficultatibus impeditur, dum per-
sonæ alicuius loci, temporis, aut sumptus copia
nō adest, plus angit desiderando quàm in fruen-
do delectet. hinc Cyrenaicæ sectæ philosophi,
quanquam aliàs parum graues, prudenter tamē
ac uerecunde omni lumine amoto ueneri ope-
ram dabant, ne uoluptatis eius species oculis
concepta ipsos sæpius ad appetendum impelle-
ret. adde quòd nemo est adeo rudis quin sibi
uoluptatis usum minui posse in horas, & omni-
no propediem negatum iri ætate cognoscat.
quid ergo aliud agit longum istud uoluptatis
meminisse, quàm ut mentem atque animi sen-
sum continua quadam mœroris amaritudine
inspergat? & eos subinde miseros faciat, ad
quos nondum calamitas ulla peruenerit? at sa-
tis magna uoluptas est non dolere. quid ais?
non hercle intelligo quam ob rem si nō doleas
statim in magna uoluptate uerferis. an quia ma-
lo carere te uides? at istuc præterquam quòd ra-
ro contingit, neque ob nostram imbecillitatem
diu ualet consistere: seruilisq; quodammodo
ingenii uidetur, in eo uno acquiescere, quod si
ne mali recordatione esse non potest. oportet
igitur, aut tecum ipse dissentias, aut hoc non

dolere nullius momenti esse fatearis . qui enim
potius te iuuat boni , quàm mali memoria tor-
queat , sed quæras forsitan de me utrum possit
dolorem effugisse recordanti , aliqua delectatio
ex eo ipso succurrere . quid ni ? ergo , & uolup-
tatem præterisse cogitanti molestum est . at is
alterius potiundæ spem habet : alterius igitur , &
ille impendentis doloris metu non uacat . quo-
te cunque conuerteris tuis te laqueis implicabo ,
donec suam corpori uoluptatem relinques bre-
uem atque exiguam nimis præut quisquam in
ea suam uoluntatem studiumq; defigat , quum
præsertim ea carere multo facilius sit , multoq;
salubrius ; quandoquidem haud modico quæri-
tur : neque enim in oleribus tantum , & pane cõ-
sistit . tot autem secum aduehere solet incõmo-
da , tot corporis agitationes , tot animi æstus , ut
beatus ille potius haberi debeat , qui nulla un-
quam uoluptate tangatur , quàm qui omnis do-
loris , si modo id fieri possit , expers atque immu-
nis existat . nam si uelim cõmemorare quot dam-
na quotque erumnas non solum priuatis homi-
nibus , sed maximis etiam regibus atque amplif-
simis ciuitatibus præclara ista uoluptas quando-
que attulerit , dies profectò me citius quàm uer-
ba destituet . quapropter abiecta omni uolupta

O R A T I O

tis cupiditate , animum , quæ pars maior ac me-
 lior in nobis est , ut decet excolamus . ea enim
 summota quattuor insignes maculæ , quæ nati-
 tium quædam mētis nostræ nitorem infuscāt,
 deleri facile poterunt , hoc est uana illa , & ni-
 mium gestiens præsentis opinati boni lætitia , fu-
 turiq; libido immoderata , & rursus præsentis o-
 pinati mali ægritudo , ac item futuri metus sine
 ulla ratione atque mensura , quibus sanè subla-
 tis , cætera quæ ipsis uelut fundamentis innixa
 sunt uitia protinus omnia subuertentur . tolle-
 tur in primis auaritia , quæ cuncta simul diuina
 atq; humana iura permiscet : ac dū nihil , quod
 quæstui non sit , probat , opesq; miratur , quas (ut
 dicere solebat Bion) donat fortuna , seruat illibe-
 ralitas , lucrum honori , pecuniā laudi gloriæq;
 præponit . tunc autem liber in animo nostro uir-
 tuti locus patebit : cuius pulchritudine semel cō-
 specta usq; adeo delectabimur , ut nihil ea sua-
 uius , nihil iucūdius reperiri posse ducamus . et
 enim quum uirtus bifariā distinguatur , in theo-
 reticum , & practicum , incredibile propemodū
 est , quā dulcem quāq; amœnum ex se fru-
 ctum pariant duo illa , quæ in utroque princi-
 pem obtinent locum , idest prudentia siue sapiē-
 tia , quæ multiplici rerum cognitione acquiri-

tur, & magnitudo animi, cuius uis in actione posita, fortitudine constat atque patientia. quippe, quum ipsum uiuere nihil aliud sit quam scire ac intelligere, quòd uidelicet mortui, ut etiā poetæ canunt, ex lethæo gurgite lōga potent obliuia, mirum est, quantum gaudii mens a' perturbationibus libera, qui uerus animi sensus putatur, ex scientiæ uarietate percipiat. argumento sit, quòd nemo tam serio quicquā agit, quin si noui aliquid nuncietur, aures statim adhibeat; ac suis quamlibet aliena præuertat. hinc quoq; dum uel fabulas ipsas legimus, quibus fides nulla debetur, quum ad calcem peruentum est, mœsti quodammodo librum deponimus. quis enim unquam Iliados seu Aeneidos finē euoluit, aut apud tragicos Thebis egredientem Oedipum, & Medeam curru alite fugiētem uidit, aut etiam apud Aristophanē Aeschylum ab inferis remeare, atque apud Plautum Amphitruonē, uel alios iam intro abire animaduertit, quin statim nescio quo pacto tristior factus, quid deinde secutum sit scire, optaret? porro istuc in historia, quæ facta non ficta narrat, longè magis sentimus ubi aut Xenophōtis anabasin, aut Cæsaris commentarios perlegimus. at quanta interim delectatione afficimur, quum apud Hero-

*uiuere
quid sit.*

O R A T I O

dotum gesta Græcorum, & apud Liuium res populi Romani, atque apud Diodorum utrunque cognoscimus: uix credi potest quàm libenter situm orbis, & in eo, urbium statum atque originem ex Strabone, ac ex Plutarcho illustrium uirorum egregiè facta dictaq; discimus. quam uerò exhilaramur si quando in falsum aliquod dictum incidimus? non equidem censeo Cardacem Agriantem uel aut Calliam Thrasonidèq; & Thrasyleontem nobiles olim scurras, tantum cum risu ab indoctis fuisse auditos, quanta cū festiuitate ab eruditis nunc legitur Lucianus. iam rerum causas, & naturæ arcana scrutari, numeros diuidere, uocum differentias notare, dimensionum formas delineare, syderūq; motus ac uim obseruare, tantū in se habet dulcedinis, ut Eudoxus quum solis magnitudinē atq; habitum mathematica ratione collegisset, ad eū conuersus exclamarit, utinam fierem alter Phaethō, qui tua causa fertur arsisse, dū te propius semel agnoscerem. inde etiam Pythagoras quum Hypotenusam reliquis duabus rectū angulū claudentibus ex æquo respondere comperisset, præ lætitia bouem diis auspiciis immolauit. Archimedes quoq; a domesticis, ut ualitudini confuleret, nimis ad abacum stare prohibitus radio

Lucianus.

Eudoxi uox.

Archimedes.

atq; aliis instrumētis ui extortis, strigili & gutto
in uentris cute lineamenta ducebat. idem, quū
esset in balneo, atq; in soliū descēdisset, ex aquæ
effusione quantum argenti aureæ coronæ, quam
rex Hiero faciendam locaret, redemptores per
fraudem admiscuissent, depræhēdēdi rationem
inueniens, statim præ gaudio quasi furens exi-
iit, domumq; seminudus se contulit, inueni, se-
cundum uiam sæpe uociferans. is etiam captis
à Marcello Syracusis, dum magno cum tumultu
milites auidi ad prædam discurrerent, cœptas in
puluere duci figuras omittere noluit, atq; ita uir
singularis dum ignoraretur, est interfectus. præ-
tereo Platonem, atq; alios item complures, qui
ut aliquid discerent, magnos labores & multa
pericula in peragrandō terrarum orbe subie-
runt, quod eos certē nequaquam facturos fuif-
se par est arbitrari, nisi summa quædam, & pro-
pè immensa delectatio ex disciplinarum co-
gnitione ac scientia compararetur. quid autem,
quum non solum intelligendo, ipsi, ut dicitur,
in sinu gaudemus, uerum etiam eloquendo ac
scribendo aliquid cōdimus, quod ut elegans, &
perpolitum in manus doctorū peruenire posse
speremus? equidem multis opinor id usu ueni-
re, quod olim Nitæ cōtigat, dū Homeri Necyia

Nitæ att.

O R A T I O

ex Odyssæ undecimo pingeret . tantum enim
 tum opere suo, tum eminentissimi uatis inuen-
 to delectabatur, ut sui planè oblitus, famulos
 identidem interrogaret an esset pransus . nun-
 quā profectò Demosthenes attòsis turpiter par-
 te altera tantū capillis, ne domo exire sodalium
 precibus cogeretur, tam diu in subterranea illa
 testudine cōmentari uoluisset, nisi iā inde à pue-
 ro expulchra illa Callistrati de Oropo actione
 cui forte interfuerat, degustasset quantam in se
 haberet suauitatem ea bene dicere, quæ quis sa-
 pienter excogitasset. dixerit aliquis, nō sine grā-
 di labore ad hanc scientiæ iucunditatem perue-
 nitur . quin tu igitur aliquam sine labore uiuen-
 di rationem affers ? sed amabo te ne frustreris
 operam uide . etenim ea homini a' natura lex
 dicta est, ut siue ad persoluēdum quoddam ue-
 luti nascendi portorium, siue ob lucis huius u-
 furam, donec uixerit, perpetuo in labore uerse-
 tur. proinde, nunquam interdum cessat agricola,
 diu noctuq; nauta iactatur, sudat eundo miles,
 imperatorem cura dormire non finit, nec quis-
 quam omnino reperitur ante postremum diē,
 cui non sit aliqua in parte laborandum. ac non
 solum homines, uerum & cætera quoque ani-
 mantia uitam laborando traducunt. quin etiam

Labor.

mundus ipse, ac quæ in eo sunt omnia, suos ob-
eunt labores. cœlum enim assidua uertigine an-
num in quattuor horas distinguit; auræ per ui-
ces secreto quodam inter se perflant fœdere. de-
currunt flumina; refluit mare. terra, quam sta-
re putamus, sensim tamen & ipsa mutatur, at-
que quotannis ad nostrum usum innumerabi-
lia pene stirpium genera procreat. itaque, tan-
tum abest, ut laborem fugiendum existimem,
ut sine eo nihil boni esse contendam: quando
si noctis uicissitudinē deus aliquis auferat, quid
deinceps erit dies? tolle famem ac sitim, lassitu-
dinem remoue; iam nec saturitas ulla grata erit,
nec quies. uidit hoc olim supremus uates, quū
duo uasa in uestibulo Iouis esse caneret, è quo-
rum altero mera haurirentur mala, ex altero au-
tem malis bona permixta. nanque, quum ter-
tium illud uas, in quo bona tantum sint, ne Iup-
piter quidem apud se habeat, qui uirtutem se-
quuntur (ut Pythagoras etiam sua littera innuit)
multos labores suscipiant necesse est, antequā
ad amœnissimum illud, ubi ea resider, cacumen
ascendant. neque enim ignauus quisquam, sed
maximè laboriosus coronam ex Olympia, aut
aliunde florente Græcia reportauit. neq; deli-
ciis, sed multis laboribus Herculem ad cœlum

O R A T I O

fama subuexit. omnes deniq; magni uiri nō statim ex utero matris, sed ex laborum difficultatibus, atq; angustiis, prodire consueuerunt. qui uerò propter secordiam, laborem atq; industriā auersati, desidiæ ac inertio otio se dedunt, inglorii, ignobiles, despectiq; in tenebris uitā pecudum agitant: ac licet diu nullum incōmodum capiāt, ad extremum tamen ob quandā rerum uicissitudinem, grande aliquod infortunium subire coguntur. æquē ut quondā ex nimia felicitate Polycrates in Ionia, & Cræsus in Lydia, quorum alter in Orōtis, alter in Cyri potestatem uiuus deuenit. quam ob rem nihil de sciētiae iucunditate labor detrahit, utpote quum illi, necessitate quadam naturæ adiunctus sit, ceu nucleo putamen, aut spinosus odoratissimæ rosæ caliculus. uerū enim, ut omnibus à natura scire gratissimum est, ita optimus quisq; laude ac gloria maxime delectatur: quæ quoniam ex periculorum functiōe amplissima prouenit, animi magnitudo iuxta atq; sapientia, inter uirtutes putatur excellere. iccirco ueteres, in harena, fortitudinis & patiētiae exempla spectantium oculis proponi uoluerūt; quemadmodum è scena prudentiæ documenta populi auribus infunderentur. has enim ceteræ uirtutes, in quandam uelut catenam anne-

xx, consequi facile solēt. sed quanquam in dubium uenire potest, utrum plus iuuet, multa intelligere an præclara facere, utrunq; tamen summam iucunditatem afferre pro comperto habetur. quo enim gaudio plenum fuisse arbitremur magnum illum Alexandrum, quum ad Arbela Dareū per uirtutem uicisset, eoq; prælio totius Asiæ imperium sibi quæsitum esse cognosceret? quo C. Cæsarem quum ad Alexiam immensas illas Galliæ totius uires, quæ ad obsistendum uniuerso propè terrarū orbi satis esse possent, eumq; iam toties armorum strepitu terruissent, ex sua uirtute puncto temporis uideret accisas? quo Thrasybulum triginta tyrannos Athenis, & Brutum Tarquinius Roma pellētem? quo etiam Aratum Sicyonem patriam liberando, ac Ciceronem, sua ne opprimeretur cauendo? quo deniq; Timoleōtem (ducum meo quidem iudicio facile principē) quum nō modo Syracusas, ut antea Dion, in libertatem assereret, uerum etiam multa Carthaginiensium millia, manu admodum parua, de Siciliæ totius longa possessione deiiceret? mitto Epaminundæ Mantineam, Themistoclis Salamina, & aliorum insignes uictorias, quas certè ut quærerēt nunquam tot clarissimi uiri suas fortunas in

O R A T I O

ultimum discrimen adducere uoluissent, nisi & perpetuam uiuis latitiam, & mortuis sempiternam gloriam parerent: nec singulis tantum iis, quorum uirtute constarent, sua cōmoda suaq; ornamenta impartirentur, sed ciuitates etiam uniuerfas ac populos gloriæ suauitate replerent. meminerunt enim Athenienses, magno ludorū apparatu ac pompa, quotannis, eius diei, quo innumerabiles Persarum copias pauci fortissime dimicando ad Marathonem duce Miltiade superarant, deosq; patrios ulti uirtutis suæ monumenta in omnem posteritatis memoriam peruentura reliquerant. meminerunt itidem Phocenses eius diei quo ad Hyampolim duce Daiphanto uictores euaserant. Thebani quoque ac tota Bœotia Leuctricam pugnam Pelopidæ auspiciis tam strenue quàm feliciter initam, dum licuit, solenni gaudio atq; hilaritate celebrarūt. non me fallit obiecturos esse nonnullos uitæ istuc periculo tentari, qua uidelicet temere amissa, nullus poenitentiae locus relinquatur, quasi uero ulla sit adhuc inuenta ratio, qua uitam possimus nostro arbitratu producere: aut sine periculis usquam possit homo consistere. nempe, Diogenes crudi Polypi comestione, Sophocles siue Anacreon uux acino, Eurypides canum morsu,

Aeschylus in caput lapsa testudine, atque alii aliter imbelles quamuis homines uiolenta morte perierunt. sed prudentes nimirum ii (ut sibi uidentur) & cauti. fatuus Socrates rerumq; naturæ ignarus, qui ter miles, bis in acie pugnavit. stultus Xenophon, qui ex Athenarum scholis ad Cyrū in Asiam atq; ad inuictissimi exercitus salutem profectus est. O cæcos homines, qui se malint feбри cuipiam reseruare, quàm (si res postulet) aliquid audendo ab æterna obliuione suum nomen eripere. felices profectò illos putare debemus, & solos propè quibus nasci ex usu fuerit, non modo qui uincendo supersunt, sed etiam qui per uirtutem cadendo, uitæ huius breuitatem cum gloriæ diuturnitate permutat. quantum enim in ipsis est, uincunt, aut certe inuicti ad extremum usque spiritum permanent. nam uiuere, aut mori, quum omnes usurariam minimeq; in nostra potestate constitutam animam habeamus, fatorum necessitate contingit: uincere autem, aut uinci, uirtutis est aut inertiae: quippe quum uictoria fortunæ arbitrio semper alterutram in partem inclinet, eius potiundæ facultas penes hominem esse non potest. quod autem quaritur id strenuus quisq; solet ex sua uirtute præstare: hoc est resistere, ordines seruare

O R A T I O

nihilq; nō potius eodem in uestigio experiri quā uigore animi cedere . ad hæc non quam fors tulerit pigri ac desides mortem expectant, sed optimam ipsi, & pulcherrimam eligunt. quatenus in ipsa uictoriæ spe gaudii plenam absque ullo pene sensu animam efflant . eaque omnino aliena propriam sibi laudem mercantur . atq; ita cum multis nati mortales, cū paucis gloriæ immortalitate nunquam senescētis fruuntur . quasi nominatim prius celebritatem aliquā habuerint, eam mirum in modum augent, sin minus, ex ignobili uulgo ad nobilem numerum transeunt . nanque claris aut obscuris natalibus in hanc lucem prodire non magis ullius est, quā locum, aut diem ad nascendum eligere: gloriosam uerò mortem oppetere per uirtutem quilibet potest, secundum quam non in sepulchris maiorum paruo momento uitium facturis, sed in totius posteritatis æterna memoria condatur. nec breui tantum in marmore incisum elogium habeat, sed in amplissimis annalibus scriptum, quorum opera ubique gentium, quo aliquādo litterarum monumenta peruenerint, nobilitatē ac famam uirtuti debitam consequatur . insuper ingentes plerunque miseras morte præueniunt, neque afflictis rebus patriam diripi, do-

micilia incendi, parentum canitiem cruore fœdari, liberos, & coniuges è complexu abstrahi; carissimasq; necessitudines in seruitutem abduci uident. neque ipsi locum exilio quærentes ea mala pati coguntur, quæ Lacedæmoniis in acie prodituris lege sancitum erat, ut semper ex Tyrtæi uersibus in prætorio recitarentur: quibus auditis, aut uictoriam, aut certè honestam mortē sibi proponerēt. huc etiam pertinet quòd ferè id ætatis de uita decedunt, ubi iuuetute trāsacta, quemadmodum canit Antipater, ne uiuere quidem amplius expedit. siquidem ingrauescente iam ætate nihil præter corporis morbos, & uarias animi ægritudines atque molestias expectari oportet, quibus senes queruli, tristes, morosi que effici consueuerunt. uitio sanè consuetudinis factum est, quando statim uelut è nutricis ubere plus prauæ opinionis quàm lactis exugimus, ut mortem miseriarum extremum putemus. unde ipsa etiam silicernia, ut Terentiano utar uerbo, quum efferuntur lachrymis prosequamur, deflorentis uerò ætatis iacturam, quæ nitorem corporis totius ac speciem delet, uires eneruat, sensus obtundit, uerumq; quodammodo uitæ usum intercipit, ut Theognis faciendum potius censet, minime deploremus. etenim

O R A T I O

multi non satis memores eorum, quæ uiuentibus nobis iucundissima gratissimaq; uariis subinde casibus, & ipso temporum lapsu auferantur, propterea mortis nomen horrescunt, quia interire, sensum amittere, carissimis quibusq; priuari, nunquam renasci, formidinis sunt plena uocabula: quæ uulgus perinde timet ac si quæ hominis sint, ad non hominem etiam pertineat. haud Hercule magis post mortem, quæ hic geratur, quisquam sentiet, quàm ego tot annos ante quàm nascerer, aut uastantibus hanc regionem Hunnis indolui, aut urbis huius Ligustica uictoria lætatus sum. quādoquidem corpore hoc in morte deposito, eorum quibus nunc ipsius causa ualde afficimur, sicut nullus superest usus, ita & desiderium tollitur. subit certe uiuentibus etiam nobis rerum cum sua ætate præteritarum satietas quædam atque obliuio; ut nucibus ludere, quod pueri libentissime faciunt, adolescentes nō multum probant, uiri etiam fugiunt. nec eadem omnino senectutis esse ac iuuentutis studia uidemus, quo facilius credi possit; quæ uiuorum sint, à mortuis planè contemni. nā liber hac mole animus, huc illuc per immensa mundi spacia uolitat, stellisq; interim sui similibus assistit; uel (ut recentiores melius opinantur) Dei opt-

optimi maximi consortio fruitur. neque enim
mihi persuadere unquam possint omnes Italicae
simul et Ionicae sectae philosophi, rhetoresue aut
sophistae, si id contendant, hoc, quo tantum
audemus, tamque multa & uaria intelligimus; ac
caelum, maria, terras, eodem momēto percurri
mus, esse mortale. quanquam si id credidero,
minus etiam uitae cupidus fiam, quoniam tot
malis, quibus ea undique scatet, unicum uide
bo in morte finem, unicumque remedium. an nō
inuitū se ad hanc quasi peregrinationem detru
di animus noster nascendo statim lachrymis &
uagitu significat? mox uero paulatim cū corpo
re, quadā uelut sodalitate cōtracta, originis suae
oblitus eō unde uenit redire nō curat. ideo etiā
unusquisque sua sorte nequaquam contentus
alienam semper exoptat, quod uita certe grauis
est omnibus. quis autem unquam tanta dicen
di facultate, tantaque memoria sit, ut singula uitae
mala dinumeret? longe plura mediusfidius ea
sunt quam quot Hegesias, Prodicus, Alcida
mas, Xenocratesque, & alii suis in libris cōmemo
rare potuerunt. non utique immerito poetae uani
tatem uitae humanae ludentes, eam modo fumi
umbram, modo umbrā somnium uocant. alias
caducis foliis uentōue aut uestigio currentis

L

per mare nauigii assimulant. nonnunquam etiā
quiduis aliud quā hominem fieri satius esse
cōtendunt. pictores quoq; aliquot nudū quen-
dam super lapide rotundo stantem, talaribusq;
instructum, & libram manu agitantem, incon-
stantis ac fragilis uitæ huius imaginem esse uo-
luerunt. quid multa? bullam esse hominem in
proverbium abiit. est igitur mollities quæ-
dam uiro indigna, mortis mentione terreri;
quum præsertim omnes tādē aliquid ac mul-
to plures, ut dicitur, crapula quā ferrum oc-
cidat: pluresq; etiam, ut non semel ait Home-
rus, stando atque audēdo, quā cedendo ac fu-
giendo seruentur. quapropter, si adsit occasio
longē præstat morte gloriam quærere, quam per
ignauiam turpiter uiuere. nam uita hominis ie-
circo breuibus spaciis naturæ prouidentia con-
tinetur, ne diu quenquam suis malis excruciet.
malorum autem plena est, ut eis agitata uirtus
eniteat, cuius ui prorsus diuina, initium quod-
dam perpetuo uiuendi ex hac luce sumentes,
ineffabili gloriæ suauitate, quæ uerè ambrosia
est, cum diis in æternum perfrui possimus. quæ
quum ita sint, quis reperiri queat usque adeo ue-
cors, ut Laidos alicuius seu Phrynes noctē, cœ-
nāmue quāpiam Sybariticam, aut Syracusa-

nam cum tanta uirtutis atq; honestatis dulcedine conferat? quæ, ut planum fecimus, & in cognoscendo, & in agendo tantopere delectet? nemo sanè, ac multo minus ille qui liberaliter natus atq; institutus esse uideatur. Vos itaque iuniores appello, quibus ætas adhuc in lubrico est: uirtutem propter ipsius pulchritudinem capeffite. nec lucrum ante alia, ut nonnulli hodie faciunt, in litteris etiam quærite, sed sapientiam in primis, qua tum cætera cum dignitate obire, tum rempublicam prudenter ac fortiter administrare discatis; sicut in Academicorum libris Anaxagoras, die sibi à Clazomeniis dicta, quòd nimium philosophetur, se non id agere ostēdit, ut secessu & otio inutilis reipublicæ fiat, quemadmodum aduersarii contenderint, uerum doctrina, studioq; inuestigare quo pacto queat ei plurimum aliquando prodesse. quum enim reliqua animalia partim coriis, & ungulis, partim aliis munimentis instructa, ut seorsum ac per se uiuerent natura formarit, homines uerò ita undique spoliatos finxerit, ut dum alter alterius opera egeret, per se quisque minimum posset, societatem hanc, quam natura duce coimus, quæque tantum ualemus, pro uirili iuuare omnes tenemur. at quia ciuitas quælibet, tametsi ut na

uis multa in se habet officia, multaq; ministeria;
nulla tamen re magis quam sapientibus uiris ac
fortibus indiget, propterea quod duo alterna
sint, quæ ipsam uariant, pax & bellum: sum-
ma ope niti debetis, ut domi, in pace, prudentes
pariter & eloquentes, in bello ac foris magnani-
mi potissimum esse possitis. porro hanc facul-
tatem eo duntaxat litterarum genere comparari
quod proprie humanum uocetur, id est ad ho-
minem maxime pertinens, multis equidem ar-
gumentis aliàs declarauimus. quoniam scilicet eo-
rum eloquendi ratio, tum uirtutum omnium, ac
præcipue magnanimitatis exempla contineren-
tur. quàm autem id absq; græcæ linguæ cogni-
tione imperfectum penitus, & mancum sit, ne-
mo hac ætate iam dubitat. quare dū præsto est,
qui uos publice, priuatimq; fideliter ac ingenue
doceat, græcis litteris studiorum uestrorum par-
tem impendite, atque per horam quotidie hūc
locum inuisite, nequaquam uerò hæc mea causa
potius quàm uestra dici putetis. siquidem ho-
noris, cuius gratia, ut uerum fatear, posthabi-
tis maioribus emolumentis hoc munere apud
uos fungi uolui, per quadriennium iam mihi
satis quæsitum est, quotidieq; aliquid ætas ad-

Q V I N T A 83

iunget; ac nisi me fallit opinio, citius quempiā
fortasse mei desiderium quā tædium capiet.
sed cunctantibus uobis, discendi tempus, atque
oportunitas elabetur; quod ne fiat dum in ue-
stra manu est, operam quæso diis bene iuuanti-
bus date. **Dixi.**

M D X X I I

Mense Octobri.

Errata sic corrigi debent.

car. prima à tergo uersu .xvii. suma, tq̄ue pro
sum atque.

car. ii. uersu. xi. saltim pro saltem.

car. xviii. à tergo uers. xi. agenda pro augenda.

car. xxi. à tergo uers. i. con sisteret pro cōsisteret.

car. lj. à tergo uers. ix. insitionem pro inquisitionem.

car. lvii. à tergo uers. xiiii. cædit pro cedit.

car. lxii. à tergo uers. xvi. faceret, antisque pro fa
cere tantisq̄;

car. lxiiii. uers. xxy. atqu pro atque .

005266464

R E G I S T R V M

* A B C D E F G H I K L

Omnes sunt quaterniones præter * qui est
ternio & L duernio.

A P V D A L D I F I L I O S .
V E N E T I I S .

M D L I .

R E G I S T R A M

* A B C D E F G H I K L

Omnes sunt rationes prae * quibus
termino & l. quibus

AL

DVS



A P V D A M F L I O S .


V E N E T I I S .


I .


L

M









5750^c